




ԶԱՄԻԱԾԻՆ

1978
9



ԼԵ
ՏԱՐԻ



ԷԶՄԻԱԾԻՆ



ՊԱՇՏՈՆԱԿԱՆ
ԱՄՍԱԳԻՐ
ՀԱՅՐԱՊԵՏԱԿԱՆ
ԱԹՈՌՈՒՅ
Ս. ԷԶՄԻԱԾՆԻ

Յու՛նիս

1978



ՀՐԱՄԱՆԱԻ

S. S. ՎԱԶԳԵՆԻ ԱՌԱՋՆՈՅ

ՎԵՀԱՓԱՌ ԵՒ ՍՐԲԱԶՆԱԳՈՅՆ ԿԱԹՈՂԻԿՈՍԻ
ԱՄԵՆԱՅՆ ՀԱՅՈՑ



**ՌՈՒՍ ՊՐԱՎՈՍԼԱՎ ԵԿԵՂԵՑՈՒ ՊԱՏՐԻԱՐԺՈՒԹՅԱՆ
ՎԵՐԱՀԱՍՏԱՏՄԱՆ 60-ԱՄՅԱԿԻ ՀԱՆԴԻՍՈՒԹՅՈՒՆՆԵՐԸ
ՄՈՍԿՎԱՅՈՒՄ**

1978 թվականի մայիսի 24—29 օրերին Մոսկվայում ուսաց պատրիարքարանի նախաձեռնությամբ նշվեց ուս պրավոսլավ եկեղեցու պատրիարքության վերահաստատման 60-ամյա հոբելյանը: Այս առթիվ Հայոց Հայրապետը ևս եղբայրական հրավեր էր ստացել Նորին Սրբությունն ուսաց Տ. Պիմեն Սրբազան Պատրիարքից՝ մասնակցելու հոբելյանական հանդիսություններին:

Մայիսի 24-ին, չորեքշաբթի օրը, Վեհափառ Հայրապետը մեկնեց Մոսկվա: Այս առթիվ Հայոց Հայրապետին ողջեցում էր Վրաստանի թեմի հայոց առաջնորդ տ. Գևորգ Եպիսկոպոս Մերայդարյանը:

Երևանի օդանավակայանում Հայոց Հայրապետին ճանապարհեցին տ. Կոմիտաս, տ. Հուսիկ, տ. Տիրայր, տ. Արսեն, տ. Նարեկ սրբազանները, Մայր Աթոռի վարդապետները և այլ անձինք:

Հայոց Հայրապետին դեպի Մոսկվա ճանապարհեց նաև Հայկ. ՍՍՀ Միևիատրների խորհրդին առընթեր հայ եկեղեցու գործերի խորհրդի նախագահի տեղակալ Անդրանիկ Հասրաթյանը:

Մոսկվայի «Ռոմոդեդովո» օդանավակայանում Հայոց Հայրապետին անձամբ դիմավորեց և բարի գալուստ մաղթեց Նորին Սրբություն Տ. Պիմեն Պատրիարքը՝ ընկերակցությամբ տ. Ֆիլարետ, տ. Յուլենալի, տ. Ալեքսի միտրոպոլիտների, արքեպիսկոպոսների և եպիսկոպոսների:

Հանուն ՍՍՀՄ Միևիտրների խորհրդին առընթեր կրոնական պաշտամունքների խորհրդի, Հայոց Հայրապետին ողջունեց և բարի գալուստ մաղթեց խորհրդի նախագահի տեղակալ Պյոտր Մակարցուն:

Հանուն Մոսկվայի հայ եկեղեցու վարչության և հավատացյալների, Հայոց Հայրապետի ժամանումը ողջունեց նաև Ռուսաստանի և Նոր Նախիջևանի թեմի առաջնորդական տեղապահ տ. Տիրան վարդապետ Կյուրեղյանը:

Օղանավակայանի ընդունելության դահլիճում երկու Հայրապետների և նրանց շրախմբի անդամների միջև տեղի ունեցավ ջերմ զրույց, որից հետո Հայոց Հայրապետը առաջնորդվեց Մոսկվայի «Սուվետսկայա» հյուրանոց:

Մայիսի 25-ին, հինգշաբթի օրը, առավոտյան ժամը 10-ին, հոբելյանին հրավիրված բոլոր պատգամավորները Մոսկվայի ռուսաց ս. Հարության տաճարում ներկա եղան հանդիսավոր ժամերգությանը:

Այս առթիվ Ս. Պիմեն Սրբազան Պատրիարքը ջերմորեն ողջունեց ներկայությունը բոլոր պատգամավորների և ապա քարոզեց օրվա հանդիսության պատմական կարևոր նշանակության մասին:

Նույն օրը, ժամը 16-ին, «Սուվետսկայա» հյուրանոցի համերգային դահլիճում տեղի ունեցավ ռուս եկեղեցու պատրիարքության վերահաստատման 60-ամյակի հանդիսության բացումը, որտեղ բովանդակալից ու պատմական մի զեկուցումով հանդես եկավ Ս. Պիմեն Սրբազան Պատրիարքը՝ նշելով պատրիարքության վերահաստատումից հետո անցած վաթսուն տարիների ընթացքում կատարված հոգևոր, եկեղեցական, մշակութային, էկոմենիկ, հայրենասիրական և խաղաղասիրական կարևոր իրադարձությունները:

Նույն օրը, ժամը 19-ին, նույն տեղում գումարվեց հանդիսության երկրորդ միաստը, որտեղ ելույթ ունեցան հանդիսություններին հրավիրված բոլոր եկեղեցիների հոգևոր պետերն ու պատգամավորները:

Մայիսի 26-ին, ուրբաթ օրը, առավոտյան ժամը 10-ին, առաջինը հանդես եկավ Հայոց Հայրապետը հոբելյանի նշանակությանը նվիրված հետևյալ բովանդակալից զեկուցումով:

ԱՄԵՆԱՅՆ ՀԱՅՈՑ Տ. Տ. ՎԱԶԳԵՆ Ա. ԿԱԹՈՂԻԿՈՍԻ ՀՈՐԵՆՅԱՆԱԿԱՆ ԽՈՍՔԸ ՀԱՆԳԻՍՈՒԹՅԱՆ ԺԱՄԱՆԱԿ

(Մոսկվա—մայիս 26, 1978)

Ձերդ Սրբություն, Սրբազան Պատրիարք Համայն Ռուսաստանի,

Գոհություն ենք տալիս բարին Աստծուն, որ այս պահին այստեղ ենք գտնվում, Ձեր կողքին, երբ Ձերդ Սրբությունը և ռուս պրավոսլավ մեծ եկեղեցին տոնախմբում եք ձեր պատրիարքական պատմական Աթոռի վերահաստատման վաթսունամյակը, մի պատմական նշանակալից իրադարձություն, կենսագործված շնորհիվ Ռուսաստանում սովետական կարգերի հաստատման: Մի պատմական ակտ, որ այդ, նշանակալից եղավ ոչ միայն ռուսաց պրավոսլավ եկեղեցու, այլև համայն քրիստոնյա եկեղեցիների ընտանիքի համար:

Այս գիտակցությամբ է, որ Մենք, հանուն Հայաստանյայց առաքելական եկեղեցու, ուրախ սրտով ողջունում ենք հիշատակության այս հանդիսավոր պահը և մեր եկեղեցու ու ժողովրդի աղոթքները միացնում ենք Ձեր աղոթք-

ներին, որպեսզի հավետ անասան մնա ռուսաց եկեղեցու պատրիարքական սուրբ Աթոռը և հավետ լուսապայծառ մնա ռուսաց պրավոսլավ եկեղեցին:

Հայտնի է բոլորիս այն նախախնամական դերը, որ ունեցավ ռուսաց եկեղեցին աշխարհում քրիստոնեության տարածման և ծաղկման գործում վերջին հազար տարիների ընթացքում:

Դարեր շարունակ նա հանդիսացավ քրիստոնեության ամենահզոր սյունը Արևելյան Եվրոպայում և առհասարակ ամբողջ Արևելքում: Բախտորոշ եղավ նրա առաքելությունը ոչ միայն զուտ կրոնական, այլև մշակութային, ընկերային և քաղաքական իմաստով: Ռուսաց եկեղեցին եղավ այն մշտավատ փարոսը, որից բաշխվեց աշխարհին ռուս ժողովրդի քրիստոնեական ոգեկանության անսպառ լույսը: Ռուս ժողովուրդը հազար տարիներ շարունակ անկորնչելի կրոնական, մշակութային ու արվեստի ինքնատիպ փայլում արժեքներով փառավորեց Քրիստոսի սուրբ և անմահ անունը: Այս իմաստով մենք՝ բոլոր քրիստոնյաներս, մենք՝ բոլոր եկեղեցիներս, երախտապարտ ենք ռուս քրիստոնյա ժողովրդին ու նրա եկեղեցուն:

Հայաստանյայց առաքելական եկեղեցին այս վկայություններն է բերում նաև իր պատմությամբ: Դեռևս հնագույն շրջաններից սկսած, Կիլիկյան Ռուսաստանի օրերից, հաստատված են եղել եղբայրական հարաբերություններ մեր երկու եկեղեցիների միջև:

Այդ հարաբերությունները այնքան սերտ են դարձել, որ 12—18-րդ դարերում կատարվել են թարգմանություններ հայերենից-ռուսերեն՝ «Վարքս. Գրիգոր Լուսավորչի» և «Վարքս. Հռիփսիմեան կուսանաց» երկերի, իսկ ռուսերենից հայերեն է թարգմանվել «Վարքս. Բորիսի և Գլեբի» երկերը: Իսկ Նովգորոդի մոտ, Վոլխով գետի ափին, 1189 թվականին կառուցված Պրեպրաժենյան Ներեսիցի եկեղեցում, որմնանկարների շարքում նկարվել են ս. Գրիգոր Լուսավորչի և ս. Հռիփսիմե կուսի կերպարները: Հետաքրքրական է նաև, որ հեռավոր Կիլիկյան Հայաստանում 12-րդ դարում ապրող ու գործող մեր մեծագույն Հայրապետներից ս. Ներսես Շնորհալի կաթողիկոսը իր երկերում հիշել և գովաբանել է ռուս ժողովրդի անունը:

Ի Քրիստոս սիրո այս հարաբերությունները մեր քույր եկեղեցիների միջև հետզհետե զարգացան պատմության ընթացքում և առավել խորացան 1828 թվականից սկսած, երբ Արևելյան Հայաստանը միացավ Ռուսաստանին, մի պատմական իրադարձություն, որ փրկաբար եղավ հայ ժողովրդի և եկեղեցու համար, որի հարյուրհիսունամյակը լրանում է այս տարի: Հառաչիկա սեպտեմբեր և հոկտեմբեր ամիսներին Հայաստանում մեծ շուքով պիտի նշվի պատմական այդ իրադարձությունը, որը սկզբնավորեց հայ ժողովրդի ազգային, քաղաքական ու նաև եկեղեցական վերածնունդը: Այդ առթիվ ամբողջ մեր ժողովուրդը, որ ի Հայաստան և որ ի սփյուռս աշխարհի, մի անգամ ևս պիտի հայտնի իր երախտագիտությունը ռուս ազատարար ժողովրդի հանդեպ և մի անգամ ևս պիտի հաստատի այն պատմական ճշմարտությունը, որ Սովետական Միության հաղավային սահմանների վրա հայ ժողովուրդը, Սովետական Հայաստանը կա ու կմնա ամենահավատարիմ ու նվիրական եղբայրը ռուս Մեծ ժողովրդի: Մեր երկրում թե արտասահմանում չկա ճշմարիտ հայ մարդ, որ տաքեր մտածի:

Պետությունից անջատվելով ու պատրիարքության վերականգնումով ռուս պրավոսլավ եկեղեցին մտավ իր պատմության նոր փուլի մեջ, իր

առաքելության բուն ճամփին: Ապացույց, անցնող վաթսուն տարիների միջառակության արժանի նրա իրագործումները հոգևոր-եկեղեցական, կրոնական դաստիարակության, հայրենասիրական, էկոմենիկ շարժման և խաղաղության պաշտպանության ուղղություններով:

Խոր հիացումով պարտ ենք հիշել այստեղ այն անձնագրի մասնակցությունը, որ ունեցավ ռուս հոգևորականությունը Հայրենական մեծ պատերազմի ահարկու տարիներին, մեկ սիրտ ու մեկ հոգի դարձան ռուս ժողովրդի բոլոր զավակների հետ, որոնք ներսական խոյանքով պաշտպանեցին ու փրկեցին սովետական մեծ հայրենիքը, ջախջախելով գլուխն ու մարմինը Հիտլերյան հրեշի:

Մենք այստեղ ցանկանում ենք կարևորությամբ ընդգծել մասնավոր ռուս եկեղեցու և նրա լուսամիտ հոգևորականության ծավալած միջազգային գործունեությունը՝ ի պաշտպանություն աշխարհի խաղաղության դասի և ժողովուրդների համերաշխ գործակցության:

Եթե ճշմարիտ է, որ Քրիստոսի Ավետարանը սիրո ու խաղաղության մի առաքելություն է երկրի վրա մարդկային ընկերության մեջ, ապա ռուսաց եկեղեցին մեր օրերին իր առավելագույնն է կատարում այդ գերազանցապես քրիստոնեական իդեալի կենսագործման համար, խաղաղասիրական իր գործունեությամբ ոգեշնչելով նաև մյուս բույր եկեղեցիները, որոնց առաջին շարքերին է գտնվում նաև մեր եկեղեցին, Հայաստանյայց առաքելական եկեղեցին:

Ռուս պրավոսլավ բազմադարյան եկեղեցին, շատ հարուստ և հիացումի արժանի ավանդություններով ու հոգևոր արժեքներով, մեր օրերին էլ հավատարիմ մնալով հանդերձ իր բազմադարյան ավանդություններին ու իր շատ հարուստ արժեքներին, իր սիրտն ու հոգին բացել է նաև այն մեծ հարցերին, որոնց առաջ է գտնվում ողջ մարդկությունը այսօր:

Ձերդ Սրբություն, այս զգացումներով ու խորհրդածություններով ոգեշնչված, Մեր սրտի բովանդակ ջերմությամբ ողջունում ենք ձեր պատմական մեծ եկեղեցու պատրիարքության վերանաստատման վաթսուամյակը և ներկայացնում ենք այստեղ Ձեզ Հայաստանյայց առաքելական եկեղեցու անհուն սերն ու հարգանքը, վստահեցնելով Ձեզ, որ անձամբ Մենք և հայ եկեղեցու բոլոր սպասավորներն ու ժողովուրդը պիտի մնանք միշտ ձեր կողքին, ռուս եկեղեցու և ռուս ժողովրդի կողքին, մեր եկեղեցիների կրոնական, էկոմենիկ, հայրենասիրական և խաղաղասիրական առաքելության լուսավոր ճանապարհի վրա:

Թող Աստված օրհնի ռուսաց պրավոսլավ եկեղեցին և միշտ փառքով պսակի նրա սրբազան գործը, այժմ և հավիտյան. ամեն:

Այս առթիվ Հայոց Հայրապետը Ս. Պիոնը Սրբազան Պատրիարքին նվիրեց ռուսերեն լեզվով 17-րդ դարի ձեռագիր մի աղոթագիրք:

Նույն օրը, ժամը 16-ին, նույն տեղում գումարվեց հորեկանի եզրափակիչ նիստը, որտեղ նույններով հանդես եկան կրոնական տարբեր դավանությանց ներկայացուցիչներ:

Մայիսի 27-ին, շաբաթ օրը, առավոտյան, բոլոր պատգամավորները ս. Հարության տաճարում ներկա եղան հանդիսավոր պատարագին:

Մայիսի 28, կիրակի: Այսօր Զագորսկի վանքում մատուցվեց հանդիսավոր սուրբ պատարագ, որին ներկա եղան հորեկանին մասնակցող բոլոր նրավիրյալները:

Սուրբ պատարագի ավարտին, ի պատիվ պատգամավորությունների, տրվեց ճաշկերույթ Ջագորսկի վանքում:

Նույն օրը, ժամը 16-ին, «Սովետական» հյուրանոցի համերգային դահլիճում տեղի ունեցավ համերգ հյուրերի պատվին: Համերգի առաջին մասում ելույթ ունեցան Մոսկվայի հոգևոր ճեմարանի սաները, իսկ երկրորդ մասում հանդես եկավ Ա. Ա. Յուրյուկայի անվան պետական ակադեմիական երգչախումբը՝ ղեկավարությամբ ՌՍՖՍՀ արվեստի վաստակավոր գործիչ Յուրի Ուխոլի:

Մայիսի 29, երկուշաբթի: Այսօր հոբելյանական հանդիսությունների վերջին օրն էր: Ստավուտյան ժամը 11-ին, ի պատիվ բոլոր պատգամավորների և հյուրերի, տրվեց հրաժեշտի ճաշկերույթ, որին ներկա եղավ նաև Հայոց Հայրապետը:

Ընդունելությանը նախագահում էր Տ. Պիմեն Սրբազան Պատրիարքը: Հանուն բոլոր պատգամավորների և հյուրերի, Հայոց Հայրապետը հանդես եկավ շնորհավորական և շնորհակալական հետևյալ հուզիչ խոսքով.

ՀԱՅՈՑ ՀԱՅՐԱՊԵՏԻ ԽՈՍՔԸ ՀՐԱԺԵՇՏԻ ԸՆԴՈՒՆԵԼՈՒԹՅԱՆ
ԺԱՄՍՆԱԿ

(29 մայիսի, Մոսկվա)

Ձերդ Սրբություն, սիրեցյալ եղբայր մեր ի Քրիստոս,

Իբրև Պատրիարք-կաթողիկոսը հայ առաքելական եկեղեցու, Մեզ համար մեծ ուրախություն է և պատիվ այս պահին Ձեզ ուղղել եղբայրական սիրո խոսք և բարի մաղթանքներ, բոլոր սրբազան պատրիարք մեր եղբայրների և բարձրաստիճան հոգևորականների անունից, որոնք Ձերդ Սրբության հրավերով մասնակցեցին ռուս պրավոսլավ սուրբ եկեղեցու պատրիարքության վերահաստատման 60-ամյակին նվիրված սրբազան արարողություններին և հանդիսություններին:

Ամենայն վատահոությամբ Մենք կաթող ենք ասել, որ անցնող այս չորս օրերի ընթացքում խորապես ապրեցինք սաղմոսերգուի քաղցր զգացումը՝ թե՛ «Ինչքան բարի է և ինչքան վայելույ, երբ եղբայրներ միատեղ են զրտնըվում»:

Բոլորս զգացինք սուրբ Հոգու մխիթարիչ ներկայությունը մեր մեջ: Այս երկնային շնորհի համար մենք երախտապարտ ենք Ձեզ:

Մեր օրերի էկումենիկ հարաբերությունների զարգացման ճանապարհին, ահավասիկ, Ձերդ Սրբությունը մի աստվածահաճո քայլ ևս կատարեց դեպի առավել ամրապնդումը մեր եկեղեցիների սիրո միության, դեպի առավել ամրապնդումը մեր բոլորի եղբայրության:

Մենք հավատում ենք, որ էկումենիկ հարաբերությունների հետզհետե առավել զարգացմամբ, մեր միատեղ աղոթքներով և սերտ գործակցությամբ պիտի հաջողվեն ավելի ու ավելի սփռել մեր Փրկչի՝ Հիսուսի Քրիստոսի Ավետարանի լույսը մեր օրերի աշխարհի վրա, որպեսզի այդ ճառագայթումով լուսավորվի մարդկային արդի կյանքը, և մեր երկրագնդի վրա լինի ավելի արդարություն, ավելի մարդասիրություն և ավելի խաղաղություն: Մանավանդ խաղաղության համար պետք է անձանձրույթ աղոթենք ու լավատեսությամբ գործենք:

Այս խոհերով Մենք դիմում ենք Ձերդ Սրբությանը, որովհետև բազմազան ենք, թե անձամբ Դուք ներշնչված եք ավետարանական այս պատգամներով, և ձեր մեծ եկեղեցին՝ ոռոս պրավոսլավ եկեղեցին, տաանյակ տարիներից ի վեր իր սուրբ առաքելությունը ծավալում է նույն այս սրբազան պատգամների ոգով:

Մենք մաղթում ենք, որ Ձերդ Սրբության կյանքի օրերը լինեն միշտ արևոտ, միշտ խաղաղ, և Դուք շատ երկար տարիներ առաջնորդեք ձեր մեծ եկեղեցին ի փառս Աստուծո, ի մխիթարություն ձեր հավատացյալ ժողովրդի և հուրախություն մեզ բոլորիս, որ եղբայրաբար սիրում և հարգում ենք Ձեզ մեր սրտի բովանդակ ջերմությամբ:

Թույլ տվեք նաև, որ մեր բոլոր հոգևոր եղբայրների անունից սրտագին շնորհակալություն հայտենք Ձեր սրանչելի ընդունելությանը և հյուրասիրությանը համար, որ առատորեն վալեղեցինք այս օրերին Մոսկվայում և Հագորսկում: Պիտի բաժանվենք Ձեզանից անմոռաց հիշատակներով, վերջստին հանդիպելու և վերստին միատեղ աղոթելու և ուրախանալու իղձով:

Այս առթիվ պարտինք նաև բոլոր պատգամավորների և հյուրերի անունից սրտագին շնորհակալություն հայտնել սովետական կառավարությանը, հանձին ՍՍՀՄ Միևիատրների խորհրդին առընթեր կրոնական պաշտամունքների խորհրդի նախագահ մեծարգո պր. Վլադիմիր Կուրոլեդովին, այն բոլոր դյուրությունների համար, որոնք ընծայվեցին՝ հաջողությամբ անցկացնելու ոռոս պրավոսլավ սուրբ եկեղեցու այս սրանչելի հանդիսությունները:

«Այլ ինքն Տէր մեր Յիսուս Քրիստոս և Աստուած և Հայր մեր, որ սիրեացն զմեզ և ետ մեզ մխիթարութիւն յաիտենից և յոյս բարեաց շնորհօք, մխիթարեացէ զսիրտս ձեր և հաստատեացէ յամենայն բանս և ի զործս բարութեան» (Բ Թեա. Բ 15—16):

Վեհափառ Հայրապետը հորելյանական սույն հանդիսություններից հետո, մինչև հունիսի 9-ը, մնաց Մոսկվայում՝ նույն օրը մեկնելու համար հովիվապետական այցելության Լոնդոն:



Քույր Եկեղեցիներ



ՀՈՒՆԱՍՏԱՆԻ ՀՈՒՅՆ ՕՐԹՈԴՈՔՍ ԵԿԵՂԵՑՈՒ ՊԱՏՎԻՐԱԿՈՒԹՅՈՒՆԸ ՄԱՅՐ ԱԹՈՌՈՒՄ

Մայիսի 30-ին, Հայոց Հայրապետի եղբայրական հրավերով, Մայր Աթոռ ժամանեց Հունաստանի հույն օրթոդոքս եկեղեցու պատվիրակությունը, որը Մոսկվայում մասնակցել էր ռուս պրավոսլավ եկեղեցու պատրիարքության վերահաստատման 60-ամյակին նվիրված հանդիսություններին:

Սույն պատվիրակությունը Մայր Աթոռում գտնվեց մայիսի 30-ից մինչև հունիսի 2-ը:

Հույն եկեղեցու պատվիրակության կազմում էին Կիպրոսի միտրոպոլիտ, սուրբ Սինդի արտաքին հարաբերությունների հանձնախմբի նախագահ տ. Բառնաբաս արքեպիսկոպոսը, Տալանդիի միտրոպոլիտ, ս. Սինդի գլխավոր քարտուղար տ. Ամբրոսիոս արքեպիսկոպոսը, ս. Սինդի արտաքին հարաբերությունների հանձնախմբի քարտուղար տ. Մելեսիոս Կալամարաս վարդապետը և նույն հանձնախմբի փոխարտուղար տ. Ստեֆանոս Ալիբամիսիս քահանան:

Սույն պատվիրակությանը, հանուն ռուսաց պատրիարքության, Մոսկվայից ուղեկցում էր Պենգալի և Սարանսկու տ. Մելքիսեդեկ արքեպիսկոպոսը:

Երևանի օղանավակայանում, հանուն Հայոց Հայրապետի, Մայր Աթոռի պատվարժան հյուրերին դիմավորեցին և բարի գալուստ մաղթեցին տ. Կոմիտաս, տ. Արսեն, տ. Նարեկ, տ. Գևորգ սրբազանները:


Մայր Աթոռի մեծարգո հյուրերի ժամանումը Երևան ողջունեց նաև Հայկ. ՍՍՀ Միևհատրների խորհրդին առընթեր հայ եկեղեցու գործերի խորհրդի նախագահի տեղակալ Անդրանիկ Հասրաթյանը:

Այնուհետև պատվիրակությունը առաջնորդվեց Երևան՝ «Անի» հյուրանոց:

Մայիսի 31-ին, չորեքշաբթի օրը, նաղելի հյուրերը այցելեցին Երևանի սուրբ Մեսրոպ Մաշտոցի անվան ձեռագրաց Մատենադարան և ապա Գևորգի և ս. Գեղարդի պատմական վանք, ուր, ի պատիվ նրանց, տրվեց ճաշկերույթ:



Հունաստանի մուլն օրրոգոցս եկեղեցու պատվիրակությունը Երևանի ս. Սարգիս եկեղեցու մուտքի առաջ



Ազոյքի հայ նախադասի համարձակումը առաջ. Ծիծեռնակաբերդ

Նույն օրը, երեկոյան, հյուրերը երևանում, Հայաստանի կոմպոզիտորների տանը, ներկա եղան ՀԽՍՀ ժողովրդական արտիստների Լուսինե Զաքարյանի համերգին, որի ծրագիրը բաղկացած էր արևմտաեվրոպական երաժշտության դասական գործերից և հայ եկեղեցու շարականներից ու երգերից:

Հունիսի 1-ին, հինգշաբթի օրը, ստավոտյան ժամը 10-ին, հույն եկեղեցու պատվիրակությունը, ընկերակցությամբ Մայր Աթոռի միաբանության եպիսկոպոսների, Ծիծեռնակաբերդում այցելեց Հայ նախատակաց հուշարձան և ծաղկեպսակ զետեղեց՝ Հոգվոց արտասանելով հայ նախատակների նիշատակին:

Ավելի ուշ պատվիրակությունն այցելեց Երևանի ս. Սարգիս առաջնորդանիստ եկեղեցի:

Ժամը 12-ին Մայր Աթոռի հարգարժան հյուրերը ժամանեցին սուրբ Լճմիածին, այցելեցին Մայր տաճար, եկեղեցական արվեստի թանգարան, Հին և Նոր Վեհաքաններ և ապա ժամը 15-ին Մայր Աթոռի միաբանության անդամների հետ ներկա եղան իրենց պատվին տրված պաշտոնական ճաշկերույթին միաբանական սեղանատանը:

Ժամը 16-ին հյուրերը հյուրականում այցելեցին «Հայկաշեն» հայրապետական ամստանոց, այնուհետև, ժամը 18-ին, Մայր տաճարում ներկա եղան երեկոյան հանդիսավոր ժամերգությանը ու միասին ստորեցին Էկումենիկ ոգով քրիստոնեական եկեղեցիների ի Քրիստոս սիրո միության և աշխարհի խաղաղության համար:

Նույն օրը, ժամը 20-ին, Վեհաքանի սեղանատանը, ի պատիվ հյուրերի, տրվեց ողջերթի ընդունելություն, որի ընթացքում փոխանակվեցին սրտագին ու եղբայրական բաժակաճառեր և հուշանվերներ:

Հունիսի 2-ին, ուրբաթ օրը, ստավոտյան ժամը 7-ին, Հունաստանի հույն օրթոդոքս եկեղեցու պատվիրակությունը հրաժեշտ տվեց Մայր Աթոռին, նրա միաբանության անդամներին և լավագույն տրավորություններով սուրբ Լճմիածնից մեկնեց Լեհինգրադ:

Սույն այցելությունը Հունաստանի օրթոդոքս եկեղեցու բարձրաստիճանի նոգևորականության առաջին պատմական այցելությունն էր հայ եկեղեցու պատմական կենտրոն Մայր Աթոռ ս. Լճմիածին, այցելություն, որը կնպաստի հայ ուղղափառ և հույն օրթոդոքս եկեղեցիների հետագա համագործակցությանն ու ի Քրիստոս սիրո եղբայրությանը՝ մեր ժամանակները հատկանշող Էկումենիկ շարժման զարգացման նախապարհի վրա:





ՆՈՐԱՅՐ ԱՐՔԵՊԻՍԿՈՊՈՍ ՊՈՂԱՐՅԱՆ

ՄԵՆՔ ԷԶՄԻԱԾԻՆ ՄԸ ՈՒՆԻՔ

Աստվածային գործերը զարմանալի խորհուրդ մը ունին, բարձր՝ երկինքի նման, և խորունկ միանգամայն: Այդպիսի գործ մըն է Միածնին էջքը ի Վաղարշապատ:

Այնքան ազգեր կային երկրի վրա՝ մեծ և հզոր, բայց Միածինը իջավ փոքր և տկար ազգի մը մոտ: Ո՛վ իջեցուց Միածինը իր երկնային կայանեն վար, քարքարոտ երկրի մը գիրկը. ի՞նչպես պատահեցավ այդ անակնունելի հրաշքը:

Պարզ է այս հարցումին պատասխանը՝ ա. Գրիգոր: Իր անտանելի չարչարանքները, մեկը մյուսեն ավելի սարսազողեցիկ, ցնցեցին Միածնին երկնամիստ գահը: Ան տեսած էր շատ մարտիրոսներ, բայց Գրիգոր կգերազանցեր բոլորը: Տեսած էր իր առաջին վկային՝ Ստեփանոսի քարկոծումը և ոտքի կանգնած, որպեսզի քաջալերե գայն իր հավատքին մեջ: Գրիգորի բազմատեսակ տանջանքները արժանի էին ավելի բարձր գնահատության: Մանավանդ որ Գրիգորի հետևորդները պիտի կոչվեին դարե դար տոկալու ահավոր տանջանքներու և անկարագրելի տառապանքներու:

Եվ ահա Միածինը ոսկեղեն ուռնակ մը ձեռքին իջավ Վաղարշապատ, լույսի շողեր ցանեց ամեն կողմ, զարկավ իր կռունկներին, սանդարամետը սարսեցավ,

դժոխքի դռները տապալեցան: Հո՛ւ պիտի շինեք, ըսավ, իմ եկեղեցին:

Հրամանը աստվածային էր, որուն առջև խրոխտ թագավորն ալ պիտի խոնարհեր: Աստվածահիմն եկեղեցին անխախտ հիմքեր կուգեր: Հզոր թագավոր էր Տրդատ. ելավ Արարատ լեռ, ութը հսկա ժայռեր պոկեց, դրավ իր կռակին և բերավ Վաղարշապատ: Նոր եկեղեցիին հիմքերը պատրաստ էին:

Բարձրացավ շենքը, և Աստված եկավ հաստատվեցավ իր Տունը: Ըսավ Գրիգորին. Հոս դիր քու Աթոռդ, և իբրև իմ փոխանորդս տեղիդ այս ժողովուրդին: Հուզվեցավ Գրիգոր: Ես տկար մարդ մըն եմ, ըսավ, ի՞նչպես կրնամ պաշտպանել այս ժողովուրդը: Արցունքի կաթիլներ ինկան իր աչքեն: Հրեշտակները փութացին իսկույն, չթողուցին որ Գրիգորի արցունքները գետին իյնան. առին զանոնք մաքուր կանթեղի մը մեջ և տարին երկինք:

Դու և տկար չես, ըսավ Միածինը, Աստուծո գործությունը տկար համարվածներու միջոցավ է որ կհրաշագործե: Բայց որպեսզի քու ժողովուրդդ ապահով զգա՝ ահավասիկ Տրդատի թուրը պահապան կը դնեմ Արագածի գագաթին, քու արտասվաշող կանթեղիդ մոտ, և անոնք կմնան

այնտեղ հասկանալու՝ իմ հասկանալու լեզուն չեղեկություն չմտնե:

Միամենամիմն տամարին շաղախները հազիվ չորցած էին, անոր ամբողջությունը փորձելու համար եկավ Մարսիմին կարգը: Այդ տամարը իմ աչքիս մեջ փուշ մըն է, բայց հերանուս բռնակալը, մեջտեղեն պիտի վերցնեմ զայն: Առավ իր բանակը և սկսավ հառաչանալ դեպի Վաղարշապատ, բայց չկրցավ հոն հասնիլ. Տրդատի թուրը և անոր ետին կանգնած հայ զորքերը շարաշար կոպեցին գինը, և բռնակալը հեռացավ գլխիկոր:

Թագազարդ ուրիշ գլուխ մը հետվեց կղիտեր այս տիտանյան պայքարը, որ մեծապես կշահագորգեր գինը: Միտքը սրղտորած միմակ մը ուներ: Խանգարված էր բունը: Խոտվանույզ երազի մը հորձանքը պարտրած էր գինը: Աչքերը լայն բացած մեկ վար կնայեր քարծրացող փոշիին, մեկ վեր կնայեր կոտակվող ամպերուն: Հան էարձ կանգ առավ, իր աչքերը գամվեցան երկինքին, հոն նորանշան լույս մը նշմարեց, քառարև ձև ուներ այն, և թրակերպ ծայր, լուսաշող գիրեր շարվեցան անոր շուրջ և հուզումով կարդաց՝ «Առավ պիտի հաղթես»:

Ըստ մրցակիցներ ու հակառակորդներ ուներ ան, մոտ էր բախումի օրը, հրամայեց որ հռովմեական բանակի դրոշակներուն վրա աղ նշանը դրոշմեն: Ակառ պայքարը հակառակորդներու հետ, սաստիկ էր պատերազմը, բայց երկնային աղ նշանին գործությունը ապահոված էր Կոստանդիանոսի հաղթությունը: Տրդատի հաղթական թուրեն ժայթքած բոցալատ կայծերը սահմանված էին հրդեհելու Հռովմեական Կայսրությունը ծագե ծագ, նոր արշալույս մը պարզնելով տառապող մարդկության:

Հրաշալի լույսը վառ ի վառ կշողար Արագածի գագաթին և իր ճառագայթները երկրներ մինչև հեռավոր հորիզոններ: Հոգևոր էր այդ լույսը և կառաջնորդեր հոգիի մարդոց: Տարիները կանցնեին շարան շարան: Եվ ամա օր մը հոգիի մարդ մը ելավ մեջտեղ, Մաշտոց կիռչեին զայն, ոխտի ելավ դեպի Արագած, Լուսավորչի կանթեղեն ջան մը վստեց ու իջավ վար: Լուսավոր ջանը ձեռքին շրջեցավ Հայաստան աշխարհը հյուսիսեն հարավ և արևելքեն արևմուտք, ամեն տեղ բոցալատեց իմացական լույսի կանթեղներ, Հայաստանը վերածվեցավ շողշողուն աղամանդի:

Այդ անգին աղամանդը պետք ուներ պաշտպանության: Մաշտոց գտած էր միջոցը, երեսուն և վեց մարտկոցներ կազմեց և գետեղեց իր երկրին սահմաններուն վրա:

Աղամանդը քարծրանշող կշողար, անոր ամենամեծ փայլը թունը կփախցնեք հախանձու և ընչաքաղց բռնավորներու:

Ելավ Հազկերտ, ես մոխիրներու տակ պիտի թաղեմ, բայց, Լուսավորչի կանթեղը: Չես կրնար, բայց Վարդան, հրեղեն տուր ձեռքին, հոգևոր լույսը չէր կարելի մարել մոխիրներու կույտերով: Համառեցավ Հազկերտ, հառաչ քեց իր փղղերը, որոնք զարնվեցան Մաշտոցյան մարտկոցներուն և փլան կորակոր: Վարդանի հոգին սևեռվեցավ ոսկեծղի մատյանի մը էջերուն վրա՝ ամմահության կնիքով:

Ելավ Գրիգոր, ամբարտավանությանը կայարձեր և կղեր, ես Հայոց զորքը նշուխ կորովը կցովեմ: Լեւեց Վահան, Տրդատի կայծակե թուրը ձեռքն առավ, հեղ մը նախեցավ վեր՝ ս. Էջմիածնի կաթողիկեին, խաչակնքեց երեսը, խոյացավ ամառը դավաճանին վրա, և միգակի մեկ հարվածով՝ լերդախոց տապալեց զայն անկեղեղան: Վահանի անունը արձանագրվեցավ Հայոց Ռեկմատյանին մեջ՝ անջնջելի տառերով:

Ելավ Մարտավիր, Հայոց ազգը լուծի տակ դեմ կուգեր: Խնացավ Դավիթ, խեղ կայծակե թուրը, վազեց բռնավորին դեմ, զգետնեց զայն կիսակտոր: Այս դարձավ ետև, հետուն լույս մը կշողար, Արագածի կանթեղն էր: Դավիթի անունը երգի փոխվեցավ, ամմահական վեպ մը հավերժացուց իր փառավոր հիշատակը:

Ելավ Մենկիզ Խան իր արյունաբորու հորդաներով, քանդեց ու այրեց, բայց հալությունը դիմացավ ամեն տառապանքի, իր Լուսավորչին պես, և ողջ դուրս եկավ մահվան անդունդեն:

Եկավ Լեւոնթիմոր իր խուժուժ հորդաներով, այրեց ու քանդեց, ջարդեց ու կոտորեց, բայց հայ ժողովուրդը տոկաց ամեն տանջանքի, իր Լուսավորչին պես, և վերքատին ապրեցավ, շինեց ու շենցուց Հայաստան աշխարհը:

Եկավ Ծան Արսա իր անողոր զորքերով, գերեց քեց Արարատի հալությունը, անոր դի դարձուց Մայր Էջմիածինը, բայց հալազը դիմացավ, իր Լուսավորչին պես, վերակերտեց իր տունը և ծաղկեցուց իր աչգին:

Նոր դար՝ նոր աղետ, Լուսավորչի թուները դեռ պիտի տառապեին իրենց հախանոր նման: Ահավոր էր լուրը, հայուն գոյության վտանգ կապտոնար: Հիշեց Անդրանիկ Տրդատի թուրը, ձեռք առավ զայն, հեծավ իր սպիտակ ձին և իջավ ասարեղ: Կայծակե թուրը կշողար հրացայտ, կրակ կար Անդրանիկի աչքերուն մեջ, ռախվեք բնկրկեցան: Անդրանիկ ետին դարձավ, երկինքի և երկրի մեջտեղ կանթեղ մը լույս

կարձակեր. Լուսավորչի կանթեղն էր, հավիտենական խորհրդանիշը հայուն հավատքին և անմեռ կենդանության: Անդրանիկի անաղարտ անունը պարուրվեցավ լույսերով:


Մենք Էջմիածին մը ունինք, որուն վերև կալալա Լուսավորչի կանթեղը և կշողշողա Տրդատի թուրը: Դարեր կու գան, դարեր կերթան, Էջմիածինը կապրի իր քարեղեն գոյությամբ և հոգեղեն գորությամբ: Անոր

լուսաշող ճառագայթները սահման ու արգելք չեն ճանչնար, կթափանցեն ամեն տեղ ուր որ հայ կա, և կցուցնեն այն ճամբան որ կտանի դեպի անմահություն:

Տոն ա. Էջմիածնի
12.6.77

(«Սիոն» ամսագիր, Երուսաղեմ, 1977, № № Ե-2,
էջ 180-182)





ԵԿԵՂԵՑԱԿԱՆ ԲԵՄ. ԼՈՒՐԵՐ

Հունիսի 4-ին, կիրակի.—Այսօր Մայր տաճարում, Ավագ սեղանի վրա, հանդիսավոր սուրբ պատարագ է մատուցում Բաղդադից ուխտավորաբար Մայր Աթոռ ժամանած տ. Պատկ արքեպ. Թումայանը և «Հայր մեր»-ից առաջ քարոզում «Զհաց մեր համապագօրդ տուր մեզ այսօր» (Ղուկ. ԺԱ 3) Տեղումական աղոթքի բնաբանով:

Հունիսի 5-ին, երկուշաբթի.—Այսօր Մայր Աթոռ ս. Էջմիածնից հրաժեշտ առավ տ. Պատկ արքեպ. Թումայանը և մեկնեց Լոնդոն:

Հունիսի 11-ին, կիրակի.—Այսօր Մայր տաճարում իր քահանայական անդրանիկ պատարագն է մատուցում տ. Կոմիտաս արք. Հովնանյանը և «Հայր մեր»-ից առաջ քարոզում «Զի՞ տեսցես գշիդ յական եղբոր քո և ի քում ական գգերանդ ոչ նշմարես» (Ղուկ. 2 42) բնաբանով:

Հունիսի 12-ին, երկուշաբթի.—Այսօր, առավոտյան, հոգևոր ճեմարանի ուսանողությունը, տեսչի և դասախոսական կազմի ղեկավարությամբ, չորսօրյա շրջապտույտի մեկնեց դեպի Սիսիան, ս. Տաթևի վանք, Գորիս և Եղեգնաձոր:

Հունիսի 15-ին, հինգշաբթի.—Այսօր, առավոտյան ժամը 12-ին, Մայր տաճար այցելեցին հյուրաբար Հայաստանում գտնվող Միավորված ազգերի կազմակերպության մոտ աշխատող բազում երկրների դիվանագիտական մարմինների ներկայացուցիչներ:

Մայր տաճար այցելելուց հետո, հանուն Վեհափառ Հայրապետի, հարգելի հյուրերին Վեհաբանում ընդունեցին տ. Կոմիտաս արքեպ. Տեր-Ստեփանյանն ու «Էջմիածին» ամսագրի խմբագիր Ա. Հատիսյանը:

Տ. Կոմիտաս արքեպիսկոպոսը, ողջունելով հյուրերի ներկայությունը, բարի գալուստ մաղթեց նրանց և ապա համատո-

տակի ներկայացրեց Մայր Աթոռ ս. Էջմիածնի պատմությունը սկզբից մինչև մեր օրերը՝ որպես Հայաստանյայց եկեղեցու պատմական ու դարավոր կենտրոնի, որը նախախնամական դեր է կատարել և կատարում է հայ ժողովրդի եկեղեցական, մշակութային և հայրենասիրական կյանքում:

Այնուհետև սրբազանը պատասխանեց ներկաներից ոմանց հարցերին:

Հարգելի հյուրերը, հյուրասիրվելուց հետո, շնորհակալություն հայտնեցին սրբազանին և, Նոր Վեհարան այցելելուց հետո, մեկնեցին լավագույն տպավորություններով:


Հունիսի 18-ին, կիրակի.—Այսօր Մայր տաճարում ս. պատարագ մատուցեց ուխտավորաբար Մայր Աթոռում գտնվող Ֆրեզնոյի հայոց հոգևոր հովիվ տ. Տաթև քհն. Թաթույանը և քարոզեց՝ դեպի ս. Էջմիածին և մայր հայրենիք իր կատարած ուխտավորության հոգևոր, հայրենասիրական նշանակության մասին:

Հունիսի 25-ին, կիրակի.—Այսօր Մայր տաճարում պատարագում և քարոզում է ուխտավորաբար Մայր Աթոռում գտնվող Բաղդադի հայոց ս. Գրիգոր Լուսավորիչ եկեղեցու տ. Օշական քհն. Գրիգորյանը, որը ուխտավորական մի մեծ խումբ առաջնորդել էր Մայր Աթոռ և հայրենիք:

Հունիսի 22-ին, հինգշաբթի.—Այսօր Մայր Աթոռ է այցելում, գլխավորությամբ Հակոբ Ազատյանի (Մյունխեն) և Արմենակ Յազմաճյանի (Ֆրանկֆուրտ), Գերմանիայի հայ գաղութից ուխտավորների մի մեծ խումբ:

Մայր տաճարի լուսարարապետ տ. Հուսիկ եպս. Սանթրույանն ընդունում է ուխտավորներին Վեհարանում և գրուցում նրանց հետ գերմանահայ համայնքի եկեղեցական, մշակութային կյանքի մասին: Ուխտավորները Մայր տաճար այցելելուց և իրենց ուխտն ու աղոթքը կատարելուց հետո՝ մեկնում են Մայր Աթոռից լավագույն տպավորություններով:





ՀՈԳԵՎՈՐ ՀՈՒՆԸ

Հոգևոր միաբարության և բերկրանքի բացառիկ օր էր Մայր Աթոռի միաբանության համար մայիսի 27-ը, շաբաթ, ա. Գրիգոր Լուսավորչի «Ելն ի վիրապէն» տունը, երբ Վեհափառ Հայրապետի կարգադրությամբ Մայր տաճարում տեղի ունեցավ սարկավագական ձեռնադրություն:

Այդ օրը հոգևոր ճեմարանի Բ լսարանի բոլոր ութ ուսանողները միասիրտ ու միախորհուրդ, իրենց ազատ կամքով, հոգու թելադրանքով ու թրթիռով և անխաբ զգացումով, որպես «անձինք նուիրեալք սիրոյն Բրիստոսի», որոշեցին իրենց երիտասարդ ու խոտունմեայից կյանքը ընծայել Մայր Աթոռի և հայ եկեղեցու ծառայության սրբազան գործին՝ ընդունելով հոգևոր սպասավորության առաջին աստիճանը խորհրդանշող սարկավագական ուրարը:

Այդ համարձակ և սրտառույ ըսյլը մեր ուսանողների հոգեկան չափահասության, մտածումի և զգացումի հասունության պայծառ վկայությունն էր:

Հինգ-վեց տարիներ առաջ այդ ութ տղաքը, որոնցից չորսը հայրենի աշխարհից են և մյուս չորսը՝ սփյուռքի մեր թեմերից, ծվեն-ծվեն հոգիներով եկան Մայր Աթոռ ուսանելու, եկան ընտանեկան տարբեր միջավայրերից, տարբեր դաստիարակության, տարբեր հոգեբանությունների և նախասիրությունների տեր:

Ա. Էջմիածնի կրոնաշունչ և վանական մթնոլորտի մեջ այդ տղաքը անցկացրին իրենց ուսումնառության բեղուն վեց տարիները:


Ա. Էջմիածինը հանդիսացավ նրանց հոգու, մտքի և սրտի խանձարուրդ՝ հմուտ և անձնվեր դասախոսների անձանձիր, եռանդազին և սրտամաշ հոգաժողության և հսկողության ներքո:

Մանավանդ Հայոց Հայրապետի նաչվածքի և օրհնության տակ լցվեցին նրանք Մայր Աթոռին և հայ հավատացյալ ժողովրդին ծառայելու գիտակից նվիրումով, ու տարիների ընթացքում նրանց մտքի և սրտի վրա ցանված հավատքի, գիտության, ծառայության բարի սերմերը աճեցին և տվեցին լավագույն պտուղները՝ «ընդ միոյ երեսուն, ընդ միոյ վաթսուն և ընդ միոյ հարիւր»:

Նորընձանները ճեմարանի հարկի տակ ճանաչեցին և սիրեցին հայ եկեղեցին, մեր մշակույթն ու գրականությունը և հոգևոր արժեքները:

Մոտիկ անցյալում վանքերում ձեռնադրության նման առիթով բոլորանվեր ծառայության կանչված տղաների ամբողջ խումբը կոչվում էր «ողջակէզ» լսարան: Նույնն է պարագան նաև մեր նորընձա սարկավագների:

Ա. Էջմիածնի խորհրդի և լույսի մեջ հա-



Նորընձա սարկավագները լուսարարապետ տ. Հուսիկ եղբ. Սանթրոքյանի և հոգևոր ճեմարանի տեսուչ տ. Հովհաննես ակագ քհն. Մարտիրոսյանի հետ վեհարանի մուտքի առաջ

ստանացավ, կազմակերպվեց և իմաստավորվեց նրանց հոգևոր, մտավոր ու հայրենասիրական կյանքը գոհացուցիչ և բազմակողմանի պատրաստությամբ:

Նորընծաները Մայր Աթոռում գտան մանկ ծնողական ջերմ գորգուրանք ու հոգածություն և իրենց ապագա հոգևոր, մշակութային ծառայության համար մաքուր, քրիստոնեական ու հայեցի միջավայր և շունչ՝ պատրաստվելու համար վաղվա իրենց մեծ ու դժվարին գործին:

Այս անգամ էլ մեր նախնյաց հավատքի և նվիրումի տեսիլքն է մարմնավորվել այս անուշ տղաների երիտասարդ կյանքի մեջ:

Հաջորդ տարիներին, վատան ենք, որ փորձառության բույից անցնելով, նրանք կախարտեն իրենց ուսումը հոգևոր ճանապարհում և Հայոց Հայրապետի բարի շնչի տակ՝ է՛լ ավելի կհասունանան, է՛լ ավելի կպատրաստվեն կարենալ դատնալու համար արժանի մշակներ և հաջորդներ իրենց հոգևոր մատակարարներին, որոնց նվիրումով և աշխատանքով փառավորվել, պայծառացել է Մայր Աթոռ ս. Էջմիածինն ու հայ եկեղեցին:

Այսօր նրանց կենդանի ու ոգեշնչող մատակարարն է, «Զորագլուխն առաքինաց»՝ Հայոց բարի և արի Հայրապետը:

Ուր՝ նորընծաները ձեռնադրությունից առաջ իրենց սրտի դիմումը ներկայացրին բրպես ուխտ և խոստում Հայոց Հայրապետին՝ միջնորդությամբ Մայր տաճարի լուսարարապետ տ. Հուսիկ եպս. Սանթրոպյանի և ճեմարանի տեսուչ տ. Հովհաննես ավ. քհն. Մարությանի: Վեհափառ Հայրապետը հարգեց եղած արդ միջնորդությունը և, մանավանդ քաջամանուկ լինելով անձամբ ուր ուսանողների կյանքի և ուսումնառության տարիներին հոգևոր ճեմարանում որտես նրանց տրամաբանության և հոգեբանության դասախոսի, հրահանգեց նրանց ձեռնադրությունը:

Մայիսի 26-ին, ուրբաթ օրը, երեկոյան ժամերգությունից հետո, Մայր տաճարում կատարվեց նորընծաների սարկավազական եղանակ արարողությունը, իսկ սուսի 27-ին, շաբաթ օրը, ս. Լուսավորչի տոնին՝ **կարգ ձեռնադրությունը**՝ ձեռամբ լուսարարապետ տ. Հուսիկ սրբազանի և խարտավիյակությամբ տ. Ավետիս արդ. Մանդալյանի:

Ձեռնադրությունից հետո տ. Հուսիկ սրբազանը, հանուն Հայոց Հայրապետի, նորընծաներին շնորհավորեց և նրանց ողորդեց իմաստասիր հորդորական՝ մաղթելով, որ նրանք լինեն անձնուրաց և սրտեռանդ մշակներ հայ եկեղեցու և հարազատ զանակները Մայր Աթոռ ս. Էջմիածին:

Ժամը 14-ին միաբանական սեղանատա-

նը, ի պատիվ նորընծաների, տրվեց մաշկերույթ, որին ներկա էին Մայր Աթոռի ողջ միաբանությունը, հոգևոր ճեմարանի դասախոսական կազմն ու ուսանողությունը:

Մաշկերույթի ժամանակ, հանուն դասախոսական կազմի, նորընծաներին շնորհավորեց «Էջմիածին» ամսագրի խմբագիր և հոգևոր ճեմարանի ավագ դասախոս Արթուր Հատիսյանը, որն առաջին իսկ մեկ օրից, մյուս դասախոսների հետ միասին, հետևել է նորընծաների ուսումնառության տարիներին, նրանց հոգևոր ու մտավոր աճին, խանդավառությամբ և լավատեսությամբ, այն պայծառ գիտակցությամբ, որ մեր օրերում ևս կարիքը կա միշտ և հանապազ հոգևոր նոր հունձի՝ արժանավոր և հավաստավոր եկեղեցականների՝ կարենալ լցնելու համար այն դատարկությունը, որ իրենց ետին են թողնում մեզանից բնորոշ հեռացած մեր վաստակաշատ հոգևորականները:

Արդարև, հայ եկեղեցու հարատևությունը, առաքելությունն ու կենսունակությունը կախում ունեն առաջին հերթին Մայր Աթոռում և հայրենի հողի վրա՝ լուսամիտ, հոգևոր և բարոյական ամուր, սկզբունքային դատախարակություն ստացած հոգևորականներից:

Բարեկարգ, զորավոր եկեղեցի՝ նշանակում է, ամեն բանից առաջ, հավատավոր, գիտակից և կարգապահ հոգևորականություն, մեր նախնյաց պայծառ տեսիլքով առաջնորդված՝ կարենալ շարունակելու համար պատմական իր առաքելությունը մեր ժողովրդի կյանքում արդի աշխարհի բարդ պայմաններում:

Նորընծաներին ողորդալ խանդավառ և ոգեշունչ խրատական խոսեց ման աղ օրերին ուխտավորաբար Մայր Աթոռում գրուցվող Ռումինիայի և Բուլղարիայի միացյալ հայոց թեմերի առաջնորդ տ. Տիրայր եպս. Մարտիրոսյանը:

Հանուն նորընծաների երախտագիտության և շնորհակալության ջերմ ու անկեղծ խոսք ասաց նորընծա Հրաչ սրկ. Օղյուզյանը (Լիբանանից)՝ ողորդալ Վեհափառ Հայրապետին, լուսարարապետ տ. Հուսիկ եպիսկոպոսին, հոգևոր ճեմարանի տեսչությանը և դասախոսական կազմին:

Ուրախ են Մայր Աթոռի միաբանությունը, հոգևոր ճեմարանի դասախոսական կազմը, այն անխաբ հավատալով, որ ուր սարկավազների ձեռնադրությունը, նրանց սրբազան ուխտը, հոգևոր զինվորագրությունը նոր ուժ, նոր կորով է բերում այս բարավոր Հաստատությանը, որ Մայր Աթոռ ս. Էջմիածինն է, և նրա միջոցով՝ հայ եկեղեցուն:

Մայր Աթոռ ս. Էջմիածնի, Հայոց Հայրապետի այս ուրախությունն ու քերականքը բաժանում է նաև մեր հավատավոր ժողովորդը, որ ի հայրենիս և ի սփյուռս աշխարհի, այս երիտասարդ սարկավագների ուխտով, սարկավագներ, որոնք խոստանում են պատվով և արթությամբ կրել իրենց ուսերի վրա մեր նախնյաց արթությունների, հավատքի և հայրենասիրության արքայան տապանակը:

Արդարև, «Հունձք բազում են և մշակք սակաւ» (Մատթ. Թ 37):

«Արդ, աղաչեցէք զՏէր հնձուց, զի հանցէ մշակս ի հունձս իր» (Ղուկ. Ժ 2—3):

*
*
*

Հովհաննէս սարկավագ Ղազարյան. ծնվել է 1955 թվականի հունիսին Հոկտեմբերյան քաղաքում: Ավարտել է տեղի միջնակարգ դպրոցը 1970-ին և նույն թվականին էլ ընդունվել հոգևոր ճեմարան: Իր գիմնորակագ-հայրենասիրական ծառայությունը կատարելուց հետո վերադարձել է հոգևոր ճեմարան 1976-ին և շարունակել իր ուսումնառությունը Բ լսարանում:

Խաչիկ սարկավագ Մարտիրոսյան. ծնվել է 1956 թվականի հուլիսին Էջմիածնի շրջանի Ոսկեհատ գյուղում: 1963—1971 թվականներին սովորել է տեղի միջնակարգ դպրոցում: 1971 թվականին ընդունվել է հոգևոր ճեմարան: 1975—1977 թվականներին կատարել է իր գիմնորակագ-հայրենասիրական ծառայությունը սովետական բանակում և ապա վերադարձել հոգևոր ճեմարան: Այժմ սովորում է Բ լսարանում:

Արա սարկավագ Ծուլյան. ծնվել է 1957 թվականի մայիսին Բուխարեստում: 1974 թվականին ավարտել է համար 195 միջնակարգ դպրոցը և ընդունվել հոգևոր ճեմարան, որտեղ սովորում է այժմ Բ լսարանում:

Վաչագան սարկավագ Ավետիքյան. ծնվել է 1957 թվականի օգոստոսին Երևանում: 1974 թվականին ավարտել է տեղի Դերենիկ Դեմիրճյանի անվան միջնակարգ

դպրոցը և նույն թվականին ընդունվել հոգևոր ճեմարան: Այժմ սովորում է Բ լսարանում:

Վահրամ սարկավագ Տերտերյան. ծնվել է 1957 թվականի դեկտեմբերին Բեյրութում: Ավարտել է տեղի Նոր Մարաշի ազգային Քառասնից Մանկանց նախակրթարանը, իսկ 1970—1971 թվականներին սովորել Անթիլիասի Կիլիկյան Աթոռի դպրեմանքում, որի հինգամյա դասարանական բաժինը ավարտելով, 1976 թվականին ընդունվել է ս. Էջմիածնի հոգևոր ճեմարան: Այժմ սովորում է Բ լսարանում:

Խաչիկ սարկավագ Խարազյան. ծնվել է 1958 թվականի հոկտեմբերին Հալեպ քաղաքում: 1964 թվականին ծնողների հետ հայրենադարձվել է և հաստատվել Լեւոն-ճականում: Սովորել է տեղի Միքայել Նալբանդյանի անվան միջնակարգ դպրոցում մինչև 9-րդ դասարան և 1973 թվականին ընդունվել է հոգևոր ճեմարան: Այժմ սովորում է Բ լսարանում:

Հրաչ սարկավագ Օղուջյան. ծնվել է 1959 թվականի հունվարին Բեյրութում: Սովորել է տեղի Հաճն թաղամասի ազգային ս. Սահակ-Մեսրոպյան նախակրթարանում և այն ավարտել 1972 թվականին: 1973 թվականին ընդունվել է հոգևոր ճեմարան: Այժմ սովորում է Բ լսարանում:

Հովսէփ սարկավագ Պալըզյան. ծնվել է 1959 թվականի դեկտեմբերին Բեյրութում: Սովորել է տեղի ս. Քառասնից Մանկանց նախակրթարանում և այն ավարտել 1972 թվականին: Ս. Էջմիածնի հոգևոր ճեմարան է ընդունվել 1973 թվականին: Այժմ սովորում է Բ լսարանում:

«Էջմիածին» ամսագրի խմբագրությունը ջերմորեն շնորհավորում է նորընծա ութ սարկավագներին, այն արտագին բարեմաղթությամբ, որ նրանք իրենց ուսումնառության հաջորդ տարիներին լինեն ս. Ստեփանոս սարկավագի նման «արք լի հաւատովք և Հոգով սրբով» (Գործք. 2 5) և արդարացնեն իրենց վրա դրված բոլոր բարի հույսերը:



ՏԱՐԱԾԵԱԼ

Andante

Գալն. Գալն. միջ

S. *P* Տա-րա ծեալ ծեռք . ը նդ ծե - ռա ց ոտք ընդ ո - տից ըն .

A. *P* Տա-րա ծեալ ծեռք ընդ ծե - ռաց ոտք ընդ ո - տից ըն .

T. *P* Տա-րա ծեալ ծեռք ը նդ ծե - ռաց ըն նդ ո - տից - ըն .

B. *P* Տա-րա ծեալ ծեռք ընդ ծե - ռաց ոտք ընդ ո - տից ըն .

րա մալ եաց' փայտ ընդ փայ - տի դա ռը մ պլտ դո յ կեանք

րա մալ եաց' փայտ ընդ փայ . տի դա ռը մ պլտ դո յ կեանք

րա մալ եաց'

րա մալ եաց'

ընդ մա հու-փո - խար կե լով

ընդ մա հու-փո խար կե լով ր մեջ եր կու ց ա =

ի մեջ եր կու ց ա

Vocal line: *Go* *րի* *նա* *ց* *կայր* *մե* *ր* *կա* *ցեա* *լ* *տո* *ողն* *օ* *րի*
 Piano line: *Go* *րի* *նա* *ց* *կայր* *մե* *ր* *կա* *ցեա* *լ* *տո* *ողն* *օ* *րի*

mf
 Vocal line: *զոր* *ոչ* *տե* - *սիմ* *ազ* - *զը* *ն* *կու* *րա* *ց* *բայց*
mf
 Piano line: *նաց* *զոր* *ոչ* *տե* *սիմ* *ազ* *զը* *ն* *կու* *րաց* *բայց*
mf
 Vocal line: *զոր* *ոչ* *տե* *սիմ* *ազ* *զը* *ն* *կու* *րաց* *բայց*
mf
 Piano line: *նաց* *զոր* *ո* *չ* *տե* *սիմ* *ազ* *զը* *ն* *կու* *րաց* *ց* *բայց*

p *rit.*
 Vocal line: *ի* *մի* *ոյն* *յա* *ւա* *զա* *կա* *ց*
p *rit.*
 Piano line: *ի* *մի* *ոյն* *յա* *ւա* *զա* *կա* *ց*
p *rit.*
 Vocal line: *ի* *մի* *ոյն* *յա* *ւա* *զա* *կա* *ց*
p *rit.*
 Piano line: *ի* *մի* *ո* *յն* *յա* *ւա* *զա* *կա* *ց*



ԱՄՍՎԵՐՋԻ ՀԱՆԴԻՍՈՒԹՅՈՒՆ ՀՈԳԵՎՈՐ ԺԵՄԱՐԱՆՈՒՄ

Հունիսի 9-ին, ուրբաթ օրը, առավոտյան ժամը 11-ին, ճեմարանի հանդիսությանը դանդիճում տեղի ունեցավ հոգևոր ճեմարանի 1977—78 ուս. տարվա ամսվերջի հանդեսը՝ նախագահությամբ Մայր տաճարի լուսարարապետ տ. Հուսիկ եպս. Սանթրոսյանի:

Վեհափառ Հայրապետը հովվապետական ացելությամբ քացակալում էր Մայր Աթոռին:

Հանդիսությանը ներկա էին Մայր Աթոռի միաբանությունը, ճեմարանի դասախոսական կազմը, մայրավանքի պաշտոններությունը և այլ հյուրեր:

«Հայր մեր»-ից հետո հնչեց Հայկական ՍՍՀ պետական հիմնի նվագը, որին հաջորդեց «Ճեմարանական քայլերգ» խմբերգը՝ ճեմարանի ուսանողների կատարմամբ: Այնուհետև քացման խոսքով հանդես եկավ ճեմարանի ավագ վերակազմ տ. Արտակ քմն. Սիմոնյանը:

Գեղարվեստական բաժնում ելույթ ունեցավ ճեմարանի երգչախումբը՝ ղեկավարությամբ ՀՍՀ վաստակավոր արտիստ և ճեմարանի եկրուպական երաժշտության դասախոս, խմբավար Խորեն Մելիսանեջյանի: Երգչախումբը հանդիսավորությամբ կատարեց «Էջ Միածինն ի Հօրե», «Որք զարդարեցին» շարականները և Կարա Մուրզայի «Էսպո լն լն», Կոմիտաս վարդապետի «Էս առուն ջուր է գալի», «Հարալ էլի» և Մակար Եկմալյանի «Ահա ծագեց կարմիր սրբ» խմբերգերը:

Այնուհետև արտասանությամբ հանդես եկան ճեմարանի Բ լսարանի ուսանողներ Վաչագան սրկ. Ավետիսյանը և Հովսեփ

սրկ. Պալքյանը, Ա լսարանի ուսանող Բորիս Մալյանը, Գ դասարանի ուսանող Կարեն Փանոսյանը, որոնք հաջորդաբար կատարեցին Արշալույս Մարգարյանի «Հայոց լեզու», Վահան Թեքեյանի «Աղոթք վաղվան սեմին առջև», Ավ. Խամբակյանի «Թոռնիկին» (ոտներենով) քանաստեղծությունները և «Էտան քարոզը» հատվածը Ավետարանից (անգլերենով):

Դաշնամուրի դասարանի ուսանողներ Արա Դաբեղյանը, Վաչե Բոզոյանը (Բ դաս.), Կարեն Փանոսյանը (Գ դաս.) և Խաչիկ սրկ. Մարտիրոսյանը (Բ լսարան) կատարեցին հայկական ժողովրդական պարեր՝ «Փերի», «Մեկ, երկու, երեք, չորս», «Կատակ պար» և Արամ Խաչատրյանի «Երաժշտական պատկերներ» ստեղծագործությունները:

Ուսանողության ամունցից հետևյալ ուղերձով հանդես եկավ Բ լսարանի ուսանող Հրաչ սրկ. Օղյուզյանը:

«Այս քերկրալի պահին դժվար է ինձ համար ուսանող եղբայրներին և իմ զգացումները ձեզ հաղորդել:

Մակալն անվարան կերպով կարող եմ ասել, որ բոլորս այս պահին հուզված ենք: Հուզված ենք, քանզի ժամն է բաժանման, ժամը հրաժեշտի: Ամփոփելով 1977—78 թվականների ուսումնական տարեշրջանի մեր աշխատանքի արդյունքները, այս տարին ես հանձնում եմ հոգևոր ճեմարանի լուսափառ պատմության գիրկը:

Մի քանի տարի առաջ էր, երբ մենք, տակավին նոր կազմավորված պատանիներ, անսպով մեր ներքին ձայնին, մեր քայլերը ուղղեցինք դեպի հոգևոր ճեմա-

րան, մեր հոգիները առեցնում ապագայի գեղեցիկ երազներով: Դա ձայնն էր ուսումնասիրության, ձայնը՝ մեր հոգևոր կոչման:

Այդ օրվանից անցել են տարիներ: Մենք աճել ու զարգացել ենք հոգևոր ճեմարանի նվիրական այս հարկի տակ, վաճառի հոգեպարար մթնոլորտում, քաջ գիտակցելով մեր պարտականության ծանրությունը:

Հոգևոր ճեմարանը ուսանելու հեռանկարներ բաց արեց մեր առաջ, ընդունակ դարձրեց մեզ զննելու մարդկային հոգու խորքերը, ճշմարելու այնտեղ նորանոր արժեքներ և գնահատելու այն գեղեցկությունները, որոնք շատ ավելի բարձր են ու վսեմ՝ արտաքին գեղեցկություններից, և որոնցով միայն կարող է զարդարվել մարդկային հոգին:

Հոգևոր ճեմարանը սովորեցրեց մեզ նաև ճանաչել հայ ժողովրդին, նրա անցյալն ու ներկան, նրա տառապանքները, հավատալիքներն ու հոգին և մեր վրա պարտականություն դրեց՝ ուր էլ որ գնանք և ուր էլ որ լինենք, միշտ պատրաստակամ գտնել մենք անձնագրի կերպով ծառայելու նրան՝ մեր հարազատ ժողովրդին:

Այժմ մի ուրիշ՝ ավելի գրավիչ ձայն կանչում է մեզ առավել բարձր, առավել վսեմ մի գործունեության նվիրվելու: Դա ձայնն է հոգևոր կոչման, ձայնը՝ Փրկչի՝ Հիսուս Քրիստոսի: Անսպալով այդ ձայնին, մենք որոշեցինք նվիրվել մեր եկեղեցու ծառայության սուրբ գործին, և ուրախ ենք, որ Վեհափառ Հայրապետը, ընդառաջելով մեր խնդրանքին, բարեհաճեց կարգադրել, որ մենք դառնանք հայ եկեղեցու համար սպասավորներ՝ սարկավազներ:

Թույլ տվեք, Վեհափառ Տեք, ուսանող եղբայրներին և իմ անունից երախտագիտության խոր զգացումներով լցված շնորհակալություն հայտնել Ձեզ, որ Դուք մեր ուսումնասիրության տարիներին որպես մեր Ուսուցչապետն ու Հայրը ուշադրությամբ, խանդակաթ սիրով խրատեցիք և սովորեցրիք մեզ ճանաչել միշտ ճշմարիտը, բարին ու գեղեցիկը և հեռու մնալ մարմինն ու հոգին աղարտող ամեն տեսակ երևույթներից:

Ծնորհակալական խոսք ունեմ ասելու նաև լուսարարապետ տ. Հուսիկ եպիսկոպոս Սանթրուդյանին, որ այնքան բարեսիրությամբ և համբերությամբ սովորեցրեց մեզ կարգապահ լինել եկեղեցում, սիրել արարողությունները: Երախտապարտ ենք, որ նա մեծ սիրով հաճեց առավ նաև մեզ սարկավազ ձեռնադրել:

Ծնորհակալության խոսք ունեմ ասելու նաև ճեմարանի տեսուչ տ. Հովհաննես ավագ քհն. Մարությանին, որ տարիներ

շարունակ հայրական գործազուր սիրով և անձանձրությամբ կերպով դաստիարակեց, խրատեց մեզ: Մեր լուրաքանչյուր քայլափոխին, հաջողությունների թե՛ դժվարությունների դեպքում, մենք միշտ զգացինք նրա ուշադիր և զգալուն վերաբերմունքը մեր նկատմամբ:

Ծնորհակալական խոսք ունեմ ասելու նաև ճեմարանի դասախոսական կազմին՝ մեր սիրելի ուսուցիչներին, որոնք ոչինչ չխնայեցին մեզ համար և իրենց անսպառ գիտելիքներից առատորեն բաշխեցին մեզ և սովորեցրին «Աստուծո բացված լույսի և գիտության աղբյուրից» խմել (Կորնուն): Այդ աղբյուրը քրիստոնեական վարդապետության ճշմարիտ լույսի աղբյուրն է, որ մեր առաջ բացում է հավիտենականության լուսաստիճան ճամփան:

Այժմ, Վեհափառ Տեք, թույլ տվեք համբուրել Ձեր պատվական ու սուրբ Աջը և ստանալ Ձեր հայրական օրհնությունները:

Հանդիսության երկրորդ մասում՝ ճեմարանի ուսումնա-դաստիարակչական աշխատանքների մասին հաշվետու գեղուցմամբ ելույթ ունեցավ ճեմարանի տեսուչ տ. Հովհաննես ավ. քհն. Մարությանը: Զեկուցումը հրատարակվում է կրճատումներով:

«Ս. Էջմիածնի հոգևոր ճեմարանն այս տարի էլ՝ պատմություն դարձած 1977—1978 ուսումնական տարեշրջանը փակում է գոհացուցիչ արդյունքներով և խաղաղ խղճմտանքով:

1977—1978 ուսումնական տարեշրջանի սկզբում հոգևոր ճեմարանը ունեցել է 33 ուսանողներ, որից 12-ը՝ նոր ընդունվածներ:

Նոր ընդունված ուսանողներից երկուսը ԱՄՆ-ից են (Հովսեփ սրկ. Մովսեսյան և Ռաֆֆի սրկ. Կարապետյան), որոնք դասերին մասնակցել են որպես ազատ ունկընդիրներ:

Ուսումնական տարեշրջանի ընթացքում 2 ուսանողներ մեկնել են բանակ և 5 ուսանողներ հեռացել են կամ հեռացվել ճեմարանից: Այս դրությամբ հոգևոր ճեմարանի ուսանողների թիվը ըստ դասարանների հետևյալն է.

Բ լսարան՝ 8 ուսանող.

Ա լսարան՝ 5 ուսանող.

Գ դասարան՝ 3 ուսանող.

Բ դասարան՝ 7 ուսանող.

Ազատ ունկընդիրներ՝ 3 ուսանող:

Ուսանողներից 13-ը օտարահայտակներ են՝ Լիբանանից, Սիրիայից, Ռումինիայից, ԱՄՆ-ից, իսկ մնացած 13-ը՝ Հայաստանի և հարևան հանրապետությունների զանազան շրջաններից:

Այս տարի չենք ունեցել Գ լսարան և Ա դասարան:

1976—1977 ուս. տարվա շրջանավարտ ուսանողներից տ. Թադևոս քնն. Ավագյանը, Սորին սրկ. Մանդալյանը, Կիրակոս սրկ. Հովհաննիսյանը, Բյուզանդ սրկ. Գալաթյանը, Գերենիկ սրկ. Սալանը ապրիլի 13-ին հաջողությամբ պաշտպանեցին իրենց դիպլոմային աշխատանքները և ստացան ավարտական վկայականներ:

Ուրախությամբ պետք է նշել, որ շրջանավարտներից Կիրակոս սրկ. Հովհաննիսյանը, Սորին սրկ. Մանդալյանը ա/թ. մայիսի 14-ին, Հոգեգալստյան տոնի օրը, կուսակրոն քահանաներ ձեռնադրվեցին՝ անվանվելով տ. Կոմիտաս արեղա և տ. Ամենոս արեղա: Ապրիլի 16-ին Միսակ սրկ. Մարգարյանը ձեռնադրվել է ամուսնացյալ քահանա՝ տ. Մանուկ անունով:

Հոգևոր ճեմարանի տեսչական և դասախոսական կազմի մեջ տեղի ունեցան մի քանի փոփոխություններ: Տ. Ավագ արեղա Ասատրյանը ԱՄՆ տեղափոխվելու կապակցությամբ ազատվել է ուսուցչական պարտականությունից: Փոխտեսչի պաշտոնից ազատվեց տ. Անանիա վրդ. Արաբաշյանը՝ «Էջմիածին» ամսագրի խմբագրությունում պատասխանատու քարտուղար աշխատանքի անցնելու կապակցությամբ:

Վերակացուի պաշտոնից ազատվեց նաև Հենրի Բալյանը և նշանակվեց հոգևոր ճեմարանի գրադարանավար:

1977—1978 ուսումնական տարվա դասախոսական կազմը հետևյալն է.

Ն. Ս. Օմություն Տ. Տ. Վազգեն Ա կաթողիկոս Ամենայն Հայոց, տ. Անանիա վրդ. Արաբաշյան, տ. Կոմիտաս արեղա Հովհաննիսյան, տ. Հովհաննես ալվագ քնն. Մարություն, տ. Արտակ քնն. Սիմոնյան, Միքայել սրկ. Չկյան, Ստեփան սրկ. Չակալյան, Արթուր Հատիտյան, Պարզև Ծանրազյան, Խորեն Մեխակնեջյան, Սիմոն Կրկյաշարյան, Բարսեղ Թաշյան, Արամ Սահակյան, Երվանդ մկրտչյան, Խաչատուր Ներսեսյան, Հայկ Ֆրունջյան, Ռուբեն Կարապետյան, Թադևոս Ասմարյան:

Հոգևոր ճեմարանի տեսչական կազմը հետևյալն է.

Տ. Հովհաննես ալվագ քնն. Մարություն՝ տեսուչ.

Տ. Արտակ քնն. Սիմոնյան՝ ալվագ վերակացու.

Տ. Մանուկ քնն. Մարգարյան՝ վերակացու.

Վարդավառ Սիմոնյան՝ վերակացու.

Բարսեղ Թաշյան՝ հաշվապահ-քարտուղար.

Հենրի Բալյան՝ գրադարանավար:

Հոգևոր ճեմարանի բժիշկն է Հրաչիկ Մանուկյանը:

Այս տարի ճեմարանի հարկի տակ տեղի են ունեցել հետևյալ հանդիպումները, հանդիսություններն ու զեկուցումները.

ա) Հանդիպում Գերենիկների արքեպիսկոպոս ղուկո. Ֆրեդերիկ Դոնադ Կոզանի հետ. 1977 թ. սեպտեմբերի 30-ին.

բ) Հանդիպում Եկեղեցիների համաշխարհային խորհրդի «Հավատո և կարգի» հանձնաժողովի տնօրեն ղուկո. Լուկաս Ֆիշերի հետ. 1977 թ. հոկտեմբերի 19-ին.

գ) Սկսվելով ջուջադրություն Հայաստանի տեսարժան վայրերի. 1977 թ. նոյեմբերի 25-ին.

դ) Բանախոսություն՝ նվիրված Եղիշե Չարենցի ծննդյան 80-ամյակին: Բանախոսեց հոգևոր ճեմարանի դասախոս Արամ Սահակյանը.

ե) Նոր տարվա տոնակատարություն.

զ) Վարդանանց տոնակատարություն. զեկուցող՝ տ. Անանիա վրդ. Արաբաշյան.

է) Դիպլոմային աշխատանքների պաշտպանություն. 1978 թ. ապրիլի 13-ին:

Այս տարի ուսանողները եռօրյա ձմեռային արշավի են մեկնել Ծաղկաձոր և միօրյա պտույտի՝ ա. Գեղարդ վանք: Իսկ հունիսի 12—15-ը հոգևոր ճեմարանի ուսանողությունը և դասախոսական կազմը մեկնելու են Տաթև 4-օրյա պտույտի:

Ուսանողները հաճախ զննեցել են կինո, թատրոն, երաժշտական ներկայացումներ: Արտադասարանական աշխատանքների շարքում ուշադրություն է դարձվել ուսանողների ֆիզիկական կոփավածության վրա: Նրանք հաճախ կազմակերպել են թենիսի, բասկետբոլի և ֆուտբոլի մրցումներ:

Ա. Ստեփանոսի տոնին Բ և Գ դասարանների ուսանողները ստացան դպրության աստիճան, իսկ 1978 թ. մայիսի 26-ին ուրաակրության աստիճան ստացան Ա լսարանի ուսանողներ Վարդգես Ավագյանը, Ստեփան Դավթյանը, Բորիս Մալյանը և Հայկ Չիլիկցարյանը, իսկ հաջորդ օրը, մայիսի 27-ին, ա. Լուսավորչի «Էլն ի վիրապեն» տոնին, տ. Հուսիկ Եպիսկոպոս Սահարյանի ձեռամբ սարկավագ ձեռնադրվեցին Բ լսարանի 8 ուսանողներ՝ Վաչագան Ավետիքյան, Խաչիկ Խարազյան, Հովհաննես Ղազարյան, Արա Շլուկյան, Հովսեփ Պարզյան, Վահրամ Տերտերյան, Հրաչ Օղլուգյան և Խաչիկ Մարտիրոսյան:

Շնորհակալության խոսք ունենք նաև Մայր Աթոռի միաբանությանը, պաշտոնությանը, բարերարներին և քոլոր նրանց, որոնք սատար հանդիսացան մեր մանկավարժական դժվարին աշխատանքներին:

Վերջացնելուց առաջ պիտի խնդրեի տեսչության և դասախոսական կազմի անունից մեր շնորհակալական խոսքերը և աջահամբույրները փոխանցել ազգիս Հայոց Վեհափառ Հայրապետին, Որը Իր գահակալության 23 տարիների ընթացքում սիրեց ճեմարանը և դեկավարեց անձամբ մեր գործերը՝ դառնալով ճեմարանի Ուսուցչապետը և հոգատար Հայրը: Մաղթում ենք Նրան քաջառողջություն, բեղմնավոր գործունեություն և Իր առաքելության մեջ նորանոր հաջողություններ և երկար ու երկար արևոտ տարիներ:

Այժմ թույլ տվեք ներկայացնել այս տարվա առաջադեմ ուսանողների անունները՝ ստանալու համար նվեր-գրքերը.

Բ լսարան.—9,2 միջինով առաջինն է հանդիսանում Հրաչ արկ. Օղյուզյանը.

9,01 միջինով երկրորդն է հանդիսանում Վահրամ արկ. Տերտերյանը:

Ա լսարան.—9,03 միջինով առաջինն է հանդիսանում Հայկ Զիլինգարյանը.

8,65 միջինով երկրորդն է հանդիսանում Նշան Քերեմիջյանը:

Գ դասարան.—8,25 միջինով առաջինն է հանդիսանում Ստեփան Կարապետյանը.

8,15 միջինով երկրորդն է հանդիսանում Կարեն Փանոսյանը:

Բ դասարան.—9,00 միջինով առաջինն է հանդիսանում Պետրոս Ասողյանը.

8,4 և 8,32 միջինով երկրորդն են հանդիսանում Թորոս Մելենգիջյանը և Արա Դաքեայանը:

Օրինակելի վարքի համար տեսչությունը պարգևատրում է երկու ուսանողների՝ Բ լսարանից Հովհաննես արկ. Ղազարյանին և Ա լսարանից Նշան Քերեմիջյանին:

Վերաքննելի են 3 ուսանողներ:


Դասարանը կրկնում է մեկ ուսանողը:


Ջեկուցման ավարտին տեսուչը հարական ջերմ սիրով խրատական խոսեց ուսանողությանը և մաղթեց, որ նրանք ուր էլ որ լինեն, բարձր պահեն ճեմարանականի պատիվը և բարի հանգստից հետո վերադառնան արձակուրդներից, վերանորոգված ուժերով շարունակելու իրենց ուսումնառությունը հոգևոր ճեմարանի հարկի տակ:

Այնուհետև տեսուչ հայրը հրավիրեց հանդիսությունը նախագահող տ. Հուսիկ եպս. Սանթրոյանին, որ հանուն Վեհափառ Հայրապետի օրհնի ճեմարանի հարկի տակ կատարվող ուսումնա-դաստիարակչական աշխատանքները և խանդավառ խրատականով փակի ուսումնական տարին: Սրբազան հայրը գեղեցիկ և խանդավառ խրատականով ոգևորեց ուսանողությանն ու նրանց նորանոր հաջողություններ մաղթեց, արձակուրդային օրերից կազդուրված վերադառնալով շարունակել իրենց աշխատանքները հոգևոր ճեմարանի հարկի տակ, որպես հարազատ զավակները Մայր Աթոռ ս. Էջմիածնի:

Ամավերջի հանդեսը ավարտվեց սրբազանի «Պահպանիչ»-ով և խմբովին երգված Տերունական աղոթքով:

ՎԱԶԱԳԱՆ ՍՐԿ. ԱՎԵՏԻՔՅԱՆ





Ա. ՀԱՏԻՏՅԱՆ

ՍՈՒՐԲ ԿՅՈՒՐԵՂ ՀԱՅՐԱՊԵՏ ԵՐՈՒՍԱՂԵՄԱՅԻ* (315—386)

ՍՈՒՐԲ ԿՅՈՒՐԵՂ ԵՐՈՒՍԱՂԵՄԱՅՈՒ
ՄԱՏԵՆԱԳՐԱԿԱՆ ՎԱՍՏԱԿԻ ՀԱՅԵՐԵՆ
ԹԱՐԳԱՄԱՆՈՒԹՅՈՒՆՆԵՐՆ ՈՒ
ՏՊԱԳՐՈՒԹՅՈՒՆՆԵՐԸ

Կյուրեղ Երուսաղեմացու մատենագրական վաստակը նույնպես մեզ հասել է մեծ մասամբ Ե դարի առաջին հիսնամյակում, մեր վարդապետների թարգմանությամբ, «գործ ոսկեղէն դարու, հասած առ մեզ»³¹:

Կյուրեղ Երուսաղեմացու «Կոչումն ընծայութեան» գիրքը մեր եկեղեցական մատենագրության ամենաարժեքավոր գործերից է և մեկը մեր հնագույն ոսկեդարյան թարգմանություններից³²:

Կյուրեղ Երուսաղեմացու «Կոչումն ընծայութեան» հատորի մեջ ամփոփված են անոր խոսած քարոզները, որոնք քրիստոնեական վարդապետության սկզբունքները կապրումակեն, ոսկեդարյան թարգմանությամբ վերածված է հայերենի»³³:

Կյուրեղ Երուսաղեմացու «Կոչումն ընծայութեան» կոչված գիրքին թարգմանությունը ասորերենե, կատարված է շուրջ 410—415 թվականներուն, Հովսեփ Պաղնացու ձեռքով³⁴:

Երեանի ա. Մեսրոպ Մաշտոցի անվան ձեռագրաց Մատենադարանում կան ամբողջական կամ հատվածական, հարազատ կամ ոչ թարգմանություններ Կյուրեղ Երուսաղեմացու նաև հետևյալ գործերից. Ի գրոց ի կոչումն ընծայութեան Կիրոյի Երուսաղեմացոյ, Կիրոյի Երուսաղեմացոյ՝ Վկայութիւնք, վասն մատաղիւն, Գիրք զանձոց, Ի քանէն քազում, վասն Երեւոյ Խաչին յերկնից, (կամ) Թոռոյ՝ առ Կոստանդիանոս, Հարցմունք Աթանասի, պատասխանիք Կիրոյի, Դաւանութիւն, Ճառք, Խրատք, Քարոզք, Մեկնութիւն թղթոցն Պողոսի, Վարք, Մանրանկար³⁵:

Կոչումն ընծայութեան գրքի հայերեն առաջին տպագրությունը կատարվել է 1727-ին, Կ. Պոլսում³⁶:

Աշխատության ընդհանուր վերնագիրն է.

* Շարունակված «Էջմիածին» ամսագրի 1978 թվականի № 5-ից:

³¹ Մատենադարան Հայկական թարգմանութեանց, Վենետիկ, 1889, էջ 524:

³² Կցիք հաւատոյ, հրատարակություն Կարապետ Եփեսոսացի (Տեր-Մկրտչյան), ա. Էջմիածին, 1914, էջ XLIV:

³³ Թորգոմ սրատիարք Գուշակյան, Սուրբք և տոնք, Երուսաղեմ, 1939, էջ 31:

³⁴ Նորայր Եպիսկոպոս Պողարյան, Հայ գրողներ, Երուսաղեմ, 1971, էջ 9—10:

³⁵ Տուցակ ձեռագրաց, Ա հատոր, Երեան, 1965, էջ 1515, Բ հատոր, 1970, էջ 1342:

³⁶ Հայ հնատիպ գրքի մատենագիտական ցուցակ, 1512—1800, Երեան, 1963, էջ 92:

Կոչումն ընծայութեան

Յորում պարունակին բանք հաւատոյ և խրատք պիտանիք առ ընծայեալսն ի խորհուրդ սուրբ աւագանին:

Արարեալ սրբոյն Կիրոյի Երուսաղէմայ Հայրապետին, գոր սկսանի ի սկզբան քառասորդաց պահոց սուրբ զատկին, ԺԹ ընթերցաւծովք:

Թարգմանեցեալ ի յունացն

և տպեցեալ ի Բուզանդիա, ի հայրապետութեան սրբոյ Էջմիածնի տեառն Կարապետի սրբազան կաթողիկոսի ամենայն հայոց, թրին ՌԺՀԶ 1176+551=1727:

Գրքի երկրորդ էջում կա «սակաւոյ ինչ նախադրութիւն առ բարեմիտ ընթերցողս» (էջ 2—4), որտեղ նշվում է, «ինչպես երկնային մարմինների մեջ միայն արեգակն է ճանաչվում որպես պայծառագոյնը քան մյուսները, որոնք նրանից են ստանում իրենց լույսը... այսպես էլ տարբերություն կա վարդապետական սրբազան գրքերի մեջ, որոնք գիտության լույս և շնորհք են ստանում Քրիստոսի ավետարանական վարդապետությունից և առավել են լուսավորում մարդկանց մտքերը և ճշմարիտ ունկրանքների հոգիները շահում... «Իսկ ահա ի բազմաց օգտակար և սրբազան գրեանքն մի և այս սուրբ Գիրքս է, որ կոչի Կոչումն ընծայութեան, գոր արարեալ է մեծին Կիրոյի սուրբ հայրապետին Երուսաղէմի, ի պահպանութիւն հաւատոյ և ի զգուշութիւն վարդոց ըստ ուղղակի հետոցն որ ի Քրիստոս Յիսուս» (Նախադրութիւն, էջ 3):

5-րդ էջում տպագրվել է հրատարակիչ տիրացու Մարկոսի «Պատասխանք առ Միածին Որդին Աստուծոյ» ձևը, որպեսզի Նա «լուսաւորելով զխաւարեալ աչս սրտից մերոց, շնորհեցես մեզ ուղիղ և անվրէպ հայեցումն ի սուրբ հաւատն առ Քեզ, ի պատուիրանաց Քոց պահպանութիւնս» ի փրկութիւն հոգւոց մերոց, ի կամս ամենասուրբ տէրութեան քո»:

6-րդ էջում ս. Կյուրեղ հայրապետի նկարն է, հայրապետական Աթոռի վրա, պատրիարքական լրիվ զգեստավորմամբ, աջ ձեռքում հովվական գավազանը, ձախին՝ Աստվածաշունչ մատյանը, և Աթոռի առաջ ծնրադիր «ճշմարիտ ունկրանքներ» արքայական թագով ու ծիրանիով: Նկարի ներքև՝ հետևյալ երկտողը:

«Որք վառեցիք ձեզ զլապտեր հաւատոյ, զգուշացիք ի յամենայն արատոյ»:

Հրատարակության 7-րդ էջից մինչև 376 էջը գրավում են ս. Կյուրեղ հայրապետի 16 գլուխ ճառերը:

Ա գլուխ. Կոչումն ընծայութեան, որք եկեալ էին կնիք առնող յերուսաղէմ մատուցելոց:

Ամեն մի ճառից առաջ կա աստվածաշնչական համապատասխան ընթան և խորհրդանշական մի պատկեր, ճառի բովանդակության ու հոգևոր նշանակությանը նկիրված. Լուսարուք, սրբեցարուք, ի վերայ բանին Եսայեայ. տունկ կոչին հաւատացեալք. մերկացիր զհին մարդկութիւնն, ջանացիր վասն հոգւոյդ օգտի:

Բ գլուխ. Կոչումն արտաքին ի ներքս և ընծայութիւն վասն ապաշխարութեան և վասն մեղաց մերոց. չար և չարագոյն է մեղքն. մեղքն ոչ է էութիւն ինչ բնական. արարածքն Աստուծոյ՝ բարի են ի բնէ. մեղքն ի մեր կամացս գոյանայ. առաջնորդ մեղաց աստանայ է. օրինակք ապաշխարողաց:

Գ գլուխ. Կոչումն ընծայութեան վասն մկրտելոց և վասն մկրտութեան ապացեալ. Մի իբրև ի լոկ ջուր նայէր. խորհուրդ ջրոյն. ոմանց մկրտութիւն արեամբ լինի:

Դ գլուխ. Կոչումն ընծայութեան... վասն տասն հրամանեան հաւատոյ. վասն Աստուածութեան. վասն միութեան Աստուածութեան. վասն Քրիստոսի. վասն մարմնանալոյ Միածնին. վասն Խաչի. վասն թաղման. վասն յարութեան. վասն Հոգւոյն սրբոյ. վասն միս անգամ գալստեան. վասն կազմութեան մարդոյ. վասն մարմնոյ յարութեան. ոչ է պարտ զարշելով պահել. (Ճառի բովանդակության սույն բաժանումները կատարել է հրատարակիչը՝ ընթերցումը հեշտացնելու համար):

Ե գլուխ. Կոչումն ընծայութեան վասն հաւատոյ. վասն զօրութեան հաւատոյն. ամենայն ինչ հաւատով վճարի. հաւատքն է վահան յաղթող. որդիք Աստուծոյ լինիմք հաւատովքս. վասն ներգործութեան հաւատոյն:

Զ գլուխ. Կոչումն ընծայութեան, վասն Աստուծոյ միահեծան իշխանութեանն. վասն աստուածային էութեանն (Աստուած անճառելի է, անքննելի, անտեսանելի, ի վեր քան զամենայն միտս). առասպելք հեթանոսաց. վասն հերետիքութեան մանիքեացւոցն. վասն Սիմոնի կախարդի. ընդդէմ մանիքեացւոց. վասն Կերնթեայ, Միանդրեայ, Կարպոկրատեայ, և Մարկիոնեայ հերետիկոսացն. վասն Փիսիդիգեայ և Վադենտինի հերետիկոսացն. բարբառնջմունք Մանեայ պղծոյն, վասն ստութեան Կումբրիկոսի:

Է գլուխ. Կոչումն ընծայութեան ի Հօր. Յիսուս է ճանապարհ առ Հայր. Յասելն Հայր՝ իմանի Որդին. որ ինչ Հօր է՝ այն Որդոյ է. կոչի մեզ Հայր՝ ոչ ծննդեամբ:

Ը գլուխ. Կոչումն ընծայության լիակատարացման անհրաժեշտ է տեղի Աստուած մեր. երկինքն է երկիր գոյին Տեառն են. զամենայն ինչ բարի ստեղծեաց Աստուած:

Թ գլուխ. Կոչումն ընծայության լիակատարացման երկինքն է երկիր, յերևոյթն է յաներևոյթն արարածոց. գեղեցկութիւն արեգակնն. օգտութիւնն գիշերոյ. առաջ է եղեն ամենայն ինչ. օրինակ առ զմիջինն է զմեղուն. գեղեցիկ կազմութիւն մարդոյ:

Ժ գլուխ. Կոչումն ընծայության, այն որ աւել մի Տեղ Յիսուս Քրիստոս. այն ալ անուանեն Յիսուսի. մի է Յիսուս Քրիստոս բազմանունն. մի է Աստուած Հայր և մի՝ Յիսուս Քրիստոս. վկայք աստուածութեան և ճշմարտութեան Յիսուսի Քրիստոսի:

ԺԱ գլուխ. Կոչումն ընծայության ի կարգ հաւատոյ բանին որ աւել Որդին Աստուծոյ Միածինն, որ ի Հօրէ ծնեալ է Աստուածն ճշմարիտ, որ յառաջ բան զամենայնս, որոյ ամենայն ինչ եղև. մի է ճշմարիտ օծեալն Քրիստոս. երկու ճնունդս ունի Քրիստոս. Հայր եւ զՄիածինն իւր. աստուածապետ ճնունդն Որդոյ. ոչ յետոյ եղեալ Որդի. անհաս է ճնունդն Քրիստոսի. անժամանակ ճնունդ. Հայր և Որդի մի էութիւն է. որ ետես զՈրդի՝ ետես զՀայր. ամենայն ինչ նույն եղև. Որդի էակից է Հօր:

ԺԲ գլուխ. Կոչումն ընծայության, ասացեալ յայն որ մարմնացան և մարդացան. ահա կոչս յլացի և ծնի. մոլորութիւնն հերքսիովտաց. վկայութիւնն ի սուրբ Գրոց. ընդէ՛ր ասեն էջ Որդին. թշուառութիւն ընտանեաց. փրկութիւն հեթանոսաց. վասն զայտեան Տեառն. ոչ իզուր մարմնացաւ. չիւր անհնարին ինչ Աստուծոյ. բանք կարկիչք հրէից. կշտամբութիւն հրէից:

ԺԳ գլուխ. Կոչումն ընծայության ի խաչեայն և ի թաղեայն և յարուցեայն. փրկեաց Քրիստոս զամենայն երկիր. Պիղատոս և աւագակն. պարծանք սրբոյ Խաչին. կամաւ եկն ի Խաչ. անհատ խոնարհութիւն Քրիստոսի. կեանքն կախեալ ի փայտէ. արին և ջուր ել ի կողէն. ցուրտ և ջերմ հաւատքն. Յիսուս եւ զանձն իւր ի վերս մեր. թաղեցաւ ի նոր գերեզմանի. ճշմարտութիւն տնօրէնութեանցն:

ԺԴ գլուխ. Կոչումն ընծայության յայն որ յարեան ի մտնելոց յերիւր ատար. որ ել յերկինս և նստաւ ընդ աջմէ Հօր. վկայութիւնն վասն յարութեան. ճշմարտութիւն յարութեանն. նորոգութիւն մարդոյն. հաստատութիւն յարութեանն. առ հրեայն վասն յարութեան. իշումն Քրիստոսի ի դժոխս. վկայութիւնն համարձեանն. ընդ աջմէ Հօր նստելոյն. վասն աստուածութեան Հոգոյն սրբոյ. անօրէն - հերքսիովտացն. գետ կոչի շնորհ Հոգոյն. վասն զա-

նագան շնորհաց Հոգոյն. վասն զանագանութեան Հոգոյն. չար ոգին և բարի ոգին. վարդապետութիւն Հոգոյն. հոգի Տեառն ելից զտիեզերս:

ԺԵ գլուխ. Կոչումն ընծայության վասն Հոգոյն սրբոյ մնացորդք. բազմանուն է Հոգին սուրբ. Հոգին սուրբ եկն ի կոյսն սուրբ. իշումն Հոգոյն աղանակերալ. խոստացաւ Յիսուս զՀոգին սուրբ. բաշխումն հրեղէն լեզուաց. շնորհք Հոգոյն յառաքեալսն. Առեփանոս լի Հոգով սրբով. Պողոս անօրէն ընտիր. չորիստել զքրիստոնեայս. հաւատալ ի Հոգին սուրբ. ջերմ հաւատով մկրտիլ:

ԺԶ գլուխ. Կոչումն ընծայության վասն միոյ կաթողիկէ եկեղեցոյ և վասն մարմնոյ յարութեանն և վասն կենացն յաիտեւից. հաստատութիւն յարութեան. յարութեան մերոյ հաստատութիւն. առ աստի՛ չիւր յարութիւն. զանապականութիւն զգնումք. վասն կաթողիկէ եկեղեցոյ. ոչ ասի եկեղեցի միայն. շնորհք սուրբ եկեղեցոյ. բերկրութիւն ի սուրբ հաւատսն. լցա՛ւ երկիր սուրբ ցնծութեամբ (Էջ 7—374):

Սույն հրատարակութեան 377—384 էջերում կա «Ցանկ համառօտ գլխատր բանից սրբոյ մատենիս», ինչ որ քաղվածաբար մեջ բերվել է այստեղ:

Այնուհետև, «ի վերջ գրքիս այսորիկ», տալագրվել է նաև է՝ դարու մատենագիր, Արշադունաց Գրիգոր եպիսկոպոսի «Լուսատր և արդիւնատր բանիք» գրած «զգիրքն յոմնան ընթերցածոցն Կիրոյի Երուսաղէմացոյ գերանաճանչ և սրբազան հայրապետի վասն քառասնորդաց պահոց» հոգեշահ մեկնությունը, որը գրավում է նոր էջակալությամբ 1—190 էջերը: «Ընթերցումն» մեկնությունը սկսվում է «մեծի պահոց երկու շաբաթի ատարն ընթերցումն» և ավարտվում է «Երրորդ վեցերորդ Ուրբաթուն և տեսութիւն նորին» մեկնությամբ: Նշվում է, որ «այս ընթերցումս լի է յոսով աւետեաց, որ ցուցանէ զհասն գաւառն երկրին պարզեաց որ է երկնից արքայութիւն» (էջ 191—196):

Ա. Կյուրեղ հայրապետի օրով, 351 թվականին, Երուսաղէմում տեղի է ունեցել Քրիստոսի Խաչի երկուսը երկնքի վրա: Այս ստորիվ սուրբ հայրապետը այդ առաժնական և սրանչեղի երկուսը Խաչին, հաղորդել է սրտի խորունկ գոհումակութեամբ և երկյուղած քարեպաշտությամբ Մեծն Կոստանդիանոս կայսրի որդի և հաջորդ Կոստանդ կայսրին, իր սրտմական թղթով. «Թողք Կիրոյի եպիսկոպոսի Երուսաղէմայ առ Կոստանդեայ թագաւորն վասն երևելոյ սուրբ Խաչին յերկնից»:

Ա. Կյուրեղ հայրապետի մատենագրա-

կան վաստակի մեջ կարևորությամբ նշվում է նրա այս «Թուղթ»-ը: Կյուրեղ հայրապետի սույն «Թուղթը» նույնպես տեղ է գրավել «Կոչումն ընծայության» գրքի առաջին հրատարակության մեջ (էջ 197—201):

Մեր եկեղեցում ամեն տարի Հինգանց հինգերորդ կիրակին, Երևանն սուրբ խաչի տոնին³⁷, Կյուրեղ Երուսաղեմացու սույն «Թուղթը» կարդացվում է եկեղեցում³⁸: Սույն «Թղթի» գրաբար թարգմանությունը կատարվել է Ե դարում, իսկ աշխարհաբար թարգմանությունը կատարել է Երուսաղեմի հայոց ա. Հակոբյանց Մայր տաճարի լուսարարապետ տ. Մեսրոպ եպս. Նշանյանը:

Սույն «Թղթում» Կյուրեղ հայրապետը նախ նշում է, որ ա. Խաչի հրաշալի երևումը կատարվել է «ամենաքարեպաշտ թագաւոր» Կոստանդ կայսրի օրով Երուսաղեմում, Հոգեգալստյան տոնի օրերին, առավոտյան ժամը 9-ին, երբ «ամենայաղթ Խաչն լուսոյ կազմեցեալ յերկնից գեր ի վերոյ սրբոյն Գողգոթայի մինչև ի սուրբ լեւոն Զիթենեաց զորացեալ երևէր. ո՛չ միում կամ երկուց գոյով միայն երևելի, այլ ամենայնի բազմութեան քաղաքիս յայտնապէս ցուցեալ... ոչ վաղվադակի զիմն առ աշօք տեսիլ հայեցեալ, այլ բազումս ծամս ի վեր քան գերկիր ակներև նշմարեցեալ, և իբրև բոցաճաճանչի ի փայլմամբ արեգակնայինց յաղթէր ճառագայթից»:

Այս հրաշալի երևույթի առաջ Երուսաղեմի բնակչությունը «աստուածատենութեան երկիտիւ և ուրախութեամբ ըմբռնեալք, մանկանց միանգամայն և ծերոց, արանց և կանանց, և ամենայնի չափու հասակի բնակաց և օտարաց, քրիստոնէից ասեմ և որք յայլուստ ուստք եկողաց ազանց, միահամուռ իբրև ի միոջէ բերանոյ զՅիսուս Քրիստոս մեր և զՄիածին Որդին Աստուծոյ զվարագործն օրհնէին և զովաբանէին»:

Գրքի 202—204 էջերում ցանկն է «լուծմանց իրաքանչիւր ընթերցածոց քառասորդաց պահոցն»:

Այնուհետև «Տիշատակարան տպողի» (էջ 205—206), ուր նշվում է. «արծանացաք շնորհին Աստուծոյ տեսանել զկատարումն տպեցման, որ եղև ի յամի տեւոն 1728, և ի հայոց թականիս 1177, յամեսանըն մայիսի 19»: Գրքի տպագրությունը սկսվել է 1727-ին, «ի հայրապետութեան սրբոյն Էջմիածնի լուսանկար և բարձրագահ Աթոռոյն զեթունցի տեւոն Կարապետ սրբազան կաթողիկոսի Ամենայն

Հայոց, ի պատրիարկութեան սրբոյն Երուսաղեմի աստուածակոխ քաղաքին և սրբոյն Յակօբայ գերահռչակ Աթոռոյն, տեսանըն Գրիգորի արքեպիսկոպոսի և աստուածաբան վարդապետի, և ի պատրիարկութեան Կոստանդնուպօլսի մեծի մայրաքաղաքիս, տեւոն Յօհաննու արքեպիսկոպոսի և աստուածաբան վարդապետի, ի տպարանի հանգուցեալ մահտեսի Սարգսի որդի տիրացու Մարտիրոսի ի Կոստանդնուպօլսի քաղաքի»³⁹:

«Կոչումն ընծայութեան» գիրքը տպվել է «արդեամբ և ծախիւք աղվերոցի յերկրին Սիմեաց հանգուցեալ պարոն Ծախնազարի որդի տիրացու պարոն Ծախնազարի և միւս ընկերակցի նորին դասակցի ուր է Գողգոթեաց երկիրն, պարոն Ֆռանկուլի, որդի տիրացու պարոն Մուրատին»: Գիրքը տպագրվել է «ո՛չ վասն շահի և օգտի մարմնական վախճանութեանց իրեանց, այլ լինիլ բարի յիշատակ հոգոց իրեանց և ծնողացն» (էջ 206):

Այնուհետև խնդրվում է «միով հայր մերիս» հիշել քաղաքների ծնողներին և ընտանեկան այլ պարագաներին (206), ապա «զաշխատաւոր ծառայքս տպագրատանս, զմեղաւոր մահտեսի Մարտիրոս հանդերձ որդեկաւս իմով... և ծնօղս իմ և համայն ննջեցելովքն... և զաշխատաւոր տպագրակ գրքիս զտիրացու Տէվլէթն... և զփոքրիկ աշակերտ տպագրատանիս զՍտեփանն, որ բազում աշխատանս ունի ընդ իս ի շարել և ի ցրուել զկապարեայնս, և միւս աշակերտ նորա և զԱնտոնն»:

«Կոչումն ընծայութեան» գիրքը տպագրության է պատրաստել Հովհաննես Կոլոտ մեծիմաստ վարդապետի տաղանդավոր աշակերտ և հաջորդ գիտնական «նոր ընծայ, զբանասէր Յակոբ վարդապետն»՝ Նալյան, որը միաժամանակ «ըստ գրասէր բարուց իւրոց՝ շնորհեաց զլուծմանց սորին զօրինակն: Նաև զմահտեսի տէր Մովսէս իմաստուն քահանայն, զի և նա ետ օրինակ մի բնաբանիս, զոր իւր ձեռամբն էր գրեալ»:

Գրքի սրբագրությունը խոնմությամբ կատարել է «զտիրացու Պաղտասարն զվարժիչն իմ և ծնօղսն նորին, և զորդեակն իւր զտիրացու Արսէնն, որ բազում աշխատանս կրեաց ի վեր ուղղումն սխալանաց սորին»:

Գրքի սկզբում կա ձեռագիր հետևյալ վկայությունը. «Ես վերին Գեւորգի Վանի որդի մահտեսի Աւագս, որ զայս գիրքս ստացայ հալալ ընչից իմոց, և ետու մեր

³⁷ Օրացույց, Մայր Աթոռ ս. Էջմիածին, 1978, էջ 61:

³⁸ Ծառոց գիրք, Հայց. եկեղեցույ, երկրորդ տպագրություն, ի Վաղարշապատ, 1872, էջ 368:

³⁹ Հայ հնատիպ գրքի մատենագիտական ցուցակ, նույնը, էջ 92:

վանից միաբան Թոմայ վարդապետին, ի շնորհի ինձ և իմ ծնողացն»:

Կյուրեղ Երուսաղեմացու **Կոչումն ընծայութեան** գրքի **Երկրորդ հրատարակությունը** կատարվել է Վիեննայում, 1832 թվականին⁴⁰:

Սույն հրատարակությունը բացվում է «Առ ընթերցողս» ուղղված համատուտ մի ներածականով, որ նշվում են գրքի հրատարակության կարևորության կրեք արժանիքները, որ է՝ «ի վսեմական հանձար իմաստից, ի գերապանձ ոճ հայկազն թարգմանչին, և ի համբան Մատենագրին»:

«Կոչումն ընծայութեան» գիրքը բնութագրվում է որպես «ճշգրիտ երևցուցիչ իրքն ընդ հայելի՝ պատկերի Հոգւոյն մեծանունութեան և եռանդուն սրտին, զոր անկեղծ կենդանագրեաց ի նոսա երանելին: Յորս ո՛չ զայլ ինչ է տեսանել, բայց զմարգարտայեռ շարս մասանց հաւատոյ միայն խառն ընդ չքնաղ զաննոց աստուածային տառիցն մերերեց ի թանգարանիս...: Չոյզ և հաւատար իմաստիցն պերնանայ ահա և գրիչ թարգմանչիս»:

«Կոչումն ընծայութեան» գրքի հայերեն թարգմանությունը վերագրվում է Ե դարի մեր թրագմերախոս թարգմանիչ վարդապետներին խմբին, «որք առաքեցան ի Միջագետս և ի Հելլեն, յեղով զսուրբ հարսյունաց ի հայ: Քանզի հարագատություն թարգմանութեան՝ զոյգ ընդ գեղեցիկ հայկաբանութեան ակնյանդիման **ոսկի դարուն** արժանավայել զինքն ընծայեցուցանէ»:

Իսկ թե «ո՛վ որ ի սույն թարգմանություն պարտապեցաւ, չունիմք ասել հաւատով»:

«Կոչումն ընծայութեան» գրքի սույն հայերեն հրատարակությունը «ճշտի համեմատուել» է «ընդ յունին ևս»:

Գիրքը բացվում է սուրբ Կյուրեղ հայրապետի նկարով, որպես եպիսկոպոս Երուսաղեմի Աթոռի, Ավետարան ի ձեռին:

Այնուհետև, հաջորդ 1—428 էջերում հրատարակվել է «երանելոյն Կիրոյի Երուսաղեմայ հայրապետի Կոչումն ընծայութեան» 18 ճառերի ժողովածուն: Յուրաքանչյուր ճառից հետո կա «Ծանոթությունք», մեկ էջանոց, որ նշվել են ձեռագիր այլ օրինակների և «Կոչումն ընծայութեան» գրքի առաջին հրատարակության մեջ եղած փոքր տարբերությունները⁴¹:

⁴⁰ Հայ գիրքը 1801—1850 թվականներին, Երևան, 1967, էջ 187:

⁴¹ Հայ հնամիտ գրքի մատենագիտական ցուցակ, նույնը, 1727, 592 էջ:

Վերջում կա «Ցուցակ ընծայութեանց» և «Վիդպակք տպագրին»:

Ս. Կյուրեղ Երուսաղեմացու մեզ հասած ճառերի հայերեն «թարգմանության մեջ կապակասին հինգ ճառք, զոր ունի հույնն»⁴²:

Երուսաղեմացու «Բավականաչափ ուրիշ ճառեր կան մեր ձեռագրերում նորա անվամբ, մի բանիսը շատ են կրկնված, մեծ մասն անհարազատ, կան նաև այնպիսիները, որ (Հ. Գ.) Չարպհանելյան չի հիշեր»⁴³: Իրանից են «Պարծանք սրբութեան կաթողիկե եկեղեցւոյ», կամ «Ի բանէն Պարծանք սրբութեան»⁴⁴, «Ի մեկնութենէ ընթերցումացն, Տէ՛ր, ո հաւատաց»⁴⁵:

Ըստ մեր մատենադրների, ս. Կյուրեղ Երուսաղեմացուն է վերագրվում նաև «Ճառք և հատումաք», որոնցից են՝ «Ի Տեառն ընդ առաջն», «Ի համբարձումն Տեառն», «Ի Հոգին սուրբ», «Ի նաւակատիս եկեղեցւոյ», «Ի Խաչն սուրբ և աստուածբնկալ», նաև «Հատումաք մը ի մեկնութենէն Եւայեայ և աղօթք՝ յաղագս զոյման և ապաշխարութեան»⁴⁶:

Երուսաղեմացու մատենագրական վաստակի մեջ հիշատակվում է նաև կարևոր մի գրվածք, ըստ ոմանց անհարազատ, որ է՝ «Հարցմունք վայելուչք և պիտունիք Կիրոյի Երուսաղեմայ հայրապետի, յաղագս մակագրութեան և հանձարոյ»⁴⁷:

Սույն գրվածքը մեր ձեռագրում ունի նաև այս վերնագիրը՝ «Երանելոյն Աթանասի եպիսկոպոսին՝ յաղագս Աստուծոյ հարցմունք վայելուչք և պատասխանիք Կիրոյի հայրապետին Երուսաղեմայ յաղագս հանձարոյ»⁴⁸:

Ս. Կյուրեղ հայրապետը արդարև իր մատենագրական արժեքավոր վաստակով, եկեղեցական «առաքելաչան» գործունեությամբ, առաքինազարդ վարքով դասվում է արժանավորապես Ընդհանրական Եկեղեցու «երկրտաան վարդապետաց» շարքում:

⁴² Մատենադարան, նույնը, էջ 524—529:

⁴³ Կնիք հաւատոյ, էջ XLIV:


⁴⁴ Նույնը, էջ 264:

⁴⁵ Նույնը, էջ 306:

⁴⁶ Մատենադարան, նույնը, էջ 528—529:

⁴⁷ Նույնը, էջ 283—284:

⁴⁸ Ցուցակ ձեռագրաց, Ա. հատոր, Երևան, 1965, էջ 1515:



ԱԳԱԹԱՆԳԵՂՈՍԻ ՊԱՏՄՈՒԹՅՈՒՆ ՀԱՅՈՑ*

ՎԱՐԴԱՊԵՏՈՒԹՅՈՒՆ ՍՈՒՐԲ ԳՐԻԳՈՐԻ

[Մարգարեների գուշակությունները Քրիստոսի աշխարհ գալստյան մասին, նրանց հայածանքը և կոտորումը]

343. Քանզի «բազում եղանակներով և բազում օրինակներով Աստված կանխավ խոսել է մեր հայրերի հետ մարգարեների միջոցով, իսկ այս օրերի վախճանին մեզ հետ խոսել է իր Որդու միջոցով, որին ամենայնի ծառանգ կարգեց, որի միջոցով հավիտենականությունն ստեղծեց, և որը նրա փառքի լույսն է, էության պատկերը և ամեն ինչ կրում է իր գործության խոսքով»⁷⁴:

344. Տեսնո՞ւմ ես, որ եղանակները, օրինակները և մարգարեները բազմաթիվ են, իսկ Աստված մի է, որը խոսեց իր Միածին որդու մասին: Ասաց մարգարեն Տիրոջ փոխարեն, թե «Ես եմ Աստվածը և չկա այլ ոք բացի ինձանից, որ կարողանար առաջվանից պատմել վերջին դեպքերի մասին, նախքան դրանց լինելը և բոլորը միանգամայն կկատարվեն»⁷⁵, քանզի նա գիտեր խորհուրդը միակ իմաստուն Աստուծո, որը թաքնվել էր ժամանակներից և հայտնվեց մարգարեական գրքերի միջոցով:

345. Իսկ երբ եկավ ինքը՝ փրկիչը, Աստուծո Որդին, հայտնեց աշակերտներին, թե

«Երանի, ասում է, ձեր աչքերին՝ տեսածների և ձեր ականջներին՝ լսածների համար, քանզի բազում մարգարեներ, արդարներ և թագավորներ ցանկացան տեսնել ձեր տեսածները ու չտեսան և լսել ձեր լսածները ու չլսեցին»⁷⁶:

346. Տեսնո՞ւմ ես, թե [մարգարեների] ազդարարությունները նմանություններ էին Քրիստոսի ճշմարիտ կերպարանքի և ժամանակավոր նմանություններով ջանում էին հասնել մշտնջենավոր կերպարանքին: Այսպես էլ Մովսեսի գրած օրենքները մատնանշում ու փառեցնում էին հանդերձալը ամենայն մանրամասնությամբ:

347. Քանզի երբ Աստված տեսավ, որ մեղքը աշխարհում համատարած դարձավ ու նրանով մահը սկսեց թագավորել, մոռացության տալով սկզբում գրված կենսաբեր ավետիսը, և կլանել էր առհասարակ ամեն ինչ Ադամից մինչև Մովսես, որպես մոլեկան հրդեհի կրակ, որն ապականելու էր լեռներն ու դաշտերը, ապա այնուհետև ներքև արձակեց օրենքը սաստիկ հեղեղատի նման հանգցնելու համատարած [կրակը]: Սրա համար նա ասում է, թե «ամեն ոք, որ այս բանը կատարի, նրանով կապրի»⁷⁷, քանզի ինչպես ծառից ճաշակելու համար Ադամին մահվամբ սպառնաց, ուստի և մահն էլ թագավորեց: Այսպես ասաց նաև օրենքների մասին, թե «Ով որ այս

* Ծարունակված «Էջմիածին» ամսագրի 1978

թվականի № 7-ից:

⁷⁴ Եբր. Ա, 1-8:

⁷⁵ Ես. ԽԶ, 10:

⁷⁶ Դուկ. Ժ, 23-24:

⁷⁷ Գաղատ. Գ, 12:

քանը կատարի, նրանով կասարի»⁷⁸, որով և հանգավ մահը:

348. Քանզի հենց օրենքը, որը Քրիստոսի սուվերացիան է ու օրինակատարը՝ ռ.բ.ն.ացրեց մահը, նրանով հայտնի դարձավ մեղքերի ծովացյալ լինելը և հաշիվ կատարելով մահ սպառնաց ըստ յուրաքանչյուրի մեղքերի: Նա ամենքին տկարացրեց, դրեց անենքի ու դատապարտության տակ, որպեսզի երբ գա ամենափրկիչ Քրիստոսը և վերացնի անիծաբեր և մահածին մեղքերը, ազատվածներն ասեն՝ «Ընդունակալություն նրան, որ աղյախի մահվանից փրկեց մեզ»⁷⁹:

349. Վերջինս հայտնի է դարձնում, որ օրենքը մնաց մինչև Քրիստոս, ասելով, թե «օրենքը ավելացավ օրինազանցության պատճառով, մինչև գա այն սերունդը, որին խոստացված էր, հրեշտակներով հաստատված և միջնորդի ձեռքով»⁸⁰, քանզի «օրենքի տակ, ասում է, փակված մնացինք մաշելով հանդերձյալին»⁸¹, որին ոչ միայն երկրածին ազգերը, այլև հրեշտակների անհրաժեշտ գորքերը ամենայն անգամ արարածներով հանդերձ սպասավորելու մնացին: Ըստ այնմ, թե «արարածների ակրկալությունը սպասում է Աստուծո Որդու հայտնությունը, քանզի արարածները ունայնության հնազանդվեցին, ոչ իրենց կամքով, այլ նրա համար, որը նրանց հնազանդեցրել էր այն հույսով, որ արարածները իրենց և ազատվելով ապականության ծառայությունից, Աստուծո Որդու փառքի ազատությանը հասնեն»⁸²:

350. Քանզի երբ Ադամը, որն ըստ Աստուծո պատկերի ստեղծվեց, ինչպես նաև նրա բոլոր զավակները, որոնք աստվածորդիներ կոչվեցին, իրենց կամքով ասպականությունը ժառանգեցին, նրանց հետ նաև բոլոր արարածները հնազանդվեցին ու ապականվեցին, ոչ իրենց կամքով, այլ Աստուծո առաջագույն սահմանյալ կամքի համաձայն նրանց ի Քրիստոս ազատ թողնելու համար: Քանզի նրանք, որ մի անգամ մարդու վայելքի ու փառքի համար ստեղծվեցին, ապականյալներ և անարգյալներ դարձան նրա բարկության պատճառով: Երկիրն անիծյալ և փշաքեր դարձավ, մեղեդատյալ և հրով այրված, հիմքից խախտ, անհաստատ դարձավ, քամիները ապականված էին ըստ տարբեր եղանակների, լուսավորները խավարամած և արյու-

նանշան, երկինքը տեղափոխ, հիշտ ազնայես, ինչպես նշված է գալիք դեպքերի մասին մարգարեական գրքերում: Նույնը մարգարեները իրենց ազգակիցներից կրեցին: Քանզի թեպետ պատվավորները Աստուծո էին առաքել, սակայն նրանց չընդունողները թշնամանեցին ու բարկոծեցին, ինչպես ասում է ամենատեղը, թե «Չեզ համար ես կոտորեցի մարգարեներին իմ քերական խոսքով»⁸³:

351. Նույնպես և հրեշտակները, որոնք պատգամավորներ էին, մարդկային ազգին [ուղարկված] իրենց չընդունողներից անարգված ու նեղված վերադարձան այնպես, ինչպես կարելի է հասկանալ, Դովտի մոտ եկած հրեշտակներին, քանզի եթե մեկ մեղավորի դարձը բոլոր հրեշտակներին արախություն է բերում, ապա որչափ նրանց ըմբոստությունը ամենքին տրամադրություն կպատճառի, քանի որ Աստուծո անունը հայտնված կլինի և սուրբ Հոգին տրամեցրած: Այլ թեպետ այսպիսով բոլոր արարածները նեղություն էին կրում և ունայնության ծառայում, սակայն ամենքը՝ հրեշտակները, մարգարեները և բոլոր արարածները սպասում էին առաջադրված ազատարար հույսին, քանզի մեկն ասել է՝ «Իմ պահպանության տեղը պիտի կանգնեմ, վե՛րի վրա պիտի բարձրանամ և պիտի հուսամ»⁸⁴, իսկ մյուսը, թե «ես Տիրոջը պիտի հուսամ և պիտի պահպանորեն իմ փրկիչ Աստուծո»⁸⁵: Մեկն էլ, թե «Բացի Սիրեցի Ըսրայելին ո՛վ փրկություն կուն»⁸⁶:

[Քրիստոսի աշխարհ գալուստը ուշանալու պատճառը: Աստուծո բնության անտեսանելիությունը և տարբեր կերպարանքներով նրա երևույթը արդարեւորին ու մարգարեներին մարդկային տկարության պատճառով]:

352. Իսկ ինչո՞ւ արդյոք Միածինը երկարաձգում էր արարածներին նեղություններ հասցնելը, եթե ոչ այն քանի համար, որ նախապես զգուշացնի և իրեն ընտելացնի, որպեսզի երբ հանկարծակի երևա, անձանթ, անընդունելի չլինի, այլ իբրև նրան տեսածներ ու ապաստավորներ որպես ծանոթ ընդունեն: Քանզի արդեն այդքան ծանանակ է, որ իր արարածներին գալով [երևաց] ու անընդունելի եղավ, ապա որչափ ևս անընդունելի պիտի լիներ, եթե հայտնվեր այնպիսիների, որոնք չէին ազդարարված և տեղեկացված: Այլ կանխավ

⁷⁸ Գաղատ. Գ, 12:

⁷⁹ Հմմտ. Բ, Կորնթ. Ա, 10:

⁸⁰ Գաղատ. Գ, 19:

⁸¹ Գաղատ. Գ, 23:

⁸² Հռոմ. Ը, 19—21:

⁸³ Ով. 2, 5:

⁸⁴ Ամբակ. Բ, 1:

⁸⁵ Միք. Է, 7:

⁸⁶ Սաղմ. ԺԳ, 7:

հայտնեց խորհուրդը ամեն ազգերին և հավիտյան եկողներին:

353. Ինչպես Աստուծո զատկամամորեն-րից մեկը ասում է, թե «ի՞նչ տրվեց այս շնորհքը՝ ավետարանելու հեթանոսներին Բրիստոսի անքննելի մեծությունը և ամեն-քին լուսավորել, թե ի՞նչ է այն խորհրդի տնօրինությունը, որը բոլորից հավիտյան ծածկված էր Աստուծո մոտ, որն ամեն ինչ ստեղծել է: Որպեսզի նա հիմա երկնքի⁸⁷ վրա գտնվող իշխանություններին և պետու-թյուններին եկեղեցու միջոցով հայտնի Աստուծո բազմապատիկ իմաստությունը, ըստ իր հավիտենական ծրագրի, որը նա իրագործեց մեր Տեր Հիսուս Բրիստոսի միջոցով»⁸⁸: Նույնի մասին խոսելիս նա հայտնում է, թե «երբ ժամանակը լրացավ»⁸⁹:

354. Բայց ո՞վ մարդկանցից կարող էր աստավծության մասին այսպիսի վարդապետություն ճանաչել և խոսել: Բայց նա ինքը այսպես կամեցավ, որպեսզի իր անձը ծանոթ դարձնի և ճանաչեն նրան ու ապրեն: Սակայն մենք արարածներս չենք կարող պատմել Արարչի մասին, մենք, որ քնեղված ենք այս պատկերի տիպին, ըստ ստեղծողի ստեղծածին: Բայց ինչքան որ մեր տկարությունը կարող էր ծուծկալել, ինքը կամեցավ մեզ պատմել, քանզի ոչ ոք չգիտի Աստծուն բացի Աստուծո Հոգուց և Որդուց, որը եկավ ու պատմեց, հայտնեց ու ցույց տվեց, թե «ով որ ինձ է տեսել, իմ Հորն է տեսել»⁹⁰:

355. Բայց Աստված կենդանի հոգի է, կիզող հուր, անչափելի և անփոփոխ, անպատում փառք, անբավ գորություն, անըման, զարմանալի գեղեցկություն, անհասանելի մտքերի ու խոհերի համար, լեզվով անբացատրելի, մտքով չամփոփվող, դուրս է ամեն տեսակ խոսքերից, ոչ աչքով է տեսանելի, ոչ ականջով լսելի, ոչ էլ սրտի հույսը կարող է նրան հասնել: Երկինքն ամբողջովին, աշխարհն ամենայն և տիեզերքը ամբողջովին բավական չեն ընդգրկելու նրան: Նրա խոսքը վերև բարձրա-նալով կրում է ամեն ինչ: Նրա հրամանի օրոքությամբ [տիեզերքը] կախված է մնում անուն օդի վրա թռչող թևերի և կարծես թռչում է: Ինքն ամեն ինչ պարփակում է, ամեն ինչի մեջ է, ամեն ինչի վրա է, ամեն ինչից դուրս է, ամեն ինչ նրանով է, ամեն

ինչ նրանով է և ամեն ինչ նրա փառքի համար է:

356. Նա բազում ճշանդերով ու հրաշք-ներով տարբեր ժամանակներում խոսեց մեր հայրերի հետ մարգարեների միջոցով անպատում տեսիլքներով, անմահ կերպարանափոխումներով, զարմանալի ձայնով, գովելի գեղեցկությամբ, աստվածային կերպարաններով, երբեմն լուսեղեն մա-նություններ, մարդկային կերպարաններով, երբեմն որպես բոլորքոված հուր, մարդու կերպարանով: Բազում արդարների երևաց ըստ նրանց տեսնելու կարողության և ըստ նրանց լսելու համբերության խոսեց նրանց հետ: Քանզի մարդն անկարող է, տեսնել Աստծուն իր էության մեջ, ինչպես մոմը չի դիմանա կրակին և լեռները չեն կարող տեսնել նրան, քանզի եթե նայեն նրան, կհալվեն:

357. Բայց երբ իր ինքնական ցանկու-թյամբ և բարերարությամբ ինքնիրեն ցույց տվեց, երևաց մարդու կերպարանով, երբեմն որպես լույս, երբեմն հուր և երբեմն հողմ, ինչպես և ամպի, մեզի ու մրրկի մեջ:

358. Իսկ եթե ասենք, թե նա հուր է, ապա ասում ենք այն, ինչ տեսնում ենք. եթե ասում ենք լույս է՝ նրա մանության գաղափարը մեր բնությունից ենք առնում, աներևույթին ցույց ենք տալիս որպես երե-վացող մեր անկարողության պատճառով: Բայց նա մեր փոքրիկության համեմատ երևաց, որպեսզի նյութական արարածները չայլվեն նրա փառքի ահից: Նրա անունը ոչ ոք գիտի, քանզի դեռ ոչ ոք չկար այն-տեղ, բացի նրանից, որ նրան այնտեղ և այստեղ անուն տար:

359. Եվ իր երևալովը արդարների՝ իր ահավորությունը իրեն էր քաշել և երևացել էր մարդատեսիլ, հրեշտակաման և հասկանալի ըստ աչքերի կարողության: Ոչ արարածները կարող են քննել Արարչին և ոչ էլ խմորը գիտի իրեն պատրաստողին:

360. Բայց Արարիչը գթում է իր արա-րածներին, քանզի Աստված ամենայն արարածներին ստեղծեց և զարդարեց գովե-լի գեղեցկությամբ և վայելույ փառքով: Հո-ղից ստեղծեց հողեղեն մարմինները և լույ-սից՝ հրեշտակներին, վայելույ լույսով ծած-կեց ու զարդարեց փառքի աթոռը, ուր բարձրանում են հրեշտակների օրհնություն-ները, սերովքների ձայները, զվարթունե-րի փառավորությունները, բանականների բազմությունը, սրբերի գնդերը, գովերգող-ների դասերը, երկնավորների օրհնություն-ները, արդարների աղոթքները, սրբերի պաշտամունքը, սերովքներն ու քերովք-ները և միաբանական լույսի գործերը:

⁸⁷ Ռ. Թոմսոնը թարգմանել է «երկրի վրա» (էջ 70), սակայն Աստվածաշնչում նա կա «երկինք»:

⁸⁸ Եփես. 4, 8—12:

⁸⁹ Գաղատ. 4, 4:

⁹⁰ Թովթ. 1, 9:

[Ուղղափառ հավատի դավանությունը ամենատարբեր Երրորդության և մեկ աստվածության մասին]

361. Հիշելով այս վկայությունը ձեր լսելիքներին կարգով մատուցեցինք ճշմարիտ սուրբ հավաստ, որը հայտ հանդիման մեզ ուսուցանել են սուրբ Գրքերը, սուրբ Հոգու միջոցով: Աստվածության մշտնջենավոր արքայության մասին, որը խորհրդով հայտնվեց մեր արդար հայրերին, հաղորդվեց մեզ Որդու և սուրբ Հոգու միջոցով, ավետվեց սուրբ մարգարեների և առաքյալների եղովից ու տրվեց մեզ հավատի հաստատությունը:

362. Քանզի հավատով մենք հաստատում ենք Աստված Հայրը, ամենայնի տերն ու արարիչը, միածին Որդին, որը Հորից է, Հոր կողքին, Հոր հետ և սուրբ Հոգին, որը նույն էությունից է և նրանով է ստեղծել ամենայն արարածներին, որը մեկ տերություն է, մեկ զորություն, մեկ իշխանություն, մեկ մեծություն, մեկ գիտություն, մեկ խորհուրդ, մեկ պետություն, մեկ անսկիզբ զորություն, երեք կատարյալ անձինք, բայց մեկ կատարյալ կամք, Երրորդության անպատում անբնկելի միությունը: Մի իսկություն, մի էություն և մի աստվածություն, Հայր և Որդի և սուրբ Հոգի, երեք անձինք, բայց մի Աստվածային զորություն՝ Հայրն ինքնիրենից, Որդին Հորից, Հոգին նրանցից ու նրանց մեջ: Իսկությամբ, էությամբ, Աստվածությամբ նրանք առհասարակ հարթ հավասար են խորությամբ, բարձրությամբ, լայնությամբ, երկայնությամբ, բնությամբ մեկ միություն են, Երրորդության մեկ պսակ և երկինքն ու երկիրը յի են նրա փառքով:

363. Ինչպես մարգարեի որդի Սողոմոն արքան ասում է իր հոգեկիր աղոթքների մեջ, թե «երկինքն ու երկիրը քեզ բախակալն չեն»⁹¹, իսկ մարգարեն ասում է Տիրոջ կողմից, թե «երկինքն իմ աթոռն է և երկիրը իմ ոտքերի պատվանդանը, ինչպիսի» տուն եք շինելու ինձ համար կամ ի՞նչ բնակության տեղ եք պատրաստելու ինձ, չէ՞ որ իմ ձեռքն է այս ամենը ստեղծել. ես ո՞ւմ հանգիստ ու դադար տամ, եթե ոչ հեգերին, խոնարհներին և այնպիսիներին, որոնք դողում են իմ խոսքերից»⁹² և «կլինեն նրանց Աստվածը ու նրանք իմ ժողովուրդը կլինեն»⁹³: Իսկ նա, որին երկինքն ու երկիրը բախակալն չեն [պարփակելու],

ինչպե՞ս մարդու սիրտը պիտի նրան բնագրկի, միթե մարդն ստավել մեծ է, քան երկինքն ու երկիրը: Սակայն Աստվածությունը ինչ կամենում է, լինում է, ինչ կամեցավ՝ ստեղծեց, ինչ կամեցավ՝ եղավ, ինչ կամենում է՝ զանց չի առնում, այսուհանդերձ [մարդանալով] նա ամփոփվեց, փորացավ և եղավ, ինչ որ կամեցավ:

[Միածին աշխարհ գալուստը և նրա մարդեղությունը սուրբ կույս Մարիամից]

364. Արդ, Աստված իր Որդուն առաքեց աշխարհ, որը եկավ ու ծնվեց կնոջից և մարդկային մարմնով ամփոփվեց, իր մարմնով բոլոր մարմինները կենդանացրեց: Նրանով աշխարհի Արարիչը կարողացավ նորոգել արդարներին, փրկել նրանց մեղացածին ծնունդներից, հրեշտակակերպ դարձրեց ու աստվածորդիներ կոչեց, մահկանացուներին անմահացնելով անմահ հոգիով ու պատվելով աստվածային փառքով: Նրանք վալելույ լույսով զարդարված են և կանցնեն երկրավորությունից երկնավորության, մահկանացուից՝ անմահ կյանքի, անանցանելի լույսով ու կերպարանքի անապական գեղեցկությամբ կպարուրվեն:

365. Որչափ անպատում է Աստվածությունը, որի կամքը ամենայն բարիքների աղբյուր է և տերն է ամեն գործերի: Նրա բերանի խոսքով հաստատվեցին բոլոր արարածները. նրանից լույս առան բոլոր լուսավորները և նրա զորության մեջ հաստատված են բոլոր արարածները, երկնքի վերնահարկերը և ամբողջ աշխարհը իր մեջ եղածներով: «Նրա բերանի հոգիով հաստատվեցին նրանց բոլոր զորությունները»⁹⁴: Երկնավոր պաշտոնյաները և սրբերի լուսեղեն բանակները նրա հույսով մնում են կախված և կարոտ են նրա ողորմություններից: Նրա մի ակնարկելով բոլոր արարածների պետքերը պատրաստվում են, ամենքը նրա զորության մեջ են ապրում և «ամենքի աչքերը նրան են հույս դնում»⁹⁵:

366. Նա է Արարիչը, ստեղծողը և ամենայնի առաջնորդը իր իսկական բնությամբ: Անբաղ զորությունը, որ նրանից է տարածված, շրջապատում է ամեն ինչ: Նրանից են բխում կենսարար զորությունները, որոնք բոլոր արարածներին են անցնում՝ երկնավորներին և երկրավորներին, օդի և հողմի մեջ, հրո և ջրի մեջ, լույսի ու խավարի մեջ, անդունդների և բարձունքների մեջ: Նա երևում է իր աներևույթ զորությունների հետ իր թափանցիկ լույսով:

⁹¹ Գ. Թագ. Ը, 27:

⁹² Ես. 42, 1—3:

⁹³ Զաք. Ը, 8, Երեմ., Է, 23, ԺԱ, 4, ԻԿ, 7, Լ, 22, ԼԱ, 1, ԼԲ, 38:

⁹⁴ Սաղմ. ԼԲ, 6:

⁹⁵ Սաղմ. ԾԽԴ, 15:

Նրա հոգու գործությունը անբավ է, ամեն տեղ սփռված, ամեն տեղ տարածված և ճառագայթները ելնում են գործությամբ, անընթացիկ բնությամբ: Նա չի գնում վերին բարձունքների չափ, ոչ էլ իջնում ստորին անդունդները, չի գնում ձախ կամ աջ, ոչ դիմաց, ոչ թիկունք: Վեց գործությամբ ճառագայթներ [կան], վեց հազարամյա դարեր, իսկ յոթներորդ դարը արդարների հանգիստն է:

367. Ինչպես ենք Աստծուն մեզ նման հայտարարում, երբ մենք [կանգնված ենք] հողից շաղված հողակապ անդամներից: Յուրաքանչյուր անդամ իր գործն է կատարում իր մեջ և ձեռնհաս չէ իր ընկերոջ գործին: Ոչ աչքը լսում է, ոչ ականջը տեսնում, ոչ լեզուն հոտոտում, ոչ ձեռքը գնում և ոչ ոտքն աղաղակում: Բերանը խորտիկների համար է, հոտոտելիքը՝ հոտերի, քիմքը՝ ճաշակելու. ամեն մեկը կապված է իր բնությամբ:

368. Բայց ինքն իր կամքով իր ամենակեցույց գալուստը պատրաստեց և կատարեց Հոր կամքը: Սուրբ Որդի Աստվածը առաքելեց Աստծու կողմից, կույսից մարմին առավ [որպես] կատարյալ մարդ՝ կատարյալ Աստվածությամբ: Հայտնի դարձրեց Աստվածության գործությունը և ցույց տվեց մարմնի տկարությունը: Մարմնով ծառայակից եղավ մարդկության և մեղքերից ազատեց մարդկանց մարմինները: Նա իջավ դժոխք և այնտեղից դուրս հանեց դժոխքում արգելվածներին: Մարմնով հալածվեց, հալածեց սատանային և կապեց մեղքերը:

369. Նրանց, որոնք հավատացին մարմնին, ծանոթացրեց իր Աստվածությունը, իսկ որոնք գայթակղվեցին մարմնից, որացան նրա բնությունը: Քանզի նա միացել էր մարմնին բնությամբ և խառնել էր մարմնը իր Աստվածությանը: Ովքեր նրան հավատացին, վայելելու են անպատում բարիքները, իսկ ովքեր այս հավատից վրիպեցին, նրանք անկոխ և ծածուկ ճամփաներով գնացին, զարտուղի ընկան և իրենց անձերին անհուսալի ուղիներ խրամատեցին ու շատերին ճշմարիտ հավատից շեղեցին: Երբ կարծում էին, թե ինչ-որ բան գտել են, ոչինչ չգտան, ինչպես և գրված է՝ «գնացին ոչնչի ետևից ու ոչինչ չգտան»⁹⁶: Քանզի գտնելու համար փնտրելը աշխատություն է, իսկ աշխատանքն առանց [որևէ բան] գտնելու կոռապաշտության է հասցնում սուտ վարդապետությանը⁹⁷:

370. Քանզի այնտեղից՝ վերևից բոլոր մարգարեների միջոցով հետո գալիքներին

ապագա անցքերը ծանոթացրեց: Եվ նախորդ օրինակներով ու ինչպե՞ս բազում անգամ վարդապետել է մերթ սարսափելի սպառնալիքներով, հիշեցնելով նախկին վրեժխնդրությունը, որպեսզի անհավատներին զարհուրեցնի և [ճշմարիտ] ուղղության մղի, ինչպես եգիպտացիների տեսակ-տեսակ պատիժները և նրանցից դառնագույն հատուցմամբ վրեժ խնդրելը: Կամ հիշում է անապատում անհավատության մեջ ընկածներին և բոլոր նրանց, ովքեր փորձել էին Աստուծո բարկությունը:

371. Նույն ձևով Սողոմոնացոց և Գոմերացոց երկիրը նա Քրիստոսի օրինակ դարձրեց, որ չլինի թե նրանցից մի քանիսի չհավատալու պատճառով նրանք ավելի դժնակ ձևով տուժեն: Մերթ հիշեցնում է բազմապիսի սքանչելի հրաշքները և արդարների հատուցումը Աստվածային պարգևներով: Նա միաժամանակ հիշեցնում է արարածների հաստատության կարգը, բազում անգամ ասելով՝ «երկիրը բարձրացրեցի և երկիրը հաստատեցի»⁹⁸ և «Ծովը սահմաններով փակեցի»⁹⁹, որպեսզի այս ամենով նա կարողանա ուժեղացնել իր խոդների հավատը խոստացվածների հանդեպ:

[Նահապետների ու մարգարեների գուշակության կատարումը Քրիստոսի գալուստով]

372. Ապա երբ եկավ ամենքի փրկիչը, կատարեց այն, որ մի ժամանակ խոստացված էր իր մասին: Եվ վկայությամբ մենք կարող ենք ճշգրտել Որդու գալուստը Աստվածության մարմնածին ծննդյան և աստվածախառն մարմնի մասին հոգեխառն խոսքերի վերաբերյալ մարգարեների գուշակություններով, ինչպես և Աստված առաջվանից ցույց էր տվել իր Որդու գալուստը իր արժանավոր մարգարեների ձայներով:

373. Քանզի «Աստված առաքեց Իր Որդուն, որը եկավ-ծնվեց կնոջից և մտավ օրենքների տակ, որպեսզի նրանց, ովքեր օրենքների տակ են, փրկագնի, և մենք որդեգրություն ստանանք»¹⁰⁰: Այս ձևով Հովհաննես կարապետը ասում է՝ «Ապաշխարեցեք, քանզի երկնքի արքայությունը մոտ է»¹⁰¹: Այս ևս հավիտենության Տերը համարում է արքայության մասին առակ ա-

⁹⁶ Մաղմ. ՀԵ, 8:

⁹⁷ Ես. ԽԴ, 24:

⁹⁸ Ես. ԽԴ, 24:

⁹⁹ Յովք. ԼԸ, 8:

¹⁰⁰ Գաղատ. Դ, 4—8:

¹⁰¹ Մատթ. Գ, 2:

սելով, թե՛ «Ժամանակը կատարյալ է և հասել է Աստուծո արքայությունը»¹⁰²:

374. Արդ, եկալ Աստուծո սրանչեկի խորհրդակից Որդին, որպեսզի կատարած լինի երկար դարեր առաջ նախակարգված խորհուրդը, ինչպես մարգարեն է ասում, թե՛ «Հաստատեց իր ծառաների խոսքը և արդարացրեց իր հրեշտակների խորհուրդները»¹⁰³: Նրան ճանապարհ է պատրաստում նաև հրեշտակը, որը կույսին ողջույն է տալիս, որպեսզի կատարվի մարգարեությունը, թե՛ «կույսը հղանալու է և ծնվելու է որդի և նրա անունը լինելու է Էմմանուել»¹⁰⁴ և ասում է՝ «որախ եղիր, բերկրալի, Տերը քեզ հետ է»¹⁰⁵:

375. Ապա ցույց է տալիս, թե ինչ ձևով Տերը նրա հետ է լինելու, ասում է՝ «սուրբ Հոգին գալու է քեզ վրա և հարձրյալի գործությունը քեզ հովանի է լինելու, քանզի նա, որ ծնվելու է, սուրբ է և կոչվելու է հարձրյալի Որդի»¹⁰⁶: Ապա նայելով մարգարեություններին ասում է, թե՛ «Տեր Աստված նրան տալու է իր հոր Դավթի աթոռը և թագավորելու է Հակոբի տան վրա հավիտյան, և նրա թագավորությունը վախճան»¹⁰⁷ չի ունենա, Նրա մասին Հակոբ հայրապետը Հոգիով լցված նույնպես ասաց, և Հուդային փառալուր ճանաչելով մարգարեության մեջ ասաց՝ «Հուդային իշխան չի պակասի և ոչ էլ պետ երանքի (մեջքի) համար, մինչև որ գա նա, որին պատկանում է թագավորությունը, քանզի նա է հեթանոսների հույսը»¹⁰⁸:

376. Ահա տեսնում ենք մարգարեությունը լրիվ իրականացած, կատարված, ահա տեսնում ենք ամենայն հեթանոսներին կամա թե ակամա նրան ծառայելիս: Ասում է՝ «իր գրաստը որբատունիկին է կապելու և իր իշու ձագը որբատունիկի ծունկին»¹⁰⁹, այսինքն դա նրա խոնարհությամբ գալն է այգու մշակների մոտ, որոնք չկամեցան այգու տիրոջը: Նա շարշարվեց իր կամքով, համբերեց: Այն իր ժամանակին պիտի պատմենք, նրա ծննդյան մասին դեռ խոսքեր կան ասելու, մարգարեների զգուշացումը, առաքյալների բարոզը, վկաների վկայությունը:

[Քրիստոսի մարդկության և կատմամբ ողղափառ հավատի դավանությունը]

377. Նա ինքն իր էության մեջ է, որպես և իսկապես է-ն, սակայն երբ կամեցավ, մարդկային կերպարանք առավ, մարմին հագավ և իջավ մեր նմանությանը: Նա, որ անթուլանդակելի էր և անհասանելի իր Աստվածության ամբողջ լիության մեջ, մեր պատճառով իջավ չափավոր ձևերի մեջ, ամփոփվեց մարմնի մեջ: Զմարտության քովանդակվեց մարմնի մեջ, եղավ ճշմարիտ մարդ, իջավ անարգության, որպեսզի մեզ բարձրացնի: Սակայն իր Աստվածության քովանդակվեց մարմնի մեջ, եղավ ճշմարիտ մարդ, իջավ անարգության, որպեսզի մեզ բարձրացնի: Երկնքում է և երկրի վրա, Հոր մոտ է և Հոր հետ: Բոլոր արարածները նրա հրամանով են շարժվում, յուրաքանչյուրն ըստ կարգադրության և դասավորման:

378. Սակայն թեպետ մեզ համար իջավ անարգության, այսուհանդերձ մնում էր իր բնության մեջ, ինչպես ինքն է ասում, թե՛ «նույնն եմ և չեմ փոխվել»¹¹⁰, քանզի թեպետ առավ մարդկային կերպարանք և մարմինը, սակայն խառնեց-միացրեց-ընկրդմեց մարմինը իր Աստվածության մեջ: Դարձյալ ասում է՝ «առ է Աստված, մեր Աստվածը հավիտյանս հավիտենից»¹¹¹: Եվ դարձյալ ասում է՝ «դու նույնն ես և քո տարիները չեն անցնի»¹¹²: Այսպիսի ձայն հասավ նաև մարգարեներից մեծագույն Մովսեսին, թե՛ «Ես եմ, որ սկզբից կայի, այսպես պիտի ասես, թե նա՛ Աստվածը, որ սկզբից կար, ինձ առաքեց ձեզ»¹¹³: Հովհաննեսը նույնպես ասում է իր թղթում, թե՛ «Նա կար սկզբից, նրա մասին լսել էինք, նրան ականատես իսկ եղանք, նրան նայեցինք, մեր ձեռքերը շոշափեցին կյանքի խոսքը և կյանքը հալոսմեց և տեսանք ու վկայեցինք»¹¹⁴, քանզի նա ինքը ճշմարիտ Աստվածն է և հավիտենական կյանքը:

379. Արմարեցիկն մարմին առավ, շոշափվեց և ճանաչվեց մարմնով և մարմնի բոլոր հանգամանքներով հանձն առավ իր կամքով, խոնարհությամբ համբերեց անձանորթների մեջ լինելով: Ոչ որևէ մեկի բռնադատությամբ, այլ իր սեփական և ինքն-իշխան կամքով կրեց այն, ինչպես ինքն է ասում՝ «Իշխանություն ունեմ իմ անձը պնդելու իմ կամքով, որպեսզի դարձյալ տունեմ այն»¹¹⁵:

¹⁰² Մաթ. Ա, 15:

¹⁰³ Ես. ԽԳ, 26:

¹⁰⁴ Ես. Է, 14, Մատթ. Ա, 23:

¹⁰⁵ Դուկ. Ա, 28:

¹⁰⁶ Դուկ. Ա, 35:

¹⁰⁷ Դուկ. Ա, 32—33:

¹⁰⁸ Ծննդ. ԽԹ, 10:

¹⁰⁹ Ծննդ. ԽԹ, 11:

¹¹⁰ Մաթթ. Գ, 16:

¹¹¹ Սաղմ. ԽԷ, 15:

¹¹² Սաղմ. ԾԱ, 28:

¹¹³ Երբ Գ, 14:

¹¹⁴ Յովհ. Առ. Ա, 1—2:

¹¹⁵ Յովհ. Ժ, 18:

380. Ինքը ծնվեց կույսից, իր կամքով կատարեց իր առաքիչի կամքը, ասում է՝ «Ես եկա կատարելու իմ հոր կամքը»¹¹⁶, որպեսզի նա ցույց տա միակ անբախտելի, անբաժանելի ինքնության միությունը: Հոր կամքով մտավ կույսի արգանդը և չգարշեց, վասնզի ինքն է ամեն ինչ սրբացնողը: Իր կամքով խանձարորի մեջ փաթաթվեց և անասունների մտորը դրվեց, քանզի ինքն է տերն ու արարիչը ամեն մեծությունների և բաշխիչը ամեն բարիքների:

381. Հինավուրցը մեզ համար մանկացավ, առավ մեր մարդկային տկարության մարմնի կերպարանը, որպեսզի մեզ տանի իր անմահությանը: Սակայն թեպետև մարմին հագնվեց և իջավ մեր մահնությանը, այսուհանդերձ մնում էր իր Աստվածային հայրենի բնության փառքում, ինչպես և էր իսկապես և է և կա հավիտյան իր հոր մոտ բարձունքներում, իր բնության մեջ, մեր մարմնով որ հագավ փառավորվելով հանապազօր հոգեղեն ու հրեղեն հրեշտակների կողմից:

382. Նա եկավ-դարձավ մարդ, որպեսզի մեր մարմնավորներն կարողանանք տեսնել: Սակայն Աստծուն իր էությանը չի տեսել ոչ ոք, ո՛չ հրեշտակները, ո՛չ հրեշտակապետերը, ո՛չ սերովքները, ո՛չ քերովքները և ո՛չ էլ երկնավոր զվարթունքների բյուրավոր բանակը: Բայց Որդին մարմնով ծածկված կատարելամիտ իմաստուններին ցույց տվեց և հայտնեց ինքն իրեն, որպեսզի հագնեման իր լույսի սքանչելիությանը, թե՛ «ով ինձ տեսավ, տեսավ իմ հորը»¹¹⁷: Նա գալով խոստացածը կատարեց սուրբ կույսից: Առաջին ծնունդը եղել էր Հորից նախքան անսահման ժամանակները, մի մշտնջենական և հավիտենական ծնունդ, մշտնջենական և հավիտենական Հորից, նախքան ամեն ինչ:

383. Միայն այսչափ գիտենք մենք տկար արարածներն նրա մասին, քանզի նա և ճշմարիտ հայրը մեկ են, ինչպես ամեն մի հայրություն կոչվում է երկնավոր և երկրավոր [արարածների] կողմից: Միայն մեկ Տեր՝ երեքանձնական գորություն, երեք անձիք՝ մեկ գորություն, մեկ գիտության միություն, մեկ գորություն՝ միասնական փառքով, միայն մեկ լուսավորությանը, միայն մեկ իսկությանը, քանզի ոչ ոք կարող է քննել, թե որպես կամ ինչու նա եղավ:

384. Հավատացեք Երրորդությանը, ընդունեցեք միությունը անշրունք լուսությանը և լուռ հավատով: Բայց մենք հողապատյան

արարածներն ինչպես կարող ենք քննել անիմանալին, անքննելին և կամ ճանաչել բարձրյալին: Մենք, որ սկիզբ ենք ունեցել, ինչպես կարող ենք քննել անսկզբին, անհասանելիին:

385. Այս է ճշմարիտ հավատը: Նա խոնարհվեց, խառնեց Աստվածայինը մարդկայինին և անմահը մահկանացուն, որպեսզի բոլոր մարդկանց անբախտելիորեն [կապի] իր Աստվածային անմահությանը: Երբ միածին Աստվածորդին, հոր հզորակիցը, մարմնով հոր մոտ՝ աջ կողմը մտավ, մեզ խառնեց իր Աստվածությանը: Նրա ծեղով [հայրը] հաստատեց երկրի հիմքերը և պարզեց երկնքի տարածությունը: Նրա մասին մարգարեն ասում է. «Տերը երևան հանեց իր աջը և իր բազուկը բոլոր հեթանոսներին, և երկրի բոլոր ծայրերը տեսան մեր Աստուծո փրկությունը»¹¹⁸:

386. Հոր աջը ինքն իսկ է և բազուկը՝ միածին Քրիստոսը: Նրանով լուսավորվեցին բոլոր արարածները, «սկզբից էր Խոսքը, Խոսքը Աստուծո մոտ էր, Աստված էր Խոսքը և ամեն ինչ նրանով եղավ»¹¹⁹: Նրանով հաստատվեց ամեն ինչ, որ երկնքում և երկրում է: Անհրաժեշտ էր, որ օրհնվեն նրանով, որի [կողմից] ստեղծվել են, հաստատվել, և նրանով լուսավորվեն, քանզի Աստված կամեցավ, որ արարածներն ապրեն և չկորչեն:

[Սուրբ Հոգու առաքումը կույս Մարիամին]

387. Արդ, Աստված առաքեց սուրբ Հոգին կույս Մարիամին և Աստվածորդին մարմին առավ կույսից, որով վերացրեց չարը, նույն մարմնով մեղքերի հատուցումը տվեց աստվածախառն մարմնով, բարձրախառն խոնարհությանը աներևոյթը միացրեց տեսանելիին: Հրեշտակների ավետումը հովիվներին՝ աստվածեղեն փառքը էր գուշակում: Մուրը և խանձարուրը ցույց էին տալիս մարմնի խոնարհ աղքատությունը, առաջնորդ աստղերը, մոգերի ընծաները ի հայտ էին բերում ամենատիրոջ տերությունը: Երկրավոր [նշաններով] պետք է ճանաչենք մարմինը, իսկ երկնավորներով՝ ճանաչենք Աստվածությունը:

388. Արդ, տես ինչ է պատմում մեզ մարգարեական հոգու շնորհը Միքիայի մեջ, թե՛ «Եվ դու հեղեղեմես, ասում է, որ ոչ ցածր աստիճանի ես հասել, քեզանից ծագելու է ինձ պետ և իշխան Իսրայելի տանը և նրա ելքը աշխարհի օրերի սկզբ»:

¹¹⁶ Յովհ. 2, 38:

¹¹⁷ Յովհ. Ժ, 9:

¹¹⁸ Սաղմ. 1, 1—8:

¹¹⁹ Յովհ. 1, 1—2:

քից է»¹²⁰։ «Ակզբից», այսինքն աստվածությունն է ցույց տալիս, «Բերդեհեմը» մարմինն է նշանակում, հրեշտակապետն ասում է՝ «Կծմվի և նրա անունը կդնեն Հիսուս»¹²¹ և սաղմոսերգուն երգեց՝ «նրա անունը արևից առաջ է»¹²²։ Մեկը մարմնաձին ծնունդից առաջ է պատմում և մյուսը ցույց է տալիս աստվածությունը, որը ծնված է Հորից նախքան արուսյակը (արեգակը)։

389. Մենք այս ճշմարիտ հավատն ունենք սուրբ Գրքերի և եկեղեցու օրենքների մասին [որպես] կյանքի առաջնորդ Աստուծո մոտ գնալու, ընդունելով սուրբ Գրքերի հավատի վարդապետությունը։ Մի խոտորվեք իմաստության կարգից ո՛չ աջ և ո՛չ ձախ, քանզի սրանք այնպիսի սերներ չեն, որոնք ամուլ են ու փտած, ազագուն ու չորացած։ Բույսերը, որոնք սերմանում են լսող սրտերի անդաստանում աստվածեղեն գրքերից, հոգեպատում մատուցանեցին [են վերցված]։ Եթե որևէ մեկը դեռ նույնիսկ սերմանի [վերոհիշյալների] նման սերմեր իր լսողների լսողության մեջ, աղպիսին նշովյալ լինի, եթե նույնիսկ հրեշտակ է երկնքից, հողակեր օձի նման անհիշյալ լինի, քանի որ սուտ և պատիժ խոսքերով կամենում է Աստուծո պատվիրանը փոխել։

390. Բայց մենք այսպիսի պատրանք չենք մատուցում ձեզ և այս քանը վկայում ենք Աստուծո առջև, քանզի միայն նա գիտի սրտի խորհուրդները, ամեն ծածուկ բան նրան հայտնի է և ամեն ժամ նրա առջև ենք։ Այժմ նրա առջև խոսում ենք նրա պատգամները, որոնք քաջարուս են, բովանդակալի, պողպատի, արդյունառու, շահեկան, վալեղ, շտեմարանալի, որոնք կարող են ձեզ պարարել այստեղ մարմնավոր պտուղով և այնտեղ արքայության մեջ ձեզ վալեղել կտան անանցանելի և երկնավոր արքայությունը։ Փառք նրան՝ ամենատիրոջը, որ մեր կյանքի համար մարդացավ և մարդակերպ շրջեց, մեզ նման կերավ ու խմեց, տանջվեց, չարչարվեց, խաչվեց, գամվեց, սպանվեց, թաղվեց, կենդանացավ, հարություն առավ, վերացավ և ելավ-նստեց իր ծնող Աստուծո աջ կողմը և Հայրը կենդանացրեց բոլոր նրանց, որ հավատացին նրան։

[Հիսուս Քրիստոսի ծնունդը սուրբ կույսից և նրա հավիտենական թագավորությունը]

391. Բայց մենք դեռ պետք է պատմենք Աստվածորդու ծնունդը կույսից, թե ինչ-

պես եղավ, մեկ առ մեկ կպատմենք։ Քանզի ոչ թե կույսից ծնունդ առնելուց հետո գոյացության սկիզբն ասավ անսկիզբ Խոսքը, այլ նա ամեն ինչից առաջ հավիտյան ծնվել էր Հորից, իսկ այժմ մեզ համար իշավ և մարմնով ծնվեց կույսից և Հորից նրա ծննդյան մասին միայն ինքը գիտի։ Իսկ երկրորդ ծնունդը նրա շնորհիվ տեղի ունեցավ մարդկանց մեջ, որպեսզի ապրեցնի մարդկանց, երկիրը փրկի սուսցիւն անեծքից և իր օրհնաբեր քաղերով գա ու նորոգի նրան, քանզի նա տեսավ, որ մարդիկ կորստյան են մատնված, և հավաքեց ցրվածներին ու գտավ կորածներին։

392. Այնուհետև շնորհագրուտ կույսը անայր, անապական արգանդում սուրբ Հոգուց հղացավ Աստուծո որդուն [մեր մոքերին] անմատչելի ձևով։ Եվ ըստ ծրննդականների օրենքի նա իր անդրանիկը ծնավ Դավթի քաղաքում՝ Բերդեհեմում, իստարելու համար մարգարեական խոսքը, թե՛ «դու Բերդեհեմ Եփրատա տուն թեև սակավալոր ես Հուդայի հազարավորների մեջ, քեզանից ինձ կելնի պետ և իշխան ու նրա ելքը աշխարհի սկզբնական հավիտյան օրերից է»¹²³։

393. Տեսնո՞ւմ ես նախագուշակված դեպքերը։ Տեսնո՞ւմ ես հրեշտակների ավտոսը հովիվների օթևանում, թե՛ «Ձեզ այսօր փրկիչ ծնվեց, որը Դավթի քաղաքի օծյալ Տերն է»¹²⁴։ Տեսնո՞ւմ ես, որ նրա ելքը աշխարհի սկզբից է, «այսօր ծնվեց» ասում էին։ Նրանք խոսում էին օծյալի մասին, որպեսզի մատնանշեն մարգարեությունը, թե՛ «որը խոսում է մարդկանց մեջ իր օծյալի մասին»¹²⁵։ Նա նշան տվեց օծյալի մասին, թե՛ «կգտնեք մի մանուկ խանձարուրով փաթաթված և դրված մսորի մեջ»¹²⁶։ Սա էր հավիտենական խորհուրդը, որը ծածուկ էր մնացել Աստուծո մոտ և հայտնվել երկնային իշխաններին։

394. Այնտեղ նրա աստվածային փառքի մասին երգեր էին ասում երկնավոր զորքերը և սովորեցնում հովիվներին, որ չլինի թե նա հովիվների կողմից արհամարհվի մսորի և պատանքի պատճառով։ Այնուհետև հովիվները փութալով հասան-գրտան մանուկը ըստ հրեշտակի նշանի։ Նա հայտնի դարձավ ոչ միայն մոտավորներին, այլև արևելքի հեռավոր [երկրներին], աստղի նշանով։ Ուստի այսպես պետք է հասկանալ մարգարեական հոգեպատում մատյանները՝ «մեզ մանուկ ծնվեց և որդի

¹²⁰ Միք. Ե, 2. Մատթ. Բ, 8։

¹²¹ Մատթ. Ա, 21, Դուկ, Ա, 32։

¹²² Մատթ. ՀԱ, 17։

¹²³ Միք. Ե, 2։

¹²⁴ Դուկ. Բ, 11։

¹²⁵ Ամովս. Դ, 13։

¹²⁶ Դուկ. Բ, 12։

ծնվեց մեզ, որի իշխանությունը իր ուսերի վրա է և նրա անունը կոչվեց մեծ խորհրդի հրեշտակ, սքանչելի խորհրդակից, հզոր Աստված, հանդերձալ աշխարհի իշխան հայր»¹²⁷:

395. Տեսնում ես, որ «որդի, իշխան, հրեշտակ, խորհրդակից, հզոր Աստված և հանդերձալ աշխարհի հայր» է կոչվում այսօրածին մանուկը: Քանզի իսկապես որդի է, քանի որ Աստուծո գործությունն է, խորհրդակից և հզոր Աստված, որի միջոցով հավիտենականությունը հաստատվեց: Մանուկ է, քանի որ այսօր սուրբ կույսից ծնվեց հեղեհեմում, որի մասին նախօրոք ասել է, թե՛ «Տերն ասաց ինձ, իմ որդին ես դու, և ես այսօր ծնեցի քեզ»¹²⁸: Հանդերձալ աշխարհի հայր է, քանզի երկրորդ կուսածին մարդը երկնքից գալով պիտի նորոգի առաջին հողածին մարդու պատճառով հնացած և մահակույ դարձած աշխարհը: Իշխան է, քանզի «Հեսեի արմատից, ասում է Եսային, գավազան բխեց և ծաղիկ՝ նրա շառավիղից»¹²⁹: Ուր Դավթի դստեր ծնունդն է: Ապա նա մտնելու է Դավթի աթոռին և նրա թագավորությունը հաջողության պիտի հասցնի:

[Մարգարեների գուշակությունները Քրիստոսի ծննդյան մասին]

396. Այսպիսով եկան-հասան օրերը, որոնք մարգարեն նախապես սահմանել էր: «Ահա օրեր կգան, ասում է Տերը, երբ կհաստատվեն իմ բարի խոսքերը, որ խոսեցի Իսրայելի և Հուդայի տան մասին: Այդ օրերին և այդ ժամանակ ես ծագեցնելու եմ արդարության ծնունդը, որը երկրի վրա իրավունք և արդարություն պիտի գործի»¹³⁰: Այդ մասին ապա ասում է. «Դարձիր Հակոբ և բռնիր նրան, նրա լույսի առաջին ծագման ժամանակ. մի տար այլոց քո փառքը և ոչ քո օգուտը՝ օտար ազգի»¹³¹:

397. Իսկ մի ուրիշ մարգարե հայտնապես վճիռ է տալիս, թե՛ «այդ օրերին Դավթի խորանն եմ կանգնեցնելու, ընկածները պիտի ոտքի կանգնեցնեմ, նրա կործանված ավերակները վերստին եմ կանգնեցնելու և այն շինելու եմ հավիտենականության համար, որպեսզի ինձ փնտրի մարդկանց մնացած մասը և բոլոր հեթանոսները, որոնց վրա իմ անունն է դրված, ասում է Տերը»¹³²: Թե ով է այս բանն անում,

հայտնի է հավիտենականության սկզբից, քանզի նախապես խոստանալով Դավթին ասել է, թե՛ «Բո որովայնի պտուղից հրստեցնելու եմ քո աթոռին, բարձրացնելու եմ ավելի բարձր, քան երկրի բոլոր թագավորները, նրա աթոռը երկնքի օրերի չափ եմ հաստատելու, իմ առջևի արեգակի նման և իբրև լուսինը, քանզի նրանք օրում են հաստատված»¹³³:

398. Նա եկավ, «որին [պատկանում] է թագավորությունը և նա հույսն է հեթանոսների»¹³⁴, ինչպես պատմել է Մովսեսը: Եվ աշխարհակալ թագավորը բարձրացվեց բոլոր ազգերին հնազանդեցնելու: Նա իր թագավորությունը այլ ազգի չի տա, ինչպես ասել է Դանիելը: Նույնպես և Դավթը, որի որդին կոչվեց Քրիստոս մարգարեի արտից բխած հոգեպատում խոսքերով: Թագավորի հատկանիշները ցույց տալով նախ ասում է, թե՛ «նա գեղեցիկ է ավելի քան բոլոր մարդկանց որդիները և նրա շրթները շնորհ են սփռում»¹³⁵, իսկ գեղեցիկ է ասում ոչ թե կերպարանքի, այլ անգուցական փառքի համար: Եվ դարձյալ, թե՛ «Մուրդ կախիր քո մեջքին, ով հզոր, որպեսզի վալել լինի քո ճշմարտությանը»¹³⁶: Ապա դրանից հետո անմիջապես վճիռ է տալիս, թե՛ «քո աթոռը Աստված հավիտյան հավիտենից է, քո թագավորության գավազանը արդարության գավազան է»¹³⁷ և նշում է, թե օծյալն է նա և որ ինքն իսկ մարգարեն նրա օծյալ գալու մասին երգել է, թե՛ «այս պատճառով Աստված, քո Աստվածը ուրախության լուրով քեզ օծեց ավելի քան քո ընկերները»¹³⁸:

399. Տեսնում ես, որ մարգարեին նախապես սուրբ Հոգու կողմից ծանուցված էր, թե Աստուծո միածին Որդին՝ հորն աթոռակիցը, սիրելին եղավ Դավթի որդի և բարձրացրեց նրա աթոռը հավիտյան: Որպես և ասում է՝ «նախապես տեսնում էի Տիրոջն իմ առջև ամեն ժամ և իմ աջ կողմում»¹³⁹: Նա ինքն էլ գիտի, որ երդումով երդվեց նրան Աստված՝ նրա աթոռին հրստեցնելու նրա որովայնի պտուղը, որի մասին և օրհնակներն են վկայում, թե՛ «Դավթի ազգից և հեղեհեմ գյուղում գալիս է Քրիստոս»¹⁴⁰:

¹³³ Սաղմ. 20, 28, 30, 38, 41, 11:

¹³⁴ Եսայ. 10, 10:

¹³⁵ Սաղմ. 10, 3:

¹³⁶ Սաղմ. 10, 4:

¹³⁷ Սաղմ. 10, 7:

¹³⁸ Սաղմ. 10, 8:

¹³⁹ Սաղմ. 10, 8:

¹⁴⁰ Թովմ. Է, 42:

¹²⁷ Ես. 6, 6:

¹²⁸ Սաղմ. 6, 7:

¹²⁹ Ես. 41, 1:

¹³⁰ Երեմ. 19, 14—15:

¹³¹ Բար. 1, 2—3:

¹³² Ամոս 9, 11—12:

400. Այստեղ նա թագավոր ճանաչվեց ոչ միայն նախապես եղած գուշակություններով, այլև նույն ժամին եղած նշանով՝ նրա մոտ եկած սուգերով, որոնք ասում էին. «Ո՛ր է նա, որ ծնվեց Հրեից արքա»¹⁴¹ և զգիրներին տեղեկանալով հասան այն վայրը, ուր մանուկն էր, ու երկրպագեցին նրան, ընծաներ մատուցեցին և միաժամանակ Տիրոջից ու հրեշտակից տեղեկություններ ստանալով վերադարձան:

[Քրիստոսի թվատությունը և Եգիպտոս փախուստը ըստ մարգարեների գուշակության]

401. «Երբ լրացան նրա թվատելու ութ օրերը, նրա անունը դրեցին Հիսուս, որը հրեշտակն էր կոչել, մինչ դեռ չէր հոգացած արգանդում»¹⁴²: Ինչպես և ասում է մարգարեն. «Մինչ դեռ նա չէր ստեղծել քեզ որովայնում, ես գիտեի քեզ և նախքան արգանդից ելել էիր, քեզ սրբացրի»¹⁴³: Սա բացատրվում է այն վերաբերելով Տիրոջը, թե՛ «ում որ Հայրը սրբացրեց և առաքեց աշխարհ»¹⁴⁴: Իսկ մի ուրիշ մարգարե, թե՛ «արգանդից կանչեց ինձ Տերը և իմ մոր որովայնում կոչեց իմ անունը»¹⁴⁵:

402. Արդ, տես որ նա ճշմարիտ կերպարանք ստացավ սուրբ կույսից և ոչ թե աչքին երևացող տեսիլք: Քանզի սկիզբ է առնում [միայն] անսկիզբը: Օրերով հաշվելով ութերորդ օրը նախքան առավոտյան ասուղը (արուսեակ) թվատվեց որդին՝ ավետիսով խոստացված Աբրահամի զավակը, որով օրհնվում են երկրի բոլոր ազգերը: Ուստի Քրիստոսի թվատվելը կատարումն էր հայրերին տրված ավետիսի: «Մտավ, ասում է, օրենքի տակ, որպեսզի օրհնալաններին փրկի և մենք ևս որդեգրություն ստանանք»¹⁴⁶:

403. Արդ անընկալ լինելով այնուհետև Դավթի որդին հալածվեց Եգիպտոս, որպեսզի կատարվի այն [խոսքը], թե՛ «Եգիպտացոց երկրից կանչելու եմ իմ որդուն»¹⁴⁷: Քանզի Աստուծո կողմից նախապես սահմանված էր իր հոգեկիր մարգարեների միջոցով, թե որպիսի չարչարանքներ կրելու էր միաժին Որդին հրեաներից, ինչպես և Պետրոսը առաքելագործ մատյանի մեջ ասում է, թե՛ «Աստված ինչպես

որ նախապես պատմել էր բոլոր մարգարեների քերականով իր Քրիստոսի չարչարվելու մասին, այնպես էլ կատարվեց»¹⁴⁸: Ինչպես և Տերն իսկ ասում է, թե՛ «եկա կատարելու օրենքը և մարգարեները»¹⁴⁹:

[Քրիստոսի գալուստը Եգիպտոսից Նազարեթ, նրա սրանչելի վարդապետությունը Երուսաղեմում տասներկու տարեկան հասակին]

404. Կանչվելով ապա Եգիպտոսից եկավ-անցավ Նազարեթ՝ իր կարծեցյալ հայրենիքը ըստ մարմնի: Անեց և զարգացավ հասակով ըստ մարդկային ցեղի օրինակի: Ենթադրվեց նաև խորալեական ազգին, որպեսզի նրանք ինքնակամ դիմեն քաջված կենաց աղբյուրը: Քանզի նրա մասին է գուշակել սաղմոսավագը, թե՛ «կենաց աղբյուրը քեզանից է»¹⁵⁰: Այս ևս Փրկիչը հայտնեց սամարացի կնոջն ասելով՝ «Եթե դու գիտենայիր Աստուծո պարգևը և ո՞վ է նա, որ ասաց քեզ, թե տուր ինձ ըմպել՝ դու ինքդ կխնդրեիր նրանից և նա քեզ կտար կենդանի ջուրը»¹⁵¹:

405. Ապա նա տասներկու տարեկանը լրացնելուց հետո եկավ Երուսաղեմ և օրենքի վարդապետների հետ զրույցի մեջ մտավ ու զարմացրեց բոլորին: Ի կատարումն այն մարգարեության, թե՛ «Ամսվասիկ իմ մանուկը պիտի ըմբռնի, բարձրանա, վերանա և հույժ փառավորվի»¹⁵²: Քանզի թեպետ Աստվածությունը երկնից իտմարավեց, սակայն ներքևի երկրակյացների կողմից բարձր է ճանաչված: Նրանք հավաստում, որ թեպետ և խոնարհությամբ նա իշտվ, սակայն իր ինքնարուն փառքի գոությունը բարձր է ըստ մարգարեի նախապես գուշակած տեսիլքի, թե՛ «կվերանա-կբարձրանա և կփառավորվի», բայց քանի որ նա փառքի կարող չէ իր կամքը կատարելուց հետո համբերատար իշխանությամբ բարձրացավ, ոչ արտաքին որևէ [օգնությամբ], այլ իր բնական փառքով՝ բարձրանալով ճանաչվեց երկնավոր գործի կողմից, ըստ այն խոսքի, թե՛ «Աստված համբարձավ օրհնությամբ և Տերը մեր ձայնի փողով»¹⁵³:

406. Իսկ փողը միթե եղջյուրի նման չի հնչելու շնչով ուռած այտերով [լնդով], թուշը օդով լի քերանից փչվելով, որպեսզի աստվածաբանչ ավետիսներով գոչեն և լցնեն ամբողջ [տիեզերքը], թե՛ «ամա

¹⁴¹ Մատթ. Բ, 2:

¹⁴² Լուկ. Բ, 21:

¹⁴³ Երեմ. Ա, 5:

¹⁴⁴ Յովհ. Թ, 36:

¹⁴⁵ Ես. ԽԹ, 1:

¹⁴⁶ Դավթ. Գ, 4-5:

¹⁴⁷ Մատթ. Բ, 15:

¹⁴⁸ Գործք. Գ, 18:

¹⁴⁹ Մատթ. Ե, 17:

¹⁵⁰ Սաղմ. ԼԵ, 10:

¹⁵¹ Յովհ. Գ, 10:

¹⁵² Ես. ԾԲ, 13:

¹⁵³ Սաղմ. ԽԶ, 6:

Աստված, ահա Տերը»¹⁵⁴։ Քանզի նրանք բարոգության ճանապարհն են կտրելու և նրան հիշելու, ճանաչելու են, թե՛ «ահա Տերը որին սպասում էինք, ցնծանք և ուրախ լինենք մեր փրկության համար»¹⁵⁵։ Նրանով բարոգության ճանապարհը բացվեց իրենց կյանքի լույսի, բարիքների և հանգստյան համար, որպեսզի մտածեն ու հասկանան, թե նրա հետ արքայություն բարձրանալով լուսեղեն հարկերի կացարանների բնակիչներ պիտի լինեն։ Նրանք պիտի հավանեն լսել հասկանալ, այսինքն տիեզերքը պետք է ճանաչի նրան, ինչպես և սաղմոսարանն է ասում, թե «երկրի բոլոր ծայրերը պիտի հիշեն և դարձ կատարեն Տիրոջը»¹⁵⁶։

407. Եվ «վերանայն ու բարձրանալը» այն է, որ նա իջավ խոնարհության, խոնարհ մարմնով, այդ պատճառով նույն խոնարհության մարմնի կերպարանքով կրթարձրանա։ Նա երևաց իբրև խոնարհ մարդ և առավել հեզ ու խոնարհ, քան բոլոր մարդիկ։ Նա դիմացկունություն և համբերություն ցուցաբերեց իր մարմնի վրա կրած վշտերի հանդեպ։ Այդ պատճառով նույն մարմնով բարձրացավ խոնարհություններից, իր մարդկությանը վերացավ, բարձրացավ, փառավորվեց։ Քանզի նա բարձրացրեց մարդատեսիլ կերպարանը, որ առել էր, և խոնարհության նկարագիրը որպես օրինակ իր վրա տպավորվեց։

[Քրիստոսի մկրտությունը Հովհաննեսից և նոր օրենքի մկրտության խորհրդի հաստատությունը]

408. Արդ, երեսուն տարի ինքնիրեն չըհայտնելուց հետո զարգանալով մարմնի հասակով, ըստ մարմնի բնական աճման նա ենթարկվեց մկրտության։ Նախ և առաջ նա որպես կարապետ ուղարկել էր Հովհաննես [Մկրտչին]՝ մարգարեներից ամենամեծին պատրաստելու ճանապարհը և ուղղելու նրա հայտնության շավիղները։ Նա համաձայնեց տալ ապաշխարության մկրտությունը, ոչ անվախճան կյանքի աստվածադրոշմ լուսավորության մկրտությունը, այլ ապաշխարության սրբության մկրտությունը, ինչպես Մովսեսի դարում, երբ Աստված նրանց երևալ ուզեց, հրամայեց լվացվել և սրբանալ, որպեսզի արժանավոր լինեն աստվածատես փառքի երևալուն։

409. Այսպես եկավ Հովհաննեսը լվալով ժողովրդին ապաշխարությամբ, որ երբ

Աստվածորդին գա, պատրաստագույն արժանավորությամբ նրա վարդապետությանը ունկնդիր լինեն, իրենց սրտում ճանապարհ բացեն, որպեսզի կարողանան ընդունել ամենատիրոջը իրենց հեզ ու խոնարհ օթևաններում։

410. Արդ նա գալով ինքը մկրտվեց Հովհաննեսից, ձեռնարկելով գրել հավիտենական կտակ և իր արյամբ կնքել, որպեսզի ամենքը ապրեն լուսաբեր և կենսատու մկրտությամբ։ Հրամայեց ամեն երկրածին մարդկանց, բոլոր մարմնավորներին աստվածաման փրկության պատկերին նմանվել։ Արդ, եկավ կնքատու Հովհաննեսին մկրտվելու նրանից, որն ահաբեկված մեծեց, թե «ի՜նձ հարկավոր է քեզանից մեղրություն»¹⁵⁷։ Իսկ նա լսեց ու պատասխանեց համարձակ հրամայելով մկրտել իրեն, թե «թույլ տուր այժմ, քանզի այսպես արժան է լինել, որպեսզի կատարենք բոլոր արդարությունը»¹⁵⁸։

411. Ի՜նչ է արդարամիտ լինելը, եթե ոչ այն, որ Հովհաննեսի հայր Ջաքարիան սուրբ հոգով գոչեց, թե՛ «հիշեց, ասում է, երդումը, որ երդվեց մեր հայր Աբրահամին՝ մեզ առանց երկյուղի փրկություն տալ մեր թշնամիներից և բոլոր նրանցից, ովքեր ատում են մեզ, ծառայեց նրան սրբությանը և արդարությանը»¹⁵⁹։ Նույն ձևով սաղմոսերգուն ասում է. «Հիշեց իր ուխտը Աբրահամի հետ և երդումը Սահակին և Հակոբի համար հաստատեց իր օրենքը և Իսրայելի համար դրեց իր հավիտենական ուխտը»¹⁶⁰։ Հայրերի հավատով օրհնեց ամբողջ երկիրը, օրհնեց, կատարեց խոստումները և նույն պատճառով նա ինքը եկավ ջրերի մեջ և միանգամայն սրբացնող ու նորոգող դարձրեց ջրերը։

412. Վասնզի նա առաջին երկիրը իր հրամանով դուրս բերեց ջրերից և ջրով պարարեց բոլոր բույսերը, գեղունները, գազանները, անասուններն ու թռչունները և ջրի դալարությամբ բխեցին երկրից։ Նույն ձևով՝ մկրտությամբ դալարեցրեց ջրերի ծննդականության արգանդը ջրով սրբացնելով և նորոգելով հողեղեն նյութի մաշված հնությունը, որը մեղքի միջոցով մաշված-հնացած էր, մերկացած հոգու շնորհներից։ Այս անտեսանելի Հոգին կրկին բացեց արգանդը երևելի ջրով, նորածնունդ նորափեսություններին զարդարելով ավագանի ծննդականության համար, հագցնելու

¹⁵⁷ Մատթ. Գ, 14:

¹⁵⁸ Մատթ. Գ, 15:

¹⁵⁹ Դուկ. Ա, 78—74:

¹⁶⁰ Սաղմ. ԸԴ, 8—10:

¹⁵⁴ Ես. Խ, 10:

¹⁵⁵ Ես. ԻԵ, 8:

¹⁵⁶ Սաղմ. ԻԱ, 28:

հասար բոլորին լուսավոր պատմումանը, էր մյուս անգամ վերստին ծնվեց:

413. Քանզի արարչության ժամանակի սկզբից իսկ Աստվածության Հոգին շրջում էր ջրերի վրա և այնտեղ արարածների հազմավորությունն էր հորինում ու հրավայում էր արարածներին լինելության հասնել: Նա հրամայեց մահ կազմել երկնքի հաստատությունը՝ հրեղեն հրեշտակների քնակարանը, որը մեզ ջրեղեն է թվում: Նույն ձևով եկավ-կատարեց ուխտը, որ դեռ էր հայրերի հետ: Իջավ ինքը ջրերի մեջ և սրբացրեց երկրի ներքին ջրերը, որոնք մարդկանց մեղքով պղծված էին:

414. Արդ, իր գաբշապարով կոխելով ջրերը սրբացրեց և սրբացնող դարձրեց: Եվ ինչպես նախապես Հոգին շրջում էր ջրերի վրա, նույն ձևով էլ կրճակի ջրերի մեջ և ամենքին կրկնումի, որ նրանով ծնվեց: Հավաքված վերին ջրերը հրեշտակների քնակարանն են: Սակայն նա այդ ջրերը դարձրեց այն ջրերի նման, քանզի ինքն իջավ ջրերի մեջ, որպեսզի ամենքը ջրերի մեջ Հոգւով նորոգված հրեշտակա՛նան և նույն Հոգին մինչև հավիտյան ամենքին ջրերով որդեգրություն րերի: Նա բացեց ստորին ջրերի դռները, որպեսզի երկնքի վերին ջրերի դռները նույնպես բացվեն և ամենքին փառքի մեջ բարձրացնի որդեգրության համար:

415. Վասնզի Աստուծո ճշմարիտ Որդին խոնարհվեց և իջավ մկրտության ջրերի մեջ, որպեսզի հայրերին տրված խոստումներն ու ավետիսները կատարվեն: Նախքան այդ նա թլփատությունը հանձն առավ, որպեսզի երկու կողմից շնորհ և բարիք բնծայի՝ իր թլփատվելով նա կկատարեր խոստումների հաստատումը և իր խրախուսանքով ժառանգության արժանիներին որդեգրության կհրավիրեր: Եվ մկրտվելով նա բոլոր մկրտվածներին կանք է տալիս ինքն անձամբ ընդունելով մկրտություն և պատվական դարձրեց մկրտությունը ինքն իջնելով մկրտվելու:

416. Իսկ նա նախ հասկացվեց ու ճանաչվեց որպես Աստուծո ճշմարիտ Որդի իր Հոր ձայնով և Հոգու նրա վրա իջնելով: Քանզի դրանով նա հասկացել և ճանաչվեց էր կատարելու համար Հոր նախապես ստանք, թե՛ «առաջապիս իմ մանուկը խոնավ պիտի լինի, վերանա, բարձրանա և հույժ փառավորվի»¹⁶²:

417. Երեսուն տարի լուռ և աներևույթ շրջեց նրանց մեջ և ապա եկավ-հասավ մկրտության և մկրտությամբ էլ ճանաչվեց բոլորից: Հովհաննեսը վկայում է և ասում.

«նա է, որի մասին ասում էի, որ կգա իմ ետևից. և նա ինձանից առաջ էր, քանզի նա առաջինն էր, և նրա կատարելությունից մենք ամենքս շնորհ ստացանք»¹⁶³:

[Սուրբ Հոգու իջնելը աղավաճում նմանությանը և Հայր Աստուծո վկայությունը Քրիստոսի մկրտության ժամանակ]

418. Եվ Հոգին իջավ նրա վրա աղավաճում նմանությամբ: Իսկ ինչո՞ւ արդյոք աղավաճում նմանությամբ եկավ Աստուծո սուրբ Հոգին. որպեսզի տեսնողներին ուսուցանի, թե չկա ոչ մի այլ հնար մոտենալու Աստվածորդուն, եթե ոչ անմեղությանը, արդարությանը և սրբությանը, որ նրանք պետք է աղավաճեցնեցին նմանությունն առնեն իրենց մեջ կրելու համար այդ կերպարանքը:

419. Վասնզի նա արտերի քննիչ է, ծածկագետ և ամենայն գաղտնիքների բացահայտող, քանզի ամեն ինչ գիտի, ամեն ինչ, որ ասում է, կարող է կատարել, և նրա համար անկարելի բան չկա: Ինչպես ասաց Գաբրիելը սուրբ կույսին, թե՛ «Աստուծո համար ամեն բան կարելի է»¹⁶⁴: Նա ի հայտ է բերում մարդկանց սրտի խորհորդները և հանդիմանում: «Նա, որ հատուկ ստեղծեց նրանց սրտերը և հասկանում է նրանց բոլոր գործերը»¹⁶⁵, որոնք մերձենալու են նրան:

420. Այդ պատճառով Հոգին աղավաճեց իջավ, որպեսզի տեսնողներին ուսուցանի սուրբ մտքով Աստվածության մեր, ձենալ և հոգու բարեբարության շնորհները բերուննել ու հաճո լինել հորը: Այդ բանի համար Աստուծո Որդին եկավ և կատարեց հայրերի ուխտը, նրանց որդի անվանելով: Աստուծո Որդին այն բանի համար եկավ-մկրտվեց, որպեսզի հաստատի բոլորի մրկրտությունը, ովքեր մկրտվելու են և որ այդ ավանդելով ամենքի համար փրկություն հաշտի և հասկացվի ու ճանաչվի և այդպիսով բացահայտի ամենակեցույց ճշմարտության վարդապետությունը ու հայտնի դարձնի աշխարհին, ինչպես ասում է մարգարեն Տյառնորդու կողմից, թե՛ «մոտեցեք ինձ և այս լսեցեք, ստաշվանից ծածուկ չխոսեցի և ոչ էլ երկրի մի խավար տեղում, քանզի երբ նա կար, ես այնտեղ էի և արդ Տեք, Տեք և նրա հոգին առաքեցին ինձ»¹⁶⁶: Տեսնում ես էականի միավորությունը, «երբ նա կար, ես այնտեղ էի» ասում է հայտնելով միաբուն կրոր-

¹⁶² Յովհ. Ա., 15:

¹⁶³ Դավ. Ա., 37:

¹⁶⁴ Սաղմ. ԼԲ., 15:

¹⁶⁵ Ես. ԽԸ., 16:

¹⁶⁶ Ես. ՄԲ., 13:

դրության գործությունը, որը համագործ է հաստատելու մեջ և միաբան՝ նորոգելու մեջ:

421. Արդ, երկինքը բացվեց և հայրն աղաղակեց, թե՛ «դա է իմ սիրելի որդին»¹⁶⁶ և Հոգին իջավ աղավաղ մամուռությամբ, որպեսզի հայտնի լինի Որդու գալստյան գործության միաբան խորհուրդը:

422. Իսկ ինչ է նշանակում, որ ասում է, թե՛ «սկզբից խոսեց», եթե ոչ սուրբ մարգարեների գուշակությունները, որոնց մեջ ինքն իր մասին խոսեց և Հոր և Հոգու միաբանական խորհրդով եկավ-երևաց վերջին ժամանակներում: «Որն սկզբից խոսքն էր և խոսքը Աստուծո մոտ էր և Աստված էր խոսքը: Նա սկզբից Աստուծո մոտ էր, ամեն ինչ նրանով եղավ և եղածներից ոչինչ առանց նրան չեղավ: Նրանով էր կյանքը և կյանքը մարդկանց լույսն է: Լույսը խավարում լուսավորում էր և խավարը նրան չհաղթեց: Մի այր առաքյալ ուղարկվեց Աստուծո, որի անունն էր Հովհաննես: Սա եկավ վկայության, որպեսզի վկայի լույսի մասին և ամենքը նրա միջոցով հավատան»¹⁶⁷:

423. Արդ, ամեն ինչ լրանալուց և կատարվելուց հետո Աստուծո Որդու լույսը եկավ մեր մեջ լուսավորելու բոլոր մարդկանց, որոնք աշխարհ են գալու, և խավարը չկարողացավ հակառակվել, հաղթել: Այս լույսով ստեղծվեց աշխարհը, որը սակայն չճանաչեց Նրան: Արդ, այս պատճառով եկավ, որպեսզի նրանք ըմբռնեն նրա լույսը և Աստուծո որդիներ դառնան: Եկավ հաստատելու օրերը և մարգարեները: Օրինակներ ցույց տվեց և հաստատեց ճշմարտությունը:

424. Իսկ ի՞նչ է նշանակում «խոսքը» միթե լույս մի ձայն է, լեզվի բախում օդի մեջ, որը նախքան ասողի արտասանելը հայտնի չէ և հետո անհետանում է: Այն պատճառով «խոսք» կոչվեց, քանզի ինչպես խոսքն է ասողի բերանում, նույնպես և Հոր կամքի բոլոր հրամանները Որդու բերանից են ելնում: Նա գիտի Հորը և կատարում է նրա կամքը, որպես և ինքն ասում է՝ «ոչ ոք գիտի Հորը բացի Որդուց և Որդուն ոչ ոք գիտի բացի Հորից»¹⁶⁸: Դարձյալ ասում է, թե՛ «եկա կատարել ինձ առաքողի կամքը»¹⁶⁹: Դարձյալ ասում է Հովհաննեսը. «Աստուծոն ոչ ոք չի տեսել բացի

միայն Միածին Որդուց, որ Հոր ծնունդ է և պատմել է նրա մասին»¹⁷⁰:

425. Իսկ ինքն ասում է հորը, թե՛ «հասավ ժամը, հայր, փառավորիր քո Որդուն»¹⁷¹ և երկնքից ձայն լսվեց, որն ասում է. «Փառավորեցի և կրկին կփառավորեմ»¹⁷²: Սա ոչ թե ապաստան խնդրելու կամ հոր հատուկ փառքից գոյրկ լինելու համար է ասված, այլ նրա համար, որ արարածները լսեն և հաստատ լինեն Որդու մեջ: Նույն ձևով և Որդին մեր մեջ գտնվելով աշխարհին ցույց է տալիս Հորը և սուրբ Հոգուն, ինչպես հայրը աղաղակում է Միածին մասին, թե՛ «դա է իմ միածին Որդին, իմ անձի հաճեցուցիչը. իմ հոգին դնելու եմ նրա վրա»¹⁷³: Սա հայտնվեց նրա վրա իջնելով և կանգ առնելով, որպես և ինքն ասում է սուրբ Հոգու մասին, թե՛ «նա ինձ փառավորում է»¹⁷⁴:

426. Եկավ ու կատարեց իր առաքիչի կամքը: Նա աղաղակելով ասում է, թե՛ «ով հավատա ինձ, կհավատա նրան, որ առաքեց ինձ, ով տեսնի ինձ, կտեսնի նրան, որ առաքեց ինձ»¹⁷⁵: Այսպես ամենքին հայտնի վարդապետությամբ ցույց է տալիս հայրական փառքը իր անձի միջոցով:

427. Եվ հայրն առաջընթաց [Հովհաննես] կարապետին դեսպան ուղարկեց, որն առաջինը գալով աղաղակեց, թե՛ «սա է Աստուծո Որդին, սա է Աստուծո գաղը, սա է, որ գալու է աշխարհի մեղքերը տանելու»¹⁷⁶: Եվ ելավ բարձր լեռան վրա, դեսպի Աստվածության գործության մեծությունը, ինչպես կանխատեսող մարգարեն ասում է Տիրոջ մասին՝ «սուրբ լեռան վրա, բարձր լեռան վրա, այնտեղ երկրի բոլոր ազգերը ինձ են ծառայելու»¹⁷⁷: Եվ դարձյալ մյուս տեսնող [մարգարեն] գոչում է, թե՛ «եկիր բարձր լեռան վրա, ով Միոհի ավետարանիչ, բարձրացրու քո ձայնը, ով Երուսաղեմի ավետարանիչ: Բարձրացեք, բարձրացրեք ձեր ձայնը և մի վախեցեք, Հուդայի քաղաքներին ասացեք: Ահավասիկ մեր Աստվածը, ահավասիկ Տերը, Տերը գալիս է իր գործությամբ և նրա բազուկը հզոր է իր տերությամբ, ահավասիկ իր հատուցման վարձքը իր հետ է և իր յուրաքանչյուր գործը իր առջև է: Իբրև հովիվ հով-

¹⁷⁰ Յովհ. Ա., 18:

¹⁷¹ Յովհ. ԺԷ, 1, ԺԲ, 28:

¹⁷² Յովհ. ԺԲ, 28:

¹⁷³ Մատթ. ԺԲ, 18:

¹⁷⁴ Յովհ. ԺԶ, 14:

¹⁷⁵ Յովհ. ԺԲ, 44:

¹⁷⁶ Յովհ. Ա., 30:

¹⁷⁷ Եզեկ. Ի, 40:

¹⁶⁶ Մատթ. Գ, 17, Մարկ. Թ, 8:

¹⁶⁷ Յովհ. Ա., 1-7:

¹⁶⁸ Դուկ. Ժ, 22:

¹⁶⁹ Յովհ. Դ, 34:

վելու է իր խաշինքը և իր քաղաքների մեջ հավաքելու է իր զառներին, իր գիրկն է բնորոշելու նրանց և միմյանից է լինելու ծանր հղիներին: Ո՛վ է չափել իր ափով բոլոր ջրերը կամ ով է չափել երկինքը իր թիզով և երկիրը իր քիչով: Ով որեց լեռները կշեռքի վրա և դաշտերը հաշվեց կշիռով: Ով գիտեցավ Տիրոջ միաբնակում ով եղավ նրան խորհրդակից»¹⁷⁹:

428. Իսկ ի՞նչ է այն, որ ասում է. թե՛ «եկիր բարձր լեռան վրա, ով Սիոնի ավետարանիչ»¹⁸⁰, այլ ինչպես այն, որ ասում է. թե՛ «Տերը տվեց հրաման», քանզի տերունի հրամանները ամեն ինչից վեր են և բարձրագույն հրամանները վերևից են: Իսկ ի՞նչ է ավելի բարձր և հաստատուն, քան Աստվածության հրամանը: Աստվածության քարոզիչները ելան նույն հրամանների բարձր լեռը՝ բոլորի առջև անվեհեր քարոզելու առանց վախի կամ երկյուղի:

[Հովհաննեսը տալիս է քահանայությունը, օծությունը, մարգարեությունը և թագավորությունը մեր Տեր Հիսուս Քրիստոսին]

429. Արդ, եկավ և մեծն Հովհաննեսը, Զարգարիս քահանայապետի որդին: Ապա եկավ տաճարակիցը, որը օտար մեկը չէր: Այստեղ էր Սիոնի ժառանգորդը և բնակիչը, որը նույն վակասակիր քահանայությունից է, խույր կրողը ի պատիվ պատմությանի սրբության և պատվիրանների ավանդակիրը: Նա օտարամուտ մեկը չէր, այլ վախելու գոտի կապողը, Մովսեսի շառավիղը, Ահարոնի զավակը և Սիոնի ավետարանիչը, օծության արժանին, որն առել էր նախնիների քահանայության պատիվը: Եվ կատարելով մարգարեների գուշակությունը, եկավ անապատ, ըստ լեռնականների՝ տրված աստվածային հրամանների, Երուսաղեմի ավետարանիչը բարձրացավ և բարձրացրեց ձայնը, քանզի սա աղաղակի ձայնն էր անապատում և ասում էր՝ «ահա մեր Աստվածը և Տերը»¹⁸¹ և նույնը Եսայիի թագավոր է:

430. Արդ, խրախուսված ազգի ավանդության մարգարեության ամբողջ շնորհի, որ կրում էր ավետիսների օրհնության և օծման ավանդապատի, ինչպես նաև քահանայությունը թագավորությամբ հանդերձ [նրան] էր հանձնված Ղևիի տոհմի միջոցով:

431. Քանզի այն ժամանակ, երբ Տերը Լանչեց Մովսեսին հրի և ամպի միջից, Ահնա (Նիմեական) լեռան գլխին Տիրոջ փառքի տեսիլքը որպես հուր վառվում էր, և երբ Մովսես Աստուծո ձեռքից առավ օրհնականի պատվիրանը ու տեսավ, որ Աստված բարյացակամ է նրան տված իր պատասխանների նկատմամբ, քանզի ասում է՝ «Գթած եմ և ողորմած», ապա նա առավ իշխանության ավանդությունը՝ քահանայությունը, թագավորությունը և մարգարեությունը Աստուծո ձեռքից: Նա նրան մի օրհնակ տվեց Քրիստոսի օծման, որպեսզի նախ առակներն իրականանան և ապա գա ճշմարտությունը՝ Նա որ է: Ապա նա հրամայեց առնել օծման եղջյուրը և խուսկի բուրվարը:

432. Եղջյուրը օրհնակն է Քրիստոսի օծման և խնկանցը՝ օրհնակը սուրբ կույս Մարիամի: Քանզի ինչպես նա լի էր սրբության հոտով, նույնպես և կույսը՝ սուրբ Հոգով և Բարձրագույն զորությամբ: Իսկ ձեռքի եղջյուրը նմանությունն ուներ Քրիստոսի օծման, քանզի ովքեր մեկ անգամ նրա նման օծվել էին, նրանից էին օծվել: Ուստի և Ահարոնն էլ օծվեց Տիրոջ քահանայության, առավ քահանայության թագը, որ նույն ձևով ինքն էլ օծի, խույրի փաթեց (արտախորակ) դնի, որպեսզի Տիրոջ սրբությունը պաշտեն, սեղանին հանապազօրևաց կարգեն, որը Աստվածության մարմնի օրհնակն է:

433. Այդտեղ Մովսես իր օծման արժաք եղջյուրը պատրաստեց, որից օծվում էին քահանաները, մարգարեները և թագավորները: Ապա կարգով մեկ առ մեկ, ըստ իշխանության պատվիրանի հրամանի, հերթով գալիս էր ըստ ավագության: Խորհուրդը պահպանված էր Արարիմի սերնդի մեջ, քանզի նրանք ավանդությունը պահելով իրար փոխանցեցին մինչև Հովհաննեսը՝ քահանան, մարգարեն և մկրտիչը: Նրան հասնելով իրեն ժառանգի նրա մոտ մնաց: Նրան էր հասել առաջին նախնիներից, թագավորներից, մարգարեներից և օծյալ քահանաներից, որպես ավանդապատի: Իսկ նա տվեց քահանայությունը, օծությունը, մարգարեությունը և թագավորությունը մեր Տեր Հիսուս Քրիստոսին:

434. Եվ կատարվեց Հակոբի մարգարեությունը ասելով իր ազգի որդիներին, թե՛ «մի պակասեցրեք իշխանության տիրապետումը, մինչև որ գա նա, որին է թագավորությունը, քանզի նա է հեթանոսների հույսը»¹⁸²:


(Ծառուհակելի)

¹⁷⁹ Ես. Խ, 9-14:

¹⁸⁰ Յովհանն Բ, 1:

¹⁸¹ Ես. Խ, 10:

¹⁸² Ես. Խ, 10:



ՄԱՆՅԱ ՂԱԶԱՐՅԱՆ

ՍՏԵՓԱՆ ՈՍԼԵՀԱՑԻ

Ս. Էջմիածնի Մայր տաճարի եկեղեցական արվեստի թանգարանի առաջին սրահում ուշադրություն է գրավում կարմիր թավշի վրա մարգարտակար ընդելուզված մի թագ: Ուռուցիկ մասի վրա ոսկեթել ասեղնագործված առաքյալների անհատականացված դեմքերը, կարմիր ֆոնի և դեղնա-սպիտակագույն մարգարիտների երանգների զուգորդումը, թագի ողջ կոմպոզիցիայի ճաշակով կառուցումը 17-րդ դարի հայ արհեստավորների վարպետության վկայություններն են: Թագը կրել է 17-րդ դարի նշանավոր գիտնական ու նկարիչ Մայր Աթոռի միաբան Ստեփանոս վարդապետ Լեհացին:

Վեհարանում պահպանվում է ս. Գրիգոր Լուսավորչի աջի պահարանը՝ արծաթից, Լուսավորչի կյանքի որոշ տեսարանների նուրբ դրվագումով:

Պահարանն ունի հետևյալ արձանագրությունը.

Յաւորս մեծի Հայրապետի
Զուղայեցի Տեառն Յակոբի,
Թիւն Հայոց ըստ տումարի,
ՌՄԶ ամի.

Ի յիշատակ Ստեփաննոս
Իլովացի վարդապետի
Նոր պահարան Աջոյ ձեռնի
Սուրբ Գրիգորի Լուսավորչի

Կազմեալ եղև Էջմիածնի,
Առ ՚ի պանծաւն Հայկայ գարմի՝:

Թանգարանային հետաքրքրությունն ներկայացնող կիրառական արվեստի այս երկու աշխատանքները կապվում են Ստեփանոս Լեհացու (Իլովացու) անվան հետ:

Հայ արվեստի պատմության մեջ առանձնակի տեղ է գրավում 17-րդ դարի Լվովի գաղթօջախը:

16-րդ դարի վերջերից, քաղաքական-հասարակական ու տնտեսական նոր հարաբերությունների, ինչպես նաև աշխարհագրական դիրքի շնորհիվ, Լվովը դառնում է բազմազգ (լեհեր, ուկրաինացիներ, հայեր և այլք) մտավոր կենտրոն: Գաղթօջախի բարեկեցիկ կյանքում նշանակալից է հայ վաճառականների դերը, որոնց կապերը հասնում էին Հնդկաստան, Հոլանդիա, Ստամբուլ, Վենետիկ: Հայ վաճառականները արևելյան երկրներից Լվով էին

¹ Գրիգոր Լուսավորչի աջի պահարանի դաստակին ամրացված էր ակնագարդ ապարանջան: Երկրորդ ապարանջանը նույնպես ոսկուց էր՝ ընդելուզված վարդաձև երեք հակիրճներով: 1770 թ. նվիրաբերել էր Թիֆլիսեցի Ծաշիճի մայր Մարիամը: Տես՝ Յովհ. Եպիսկ. Ծախիսթունեանց, Ստորագրություն կաթողիկե Էջմիածնի և հինգ գաւառացի Արարատայ, հատոր Ա, Վաղարշապատ, 1942, էջ 69:

ներմուծում գորգեր, գոտիներ, թամբաձածկեր, ռազմական հանդերձանք և այլն: Հայ վաճառականները տիրապետում էին մի քանի լեզուների: Նրանց ապրանքների շուկայում զգալի տեղ էր գրավում տեղի



Մտեփանոս Լեւանյի. Ա. Թադևոս անապյալ

հայ արհեստավորների աշխատանքը, գոտիներ, կոճակներ, պատյաններ, ոսկերչական ու ասեղնագործ իրեր: Նշանավոր է հատկապես հայերի ալվանդը Ռեշ-Պոսպոլտեի կիրառական արվեստում. ոսկերչությունը (համաքաղաքյան ավագանիներից էին Գրիգոր Լուսիկովիչը (1678 թ.) և Ներսես Մոյսեսովիչը (1685 թ.)), ոսկու դրվագման տեխնիկան, այժի կամ ոչխարի մորթու մշակումը (սեկ և կորդերան) հայերը Լվով ներմուծեցին ճշանավոր Սլուցկու գոտիները (Առն և Հակոբ Մաշարսկիների ֆաբրիկան) և այլն:

Լվովում հայերը գրավում էին նաև զանազան պաշտոններ. ճշանակվում էին դեպաններ, սրալատական քարտուղարներ: Նրանք մասնակցել են նաև 1679 թ. ճշանավոր արհեստավորների ապստամբությանը:

Քաղաքի ս. Աննայի հայկական եկեղեցուն կից գործում էր քաղմակողմանի գիտություններ ուսումնասիրող դպրոցը, որտեղ միաբնակարար Կ. Գալյանին և Մ. Պիլուն քննադրում են «Սր. Հոփսիմնի ող-

բերգությունը» և «Սր. Պուլխերիայի մասին» դրաման (1668—1669): 1616 թ. Լվովում հիմնադրվում է հայ հնագույն տպարաններից մեկը: 1619 թ. Ղազար Բաբերգյու կողմից նկարագարվում է ժամանակի արվեստի հետաքրքիր կնիքը կողմ Աստվածաշունչը (Մատենադարան, ձեռ. № 351), որտեղ ոճական առանձնահատկությունների ինքնատիպությունը գուցորվել է սրուճետային ազատության (Հոյհանի հայտնությունում օգտագործված են Ա. Դյուրերի «Ապոկալիպսիս» համար արված փորագրությունները): Լվովի հայկական մշակույթի կազմավորմանը իրենց մասնակցությունն են քերել քանաստեղծներ Շիմոն Շիմոնովիչը, Ղազար Թոխատեցին, Մինաս Թոխատեցին: Լվովահայերի գրադարաններում կային Նարեկացու, Ներսես Շնորհաւու ձեռագրերը, Արիստոտելի, Կիկերոնի, Լուկիանոսի, Փլարինոսի, Տացիտոսի, Ռոտերդամցու աշխատությունները: Ազգաբնակչությունը հետաքրքրվում էր գրականությամբ, լեզուներով, երաժշտությամբ, կերպարվեստով (17-րդ դարի կեսերին սպորող հայ վաճառական Սյունի-Լովսկին 78 լեզու գիտեր):

Եվ պատահական չէ, որ 17-րդ դարի Լվովի հայկական գաղթօջախը տվեց նաև այնօրինակ գիտնական ու նկարիչ, ինչպիսին Մտեփանոս Լեւանյան էր:

Ծնվել էր Լվովում (Լեմբերգ, Իլով), համաձայն 17-րդ դ. առաջին տասնամյակում: Այնտարաններից մեկի (բնօրինակված 1661 թ., Լեփսիսում), որը Մտեփանոս Լեւանյանը նվիրաբերել է Լվովի ս. Ստավաձածին եկեղեցուն, հիշատակարանում գրել է. «...ի իշատակ ինձ և ծնողաց իմոց, ճօրն՝ Պր Վարդանին և ճօրն՝ Կատարինեայ»: Այդ մասին երկու հիշատակարան է ճշում հ. Ղ. Ալիշանը, որոնցից մեկում գրում է. «Մտեփանոս Լեւանյի յազատ տանէ Վարդանենց Լեօպոլսեցի», իսկ երկրորդում՝ «Մտեփանոս Լեօպոլսեցի վարդապետն Լեւանյի, յազատ տանէ Պերնադովեանց»²: Նշանակում է, Մտեփանոս Լեւանյան Լվովի ճշանավոր Բերնադովիչների քաղմարմունիք ազգից էր: Բերնադովիչների անվանը հանդիպում ենք 16-րդ դարից, որպես տեղի հայերի կառավարիչ, թագավորի անձնական քարտուղար, խորհրդակց, դատարանի ավագանի (Քրիշտոֆ Ալեյիկի Բերնադովիչը, Հակոբ Թեոդորի Բերնադովիչը և այլք):

² Հ. Առնոդ Ալիշան, Կամենցից. տարեգիրք հայոց Անատոլիայի և Ռումինիոյ յառառչեայ յակուածովք: Վենետիկ, 1896, էջ 140, 143—144:

³ Նույն տեղում, էջ 193:

Լեհացու ժամանակակից Առաքել Դավրիժեցին նրա մասին գրում է. «Ճնորք Ստեփաննոսիս՝ վասն բարեպաշտութեան՝ և ուղղափառութեան, հանեալ զսա յիշվայ՝ առաքեցին ի Սուրբ Աթոռն Էջմիածին»⁴: Լեհացին Էջմիածին է եկել 1646 թ.⁵, Լվովում որոշակի կրթություն ձեռք բերած, քանի որ, ըստ Դավրիժեցու «ի տիս տղայութեան իւրոյ վարժեցաւ ի դպրատունս Իլովացոց և լեզուան Լատինացոց, և ուսալ զարուեստ քերականութեան և զարտաքին գիրս փիլիսոփայից»⁶, իսկ Ռ. Մ. Չամչյանը վկայում է. «վարժեալ և կրթեալ ի լեզու լատինացոց, ևս և յուսումն պէսպէս իմաստից»⁷:

Էջմիածնում, նոր միջավայրում, շնորհաշատ երիտասարդը կարողանում է ինքնուրույն բազմակողմանի զարգացում ստանալ և իրեն դրսևորել մի շարք բնագավառներում:

«Եւ յորժամ եհաս Ստեփաննոս յԷջմիածին, ուսալ զլեզու և զգիր Հայոց, և ի քերական էառ զսաղմոս և զշարական և զայլ եկեղեցական ուսմունս:

Այնուհետև սկսաւ ընթերցնուլ զԱստուածաշունչ գիրս և զերկոտասան վարդապետաց, և զփիլիսոփայից. և վասն զի յառաջմէ գիտէր զլեզու և զգիրս Լատինացոց, յետոյ ուսալ և զմերս, և զերկոտեանն առ միմեանս համեմատելով խոկայր ի նոյնն և մտավարժէր, վասն որոյ առաւելաւ քան զայլս ընկերս իւր. այլ և էր մտօքն սուր և ծննդական, առնող և պահող և միշտ ընթերցող և վարուքն մաքրակենցաղ և պարկեշտ»—գրում է Ա. Դավրիժեցին⁸:

Պահպանված տեղեկություններից պարզ է դառնում նաև, որ նա «օր ըստ օրէ վարժէր և կրթէր զանձն ուսմամբ, և պարկեշտ մարութք»⁹: 1652 թ. նա դեռևս քահանա է («Այլ և գրողի սկզբնապի քանից գլխոց կարմրադեղով՝ Տեառն Ստեփանոսի հոգի-րմկալ քահանայի և իմաստից պառուսպողի՝ համագաւառաւ գրոցս գծողի»¹⁰), իսկ

1653—1656 թթ. ընթացքում, բարձր գնահատելով նրա գիտելիքներն ու «զմաքրութիւն վարուց», Փիլիպոս կաթողիկոսը նրան ձեռնադրում է վարդապետ¹¹: Ստեփանոս Լեհացին 1673 թ. «վերականգն և



Ստեփանոս Լեհացի. Ս. Ծմալոն առաքյալ

զանձնապահ էր»¹², «Եւ էր տեղապահ ի յուրք Էջմիածնի»¹³, «աթոռակալ եղև Յակոբջան կաթողիկոսի Դ. և տեղապահ յետ մահուան նորա»¹⁴: Կատարում էր վանքի հետ կապված զանազան հանձնարարություններ, քանի որ, ինչպես վկայում է Ջաքարիա Ագուլեցին, 1669 թ. մայիսի 12-ին աթոռակալ Միքայել վարդապետի հետ Ագուլիսում 5 օր մնում է նաև «լեւիցի ըՍտեփանոս վարդապետն»¹⁵: 1662 թ.

⁴ Պատմութիւն Առաքել վարդապետի Դարիժեցւոյ: Վաղարշապատ, 1896, էջ 407:

⁵ Լվովի պետական կենտրոնական պատմական արխիվ, Հայկական ռեստորների գիրք, հատոր 778, էջ 106—107:

⁶ Պատմութիւն Առաքել վարդապետի Դարիժեցւոյ, Վաղարշապատ, 1896, էջ 407:

⁷ Միքայել վրդ. Չամչեան, Պատմութիւն հայոց, հատոր Գ, Վենետիկ, 1786, էջ 620:

⁸ Պատմութիւն Առաքել վարդապետի Դարիժեցւոյ, Վաղարշապատ, 1896, էջ 408:

⁹ Նոյն տեղում:

¹⁰ Ս. Էջմիածնի գրադարան, «Արարատ», 1888, հուլիս, էջ 418:

¹¹ Պատմութիւն Առաքել վարդապետի Դարիժեցւոյ, Վաղարշապատ, 1896, էջ 408:

¹² Գալուստ Տեր-Մկրտչյան, Հայկական, «Արարատ», 1899, օգոստոս, էջ 855:

¹³ Ջաքարիա սարկաւազի Քանաքեղոցի պատմագրութիւն, հատոր երրորդ, Վաղարշապատ, 1870, էջ 87:

¹⁴ Հ. Ղ. Մ., մտ ընթերցեալ ի հայկական ճեմարանիս. Տեսութիւն ի զանձն Լեզուի Հայոց կամ ի Ստեփանեան քառարան, «Բազմավէպ», Վենետիկ, 1852, մարտ, էջ 88:

¹⁵ Ջաքարիա Ագուլեցու օրագրութիւնը, Երևան, 1938, էջ 85:

նունիսի 6-ին Լջմիածին է գալիս լատին միսիոնար եպիսկոպոս Պալուն, որն իր ներթափանցողություններում պահպանել է շատ արժեքավոր հիշատակություն. «Մական անունով հայաստանցի եպիսկոպոս, որ շատ հավատացյալ կաթոլիկ է, Ստեփանոս անուն հերձվածող լեհ կրոնավորի մը հետ, դուր եկավ մեզ ընդունելու համար. հայր Ստեփանոս լատիններեն լեզվով քարի գալուստ մաղթեց մեզի: Կաթոլիկոսի հետ տեսակցության ժամանակ թարգմանի պաշտոն էր կատարում դարձյալ Ստեփանոս»¹⁶:

Այսօրինակ պաշտոնական ծանրաբեռնվածության հետ, Ստեփանոս Լեհացին զբաղվում էր նաև թարգմանությամբ, մեկնություններով, արվեստի հարցերով և նկարչությամբ: Ի մի բերելով զանազան աղբյուրներում եղած հիշատակությունները¹⁷, հենարավոր է դառնում դասակարգել Ստեփանոս Լեհացու գրական գործերի ցուցակը, որոնց զգալի մասը տպագրվել է ինչպես հեղինակի կենդանության օրոք, նույնպես և նրա մահից հետո:

Գիրք պատմության 30 վեպերի Ներառվելու արարելալ յաղագս Պատերազմի Հրեից ընդ Հոռովմայեցիս և ասերման Երուսաղեմի, 1660, Լջմիածին: Մատենադարան, ձեռ. № 1909: Տպագրվել է. Լջմիածին, 1787:

Հայեի վարուց, որ կոչի Ֆրանկաց Հարանց վարք, 1660, Լջմիածին: Մատենադարան, ձեռ. № 7004: Տպագրվել է. Կ. Պոլիս, 1702:

Գիտնէսիս Արիստագացու Մատենագրութիւնը: Գրիշը՝ նույն ինքը թարգմանիչը, Լջմիածին, 1662: Մատենադարան, ձեռ. № 5171:

Համառոտ հաաբումն յաղագս հոգույ, յաղագս հրեշտակաց, 1670—1671, Լջմիածին: Մատենադարան, ձեռ. № 3499:

Բուրաստան աղօթից, Լջմիածին, 1673 թ. ստաջ: Մատենադարան, ձեռ. № 553: Տպագրվել է. Վենետիկ, 1685:

Իմաստութիւն Յեսուայ Որդու Սիրաբաշ, Ագուլիս, 1668: Մատենադարան, ձեռ. № 705:

Ի գրոց պատճառաց Արիստոտելի կամ ո-

մանց թուի Պրոկղի, Լջմիածին, 1660—1662: Տպագրված է Կ. Պոլիս, 1750:

«Գիրք օրինաց» Հազարացոց կամ Իսմայելացոց որ կոչի Ղուրան: Տպագրված է. Թիֆլիս, 1863:

Գիրք բնագանցական Արիստոտելի և լուծմունք նորին ի Լեհացի Ստեփանոսի բանասիրել, Մատենադարան, ձեռ. № 3844:

Բանք իմաստասիրական և աստուածաբանական համառոտաբար իբր սամանօրէն արտադրելաք եւ հաւաքելաք ըստ աքրօքենից՝ աշխատութեամբ Լեհացի Ստեփանոսի բանասիրի, 1680, Մատենադարան, ձեռ. № 5074:

Ինչպես տեսնում ենք, Ստեփանոս Լեհացին թարգմանություններ է կատարում լատիններենից (ըստ ոմանց՝ նաև լեհերենից), կատարում է «գաղափարակիցների խնդրանքով», վերաթարգմանում է նախկինում կատարված որոշ գործեր: Դավանաբանական հետաքրքրությունները Ստեփանոս Լեհացու մոտ զուգակցված են փիլիսոփայական աշխարհընկալումների, որը և դրվում է նրա նշանավոր «Բանք»-ի հիմքում:

«Բանքը», ինչպես նշում է հեղինակը, և՛ սեփական մեկնություններ են, և՛ փոխառյալ՝ հավաքված այլ աշխատություններից: Սակայն ողջ շարադրանքում զգացվում է հեղինակի ակտիվ վերաբերմունքը, նրա փիլիսոփայական կողմնորոշումը: Նրա մոտ իբր, շարժումը, տարածությունը, ժամանակը հասկացություններ են, որոնք ըստ էության կարևոր տեղ են գրավում ոչ միայն նրա փիլիսոփայական, այլև գեղագիտական աշխարհընկալումներում: «Արուեստը»՝ մարմնական ծառայության արվեստ և հոգուն ծառայող («ազատ») արվեստ: «Արուեստ որ կարգաւորի առ գործ բանականին, ապի ազատական, իսկ որ կարգաւորի առ գործ մարմնույ, կոչի ծառայական»¹⁸: Եթե Արիստոտելի «Մետաֆիզիկայի» թարգմանության ժամանակ և նրա մեկնաբանություններում նա հանդես է գալիս որպես փիլիսոփա-թարգմանիչ, ապա նույն դիրքորոշումը նա պահպանում է նաև «Բանք»-ում, իրեն դրսևորելով արդեն որպես գեղագետ-փիլիսոփա, հատկապես «Արուեստ» և «Պատկեր» բառերում: Ելակետն այս է. թողոր գոյություն ունեցողը ստաջացել է Աստծուց, որը ստեղծել է ստարկալական աշխարհն ու՝ մարդուն: Մարդու մտածողության կարողությունը կապակցվում է ստարկալական աշխարհին: Բնությունը երկրորդական է

¹⁶ Գաբրել արքեպ. Հովսեփյան, Նյութեր և էստիմասիություններ հայ արվեստի և մշակույթի պատմության, արվեստի, Անթիպիս-Լիբանան, 1951:

¹⁷ Հայր Ներսես Աղիճյան, Ստեփանոս վարդապետ Լեհացի, «Հանդես ամսօրյա», Վիեննա, 1912, № 1—2: Յուզակ ձեռագրաց Մաշտոցի անվան Մատենադարանի, հ. Ա, Երևան, 1965, հ. Բ., Երևան, 1970, ինչպես նաև Մատենադարանի ձեռագրային ֆոնդ:

¹⁸ «Բանք», Մատենադարան, ձեռ. № 5074, էջ 394-ի տակ և 395:

Ասածո համեմատ և առաջնային՝ մարդու մտածողության մեջ¹⁹։ Միաժամանակ, Լեհացու մոտ «Արուեստը» և՛ կերպարվեստ է, և՛ արհեստ։ Դա հասկանալի է ու արդարացված այն իրավիճակով, որ գոյություն ունի 17-րդ դարի հայ մշակույթում։ Բոլորն զարգացում էին ապրում կիրառական արվեստի զանազան ճյուղերը՝ գորգագործությունը, ասեղնագործությունը, ոսկերչությունը, ակնագործությունը, դաջագործությունը, քարի ու փայտի գեղարվեստական փորագրությունները, որոնք դիտվում էին արհեստավորության շրջանակներում։ Դեռևս արհեստ էր համարվում նաև նկարչի աշխատանքը, չնայած կերպարվեստն ապրում էր վերափոխման շրջան։ Արվեստը ստանում է աշխարհիկ բովանդակություն, առաջանում են նոր ժանրեր (դիմանկար, թեմատիկ պատկեր, բնանկարի ու մատյուրմորտի թույլ օրինակներ), հիմնադրվում է հաստոցային նկարչությունը (նկարը կտրվում է պատից, լայն տառածում է ստանում փայտի, մետաղի կամ կտավի վրա՝ նկարվածը), նկարիչն իրեն անվանում է «պատկերահան», առաջանում է նոր մասնագիտություն՝ տպագիր գիրքը նկարազարդող նկարիչ, արվեստագետը բարձր գնահատություն է ստանում հասարակական կյանքում և այլն։ Միաժամանակ, նկարչության բնագավառում պահպանվում է արհեստավորական, համքարական ինստիտուտը՝ շատ հաճախ նույն ընտանիքի անդամների համախմբման սահմաններում։ Օրինակ, Հովնաթանյանները (Կովկաս), Բոգոլյանները (Լվով), Մուսավիրները (Սիրիա), Մանասենները (Կ. Պոլիս), Հաննա Երուսաղեմցին ու իր որդի Հովսեփը (Եգիպտոս) և այլք։ Ավելին՝ նկարիչները ձգտում են մասնագիտական կրթություն ստանալ։ Օրինակ, Մինաս նկարիչը Նոր Զուղայից մեկնում է Հալեպ (Բերա), սովորում է հավանաբար հայագի Մուսավիր Յուսուֆի մոտ, որը դեռևս արհեստավորության շրջանակներում կատարելագործվելու օրինակ է։

Ստեփանոս Լեհացին երևույթների վրա նայում է ռեալ իրականության առաջնությունը հաստատող դիրքերից, այսինքն՝ արվեստի յուրաքանչյուր գործ պետք է որոշակի գաղափար կրի, իր մեջ պետք է խտացնի որևէ երևույթի գաղափարը։ Այստեղից էլ՝ արվեստն ունի ճանաչողական նշանակություն և երևան է բերում իրերի էությունն ու նրանց իրական ճշմարտությունը («Արուեստն ուղիղ բան առնելու, և

ունակությունն ներգործական»)։ Դրա հետ միասին, Լեհացին գտնում է, որ արվեստը բարի գործ է կատարում, քանի որ կյանքի ճշմարտության ցուցադրումը ազդում է մարդու զգացողության վրա²⁰։ («Արուեստ միշտ է առ բարի որպես հոգեւորութիւն։ Իսկ որ ինչ ինքեմէ կարգաւորի առ չար, ոչ է արուեստ»)։ Դա էլ իր հերթին կրթում, ազնվացնում է մարդուն։ Պատկերի հիմքը տեսողական է, նշանակում է բնության նմանությունը, ճշմարտությունը, նրա իմացությունը, ինչպես նաև հիշողությունը, տրամաբանությունը և կամքը կազմում են խտեղծագործական պրոցեսը («Նմանութիւն առ բնութիւն... ճանաչումն ճշմարտութիւն... գորութիւն... յիշողականութիւն և իմացողականութիւն և առ կամս»)։ Գեղեցիկն էլ կապված է տեսողության և լսողության հետ²¹, իսկ գեղեցիկ իրերը հաճույք են պատճառում զգացողությանը²²։ «Բանք»-ի կազմողը արվեստին հաղորդակից մարդ է, նրա փիլիսոփայությունը 17-րդ դարի հասարակական մտքի կազմավորման մեջ գիտակցող անձնավորություն։

Ստեփանոս Լեհացու նկարչությանը զբաղվելու մասին ուշագրավ տողեր են պահպանվել դեռևս 1652 թ. Մկրտիչ Լեհացու կողմից ընդօրինակված Սաղմոսի հիշատակարանում։ «Այլ և գրողի սկզբնագիր բանից գլխոց կարմրադեղով Տեսուն Ստեփանոսի հոգեդնկալ քահանայի և իւստից պարապողին՝ համագաւառուս գրոցըս գծողի»։ 1653—1656 թթ. պատրաստված Ծաշոցի հիշատակարանում կարդում ենք. «Գրեցաւ ձեռամբ Ստեփանոսի քահանայի և ծաղկափթի զարդարեցաւ Ալեքսանդրոսի եւ Նահապետի արուեստաւորօք. Հոգացողութեամբ եւ սատարութեամբ Ստեփանոսի վարդապետի»²³։ Ստեփանոս Լեհացին որպես գրիչ ու ծաղկող է հանդես գալիս նաև «Դիոնեսիոս Արիսպագացու Մատենագրութիւնը» թարգմանական գրքում։ Նա հանդես է բերում էջի ձևավորման կառուցվածքի հմտություն, լուսանցազարդերում, գլխազարդերում և սկզբնազարդերում ունի գծի ու գույնի ներդաշնակ-

²⁰ «Բանք», Մատենադարան, ձեռ. № 5074, էջ 394-ի ետևը։ Նույնը տես *Мастера искусства об искусстве*, том 6, Москва, 1969, стр. 59—61.

²¹ Նույն տեղում, էջ 395։

²² Նույն տեղում։

²³ Նույն տեղում, էջ 452։

²⁴ Նույն տեղում, էջ 399-ի ետևը։

²⁵ Նույն տեղում, էջ 400։

²⁶ Մատենադարան, Հարություն Արքայանյանի արխիվ, թղթ. 98, վավ. 18ա։ Նույնը՝ «Արարատ», վաղարշապատ, 1888, հուլիս, էջ 418, 420։

¹⁹ В. К. Чалоян, История армянской философии, Ереван, 1959, стр. 319—333.

կուրյան զգացողություն: Լեհացին նույնիսկ հեռանում է մանրանկարչության կանոնիկ սկզբունքներից և ջրաներկով ստեղծում ծաղկանկար մի վերջնազարդ, որի վրա զգացվում է ժամանակի դեկորատիվ ար-



Ստեփանոս Լեհացի. Առաքյալ

վետի ազդեցությունը (Մատենադարան, ձեռ. № 5177, էջ 465): Լվովի ս. Աստվածածին եկեղեցուն նվիրաբերած Ավետարանի (1661) հիշատակարանում Լեհացին գրում է. «...կարողացոյց զտկարս և զօրացոյց զի քարեաց վերջնոտնեալս զՍտեփանոս Խովացի, հուսկ յետինս ի բանասիրաց, զձագրել մատամբ իմով զերանսպարփակ և զամենատարփակ մատնանս, զշորեքծագեան տիեզերաց համարարող տառս... ոսկէնկարէնս իմն տեսակաւ զարդարեալ ետու զեղապաճոյն արարեալ ի գոյնս վայելուչս, երանգազան որակօր երիմագարդեալ ըստ արհեստից յօրինամբ. և թողրապէս ի կատարումն ածի...»²⁷: Գ. Հովսեփյանը բերում է Ստեփանոս Լեհացու աշակերտ Ներսէս սարկավագի հիշատակությունը (1662 թ. ձեռագրում), որտեղ գրված է նաև հիշել «և զու-

տացին իմ և զվարժին զՍտեփանոս Խովացի քաջ հոնտոր և քարգմանիչ քարունին, որ էր այլ ի շնորհօր և հաւնաբով և արքեալ հոգով սրբով. զի հաւնապազ ըստ աստուածատուր պարգևօր զա(մենայն) եղբայր կատարելագործէր փիլիսոփայական կրթութեամբ»²⁸:

Նկարչության հանդեպ ունեցած Ստեփանոս Լեհացու հետաքրքրությունները չեն սահմանափակվել ձեռագրերի ձևավորումներով: Էջմիածնի վանքում նա կատարել է նաև որմնանկարներ ու հաստոցային գործեր: Այդ մասին առաջին հիմնավոր հիշատակությունը պատկանում է Հ. Ծաֆիաթունյանցին, որը գրում է. «Յամենսին ի սոսա (Էջմիածնի նկարների շարքում—Մ. Ղ.) քաջապէս փայլին շնորհ ձեռաց մեծանուն վարդապետին Ստեփանոսի Լեհացու և քաջ նկարիչին հօր Յովնաթանու»²⁹: «Հօր Յովնաթանու» ասելով Հ. Ծաֆիաթունյանցը նկատի ունի Հովնաթանյան նկարչական տոհմի հիմնադիր Նաղաշ Հովնաթանին: Գ. Լևոնյանը վերոհիշյալ արտահայտությունը համարում է թուրիմացություն և անախորհիզմ, բանի որ, ըստ Լևոնյանի, Լեհացին ու Նաղաշ Հովնաթանյանը միասին չեն ստեղծագործել ու նույն ժամանակ չեն ապրել³⁰: Սակայն Հ. Ծաֆիաթունյանցն այն հեղինակը չէ, որ կարող էր այդօրինակ անցնալություն թույլ տալ: Նրա նախադասությունը կարող է երկակի քացատրություն ունենալ.

ա) Պատմագիրը նկատի ունի այն նկարները, որոնք 19-րդ դարի 1-ին կեսին դեռևս զարդարում էին Էջմիածնի տաճարը, և որոնց մեջ առանձնապէս նշանակալի էին Լեհացու և Նաղաշ Հովնաթանի գործերը: Անունները ավանդաբար հասել էին Ծաֆիաթունյանցին:

բ) Ավանդությունը կարող էր լինել նաև այն, որ Ստեփանոս Լեհացին ու Նաղաշ Հովնաթանը միասին աշխատել են վան-

²⁸ Գարեգին արքեպ. Հովսեփյան, Նյութեր և տեղեկություններ հայ արվեստի և մշակույթի պատմության, պրակ Ե. Անթիլիաս-Լիբանան, 1951: Գ. Հովսեփյանը տեսել է Ստ. Լեհացու կողմից գրված և ծաղկազարդված մի ձեռագիր-խորհրդատետր (մատուցորապէս 1668 թ.) նյութերաբանակ հեռանվար և գորգավաճառ Պարոյրյանի մոտ: Նույն տեղում:

²⁹ Յովն. եպիս. Ծաֆիաթունյանց, Ստորագրութիւն կաթողիկէ Էջմիածնի և հինգ գաւառացի Աբարատայ, հատոր Ա, Վաղարշապատ, 1842, էջ 45:

³⁰ Գարեգին Լևոնյան, Հովնաթանյան նաղաշները հայ նկարչության պատմության մեջ, «Խորհրդային արվեստ», Երևան, 1938, № 4, էջ 54:

²⁷ Հ. Ղ. Ալիշան, Կամենից. տարեգիրք հայոց Լեհաստանի և Խումենից յաւատուչեալ յաւելումով: Վենետիկ, 1896, էջ 193:

քում: Դա ևս շատ հավանական ենթադրություն է:

Անդրադառնալով փաստերին:

Ստեփանոս Լեհացու մահվան մասին տարատեսակ կարծիքներ են հայտնվել: Հ. Մ. Չամչյանը գրում է, որ «Եր ինքն լեալ իբր ութսուն ամաց, վախճանվեցաւ ի թուակաւութեանս հայոց ՌՃԼԸ (1699), փոքր մի յաւաշ կամ ետոյ»³¹: Հ. Ղ. Ալիշանը առաջադրում է 1685 թ. (կապակածով) «Յետոյ բարի վարուք և ուղղափառութեամբ գլեանս իր վճարեալ՝ հանգաւ ի Բրիստոս, մոտ յայս ամի»³²: Հ. Ծախաթունյանը առաջինը հրապարակեց Ստ. Լեհացու տապանաքարի արձանագրությունը³³, որը հետագայում տեղ գտաւ մի շարք պատմա-քանասիրական աշխատություններում: Տեքստը որոշ ուղղումներով նորից հրապարակեց Ստեփանոս Լեհացուն առանձին հիմնավոր հոդվածով³⁴: Վերջինս լույս ընծայումից անմիջապէս հետո Կ. Բասմաջյանը հրապարակեց տապանաքարի տեքստը (Հ. Ծախաթունյանի ընթերցումից անմիջապէս տարբերությամբ), նշելով նաև, որ Լեհացին թաղված է ա. Հոփի-սիմե եկեղեցու պարսպից դուրս, միաբանների գերեզմանատանը: Տապանաքարը երկու կես էր եղել, բայց Բասմաջյանին հաջողվում է արձանագրությունն ընդօրինակել թղթի վրա, որից կաղապար է պատրաստել տալիս և նվիրում Սեմ Ժերմենի թանգարանին (Ֆրանսիա): Ահա տապանագիրը.

Յա[յ]սմ կրիս Ասու եղ
եալ պահի մարմին
մաքուր վարդապետի
Աճաբան ըստեփ
սանոսի որ էր տեղ
եալ բնիկ լեհացի
անին ի (կոթ)ս ալ
ս ընկրկի հազար
հարիւր ընդ երեսնի
կրկին քառի Կ թի
հայկազնի որք հան
դիպիք տուք զողորմի
Աժ եւ ձեզ ողորմեսցի»³⁵:

³¹ Միքայել վրդ. Չամչյան, Պատմություն հայոց, հատոր Գ, Վենետիկ, 1785, էջ 620:

³² Հ. Ղ. Ալիշան, Կամեմիդ... էջ 143—144:

³³ Յովհ. եպս. Ծախաթունյան, վերոհիշյալ աշխատությունը, էջ 271—272:

³⁴ Հ. Ն. Ալիշան, Ստեփանոս վրդ. Լեհացի, «Հանդես ամսօրյա», Վիեննա, 1912, հունվար, էջ 62—66, փետրվար-մարտ, էջ 147—154:

³⁵ Բասմաջյան Կ. Յ., Տապանագիրը Ստեփանոս վրդ. Լեհացու: «Հանդես ամսօրյա», Վիեննա, 1912, հունիս, էջ 424:

Բոլոր դեպքերում, 1689 թ. սկզբներին Ստեփանոս Լեհացին դեռևս ողջ էր, քանի որ Մատենադարանի ձեռագիր Ժողովածուում (ԺԸ դար, ձեռ. № 727) տեղադրված է «Հարցումն Ստ. Լեհացու և պատասխանիք Յովհ. Ջուղայեցու» («Անպիտան Յովհաննէս վարդապետի թուղթ առ Լեհացի Ստեփանոս վարդապետ զոր գրեցաւ ի թվին ՌՃԼԸ (1689) յունվարի ԻԵ (25)», էջ 165—173): Մեկ այլ ժողովածուում հիշվում է, որ Ստեփանոս Լեհացին «...վախճանեցաւ ի թվին ՌՃԼԸ (1689)»:

Նաղաշ Հովնաթանը ծնվել է 1661 թ. Ծոռոթում: Անցնելով Ագուլիսի վանքի դպրատան ուսումնառությունն ու իրեն դրսևորելով որպես շնորհալի երիտասարդ, որը բանաստեղծություններ էր գրում, երաժշտություն հորինում, երգում, ձեռագրեր ծաղկում, եկեղեցիներ նկարազարդում, 1679 թ. մեծ երկրաշարժից հետո հրավիրվում է Երևան՝ վերակառուցվող եկեղեցիները նկարազարդելու: Այդ ժամանակ էլ նա գրում է իր նշանավոր «Գովասանություն Երեւան քաղաքին» բանաստեղծությունը, որտեղ քննադատական արտահայտություններին համոզականություն տալու նպատակով շեշտում է. «Նաղաշն Երևան շատ կացաւ»³⁶: Հավանական է, որ հաճախ լինում էր Էջմիածնում: 1689 թ. նա արդեն 28 տարեկան էր: Ծատ հավանական են նրա և Լեհացու հանդիպումներն Էջմիածնում մինչ այդ, քանի որ Երևանի եկեղեցիների ձևավորումները նա պետք է որ կատարեր շատ ավելի վաղ: Հավանաբար, Ստեփանոս Լեհացու ժամանակ ևս Նաղաշ Հովնաթանը որոշակի գործեր է կատարել Էջմիածնի եկեղեցում, որոնք կամ չեն պահպանվել, կամ մնացել են տաճարի պատերին հետագայում կատարված աշխատանքների տակ:

Ի՞նչ նկարներ է արել Ստեփանոս Լեհացին Էջմիածնի տաճարում:

Էջմիածնի տաճարի նկարներից առաջինն անդրադարձավ Գարեգին Հովսեփյանը, որը տաճարի հետին դասի արևմտյան խորանի տասներեք նկարները Ստեփանոս Լեհացուն վերագրելը նշում է, բայց խուսափում է վերջնական խոսք ասելուց³⁷:

³⁶ Յակոբ Յ. Թոփճեան, Ցուցակ ձեռագրաց Խաչիկ վարդապետի Դադեան: Ժողոված 1878—1898: Մասն Ա, Վաղարշապատ, 1898, էջ 92:

³⁷ Նաղաշ Հովնաթան, Բանաստեղծություններ: Երևան, 1951, էջ 100:

³⁸ Գարեգին արքեպ. Հովսեփյան, Նյութեր և ուսումնասիրություններ հայ արվեստի և մշակույթի պատմության: Անթիլիաս-Լիբանան, 1951, պրակ Ե:

Որո՞նք են այդ նկարները:

Միմեռն Երևանցի կաթողիկոսի հանձնարարությամբ 1775 թ. կազմած «Դարբար և հաշուագիր անօրից և սպասուց սրբոյ և Միաճնախի տաճարի» ցուցակում նկարա-

զերված 88 գործերի շարքում կարդում ենք. «Ի Յեւթիւ դասն են այսք. ԺԳ. պատկերք, որոնց ԺԲ-քն են Սուրբ Առաքելոցն, և Էինն է թերախաւտութիւնն թմալի, և ցուցանելն նմա տեսուն զձեռս և զկող իւր:



Ստեփանոս Լևնացու գոմարագարի թագը

Կախեալք են սոքա ի վերին կողմն մեծի դրան տաճարին ի ներսին կուսէ»³⁹։ Սրանց մասին Հ. Ծախաթունյանը գրում է. «Եւ պատկերքն երկոտասան Առաքելոց՝ յորում է շոշափումն Թովմայի, դասասորեալք ի կիսաշրջանակի ալնդ կամարայարկին արևմտյան մեծի դրանն ի ներքին կողմանէ»⁴⁰։

Նկարները պահպանվել են մինչև մեր օրերը⁴¹։ Դրանք իրենց կատարման ոճով տարբերվում են Էջմիածնի տաճարի մյուս նկարներից։ Տաճարի գեղանկարչական աշխատանքներում առկա են Նաղաշ Հովնաթանի, Արա որդիների Հակոբ և Հարություն Հովնաթանյանների, Հակոբի որդի՝ Հովնաթան Հովնաթանյանի, ինչպես նաև Հովնաթանյան տոհմի չորրորդ (Մկրտում) և հինգերորդ (Հակոբ) սերունդների նկարիչների գործերը։ Հովնաթանյան տոհմի նկարչական արվեստին բնորոշ է արևելահայկական ինքնատիպ բնույթ, որն ունի եվրոպական արվեստից եկող (հատկապես փորագրություններից) պլուստային փոխառում և մոդելավորման թույլ երանգ։

Ստեփանոս Լեհացուն վերագրվող տասներկու առաքյալների դիմանկարները և «Թովմայի թերահավատությունը» նկարը ուշագրավ են պատկերի կառուցման յուրօրինակությամբ։ Դիմանկարներում ֆիգուրները կտավի մեջ տեղադրված են ծնկներից, դիտողին մոտեցրած։ Պատկերված են երեք դիրքով. աջ կամ ձախ թեքված, ինչպես նաև անֆաս։ Նկարիչը մեծ տեղ տալով առաքյալների սիմվոլներին՝ գիրք, թուր, բանալի, գավազան, խաչ և այլն, ուշադրության կենտրոնում է պահում դեմքերն ու ձեռքերը։ Տիպաձևերը կենսահաստատ են, «հայկականացված»։ Հատկապես շեշտվում են զգեստների (թիկնոց, կապա և այլն) ծալքերը, որոնք իրենց ծալվածքով ու գունային տարբերակներով որոշակի աշխուժություն են առաջացնում նկարների ընդհանուր գույնավորության մեջ։ Մաքուր կանաչ, կապույտ, կարմիր գույների համադրություններն արված են խիստ ստանդարտ, ծալվածքի ու լույսուստվերի որոշակի հարցեր լուծելու միտումով։ Յուրաքանչյուր նկարի ձախի վերևում տեղա-

դրված է առաքյալի անունը պարունակող գրություն (ՍԲ ԹԱԴԷՈՍ, ՍԲ ՊԵՏՐՈՍ և այլն)։ «Թովմայի թերահավատությունը» կտավում ուշագրավ է երկու կերպարների հոգեբանական համադրությունը. Բրիստոսը՝ գեղեցկադեմ, պարզ, մի փոքր ափսոսանքով լցված հայացքով, իսկ Թովման՝ ներքին ուժեղ մղումով գլուխն առաջ պարզած, հայկական բնորոշ դիմագծերով, սուր, թափանցող, թերահավատ, բայց և ճշմարտության փաստի առաջ կանգնած, ճշմարտությունը հասկացողի վախով լըցված հայացքով։

Նկարների այս շարքը գեղարվեստաբանական առնչություններ ունի Էջմիածնի տաճարի զանգակատան պատերի՝ մուտքի մոտ արված աշխատանքների հետ, որոնք ժամանակի ընթացքում վերանորոգվել են, բայց պահպանում են որոշակի պարզունակության կնիքը։ Դա բնորոշ է 17-րդ դարի հայ կերպարվեստին, հատկապես Արա որդիների կառուցչությանը։ Պետրոս առաքյալի կողքին պատկերված է շագանակագույն սյուն, որի վրա կանգնած է Արա որդու մարմնավորող աքաղաղը։ Աջից ցած իջնող կանաչ վարագույրը նույնպես հաստատում է ինչպես այս, նույնպես և դիմացի հատվածում պատկերած Պողոս առաքյալի կերպարավորման եվրոպական ազդեցությունը։ Զանգակատունը կառուցվել է Անտոն Զեղեպի ծախսով՝ Փիլիպոս կաթողիկոսի ժամանակ։ Ա. Դավրիժեցիին գտնում է, որ «գեղեցկագույն նկարակերտությամբ» արված կառույցը ստեղծվել է 1658 թ. «Թեպետ ի վերայ նորին գրեալ թուականքն այլապես են»⁴²։ Եվ իրոք։ Զանգակատան արձանագրության մեջ կարդում ենք. «Ընդորհի Աստուծոյ և օծանդակությամբ սրբազան Հայրապետացն Փիլիպոսի եւ Հակոբայ հրաշակերտեցաւ Զանգակատունս եւ ծաղկեցաւ ի թուականիս ՌԺԺԳ (1664)»։ Արձանագրությունը վերաբերվում է զանգակատան նկարազարդմանը, որը ճշտում է Հ. Ծախաթունյանը⁴³։ Ե՛վ առանձին դիմանկարները (Պողոսը ու Պետրոսը), և՛ ընդհանուր ծաղկանկարները պետք է որ կատարված լինեն մի նկարչի ձեռքով ու Արա դեկավարությամբ, որը հիմնականում շնորհաշատ անձնավորություն էր և ամենակարևորը՝ նկարչության հետ կապված անձնավորություն։ Դա Ստեփանոս Լեհացին է։

³⁹ Հրապարակել է Գ. Հովսեփյանը։ Ս. Էջմիածնի տաճարի պատկերագրությունը Սիմեոն կաթողիկոսի ժամանակ։ «Ամահիտ», Փարիզ, 1911, № 8—4։

⁴⁰ Յովհ. Եպիսկ. Ծախաթունյան, վերոհիշյալ աշխատությունը, էջ 45։

⁴¹ Պահպանվում են Էջմիածնի վանքի վեհարանում և Հայաստանի պետական պատկերասրահում։ Կտավ, լուղաներկ, 203×87։

⁴² Պատմություն Առաքել վարդապետի Դարի-ժեցոյ։ Վաղարշապատ, 1884, էջ 268։


⁴³ Յովհ. Եպիսկ. Ծախաթունյան, վերոհիշյալ աշխատությունը, էջ 28։

Այսպիսին է «բաշ գիտնական և թարգմանիչ» (Ղ. Ալիշան) Ստեփանոս Լեհացու ժառանգությունը: Անհրաժեշտ ենք համարում բնոգծել նաև, որ մոռացության գրոհից ու կորստից պետք է փրկել Ստեփանոս Լեհացու գերեզմանն ու տապանաքարը:

Ստեփանոս Լեհացին իր մտածողությամբ

ու գործունեությամբ կանգնած է 17-րդ դարի այնօրինակ մտավորականների շարքում, ինչպիսիք էին Առաքել Դավթիժեցին, Խաչատուր Վասարացին, Սիմեոն Ջուղայեցին, Հովհաննես Ջուղայեցին, Նաղաշ Հովնաթանը, Ոսկան Երևանցին, Հովհաննես Մրբուզը, Հակոբ Ջուղայեցին, Ակարիչ Մինասը, Բաղդասար Դպիրն ու ուրիշներ:





ԳՐԱԽՈՍՈՒԹՅՈՒՆ

«ՅՐՈՒԱՑԱՆԿ (INDEX) «ԱԶԳԱՊԱՏՈՒՄ»Ի ՅԱՏՈՒԿ ԱՆՈՒՆՆԵՐՈՒ

Պատրաստեց Տիրայր Ծայրագոյն վարդապետ (Տերվիշեան)
Միաբան Ուխտին Սրբոց Յակոբեանց Երուսաղէմի: Հրատարակութիւն
Հայկական Բարեգործական Ընդհանուր Միութեան Ալեք Մանուկեան Մշակութային
Բիւննադրամի, 1976, Լոս Անճելոս», էջ 377:

«Ազգապատում»ը երկու հազար տարիներու պատմությունն է աշխարհի հնագույն քրիստոնյա ազգերեն մեկուն՝ հայ ժողովրդին:

«Ազգապատումը» փառապանծ հուշարձանն է մեր ժողովուրդի անմար հավատքին, ստեղծարար գործին, և խիզախ մաքառումներուն ի փառս Աստուծոյ և Հայաստանայց Սուրբ եկեղեցիին և ի պարծանս Ամենայն Հայոց քրիստոսաւիրման Հայրապետական Սուրբ Աթոռին:

ՎԱԶԳԵՆ Ա.

Ծայրագոյն Պատրիարք և կաթողիկոս Ամենայն Հայոց (գրված «Ազգապատում»ի երկրորդ հրատարակության առթիվ 1959 թ.):

«Ազգապատում»ը ոչ միայն ապրող գործ մըն է, այլ և ապրեցնող գործ մըն է:

Ս. Միմոնյան


«Ազգապատում»ի երկրորդ հրատարակության գիտական հաճմախմբի կողմից:

Վերջերս իմ հարազատների մոտ հեռավոր Լոս Անճելոսում այցի զնալու առթիվ անսահմանորեն ուրախալի մի անակնկալ

եղավ ինձ համար, երբ համեստագույն և տքնաջան աշխատասիրող հոգեշնորհ Տ. Տիրայր Ծ. վ. Տերվիշեանից հատուկ ընծալականով մեծ հաճությամբ ունեցաւ նվեր ստանալու իր իսկ կազմած Օրմանյանի կոթողային «Ազգապատում»ի անվանացանկի սովոր հատորը:

Այսպիսով իր լրումին է հասնում կարևորագույն մի գործ, որի անհրաժեշտությունը ավելի քան կես դար է, որ շատ զգալի էր եղել հայագիտության համար: Թե ինչքանով մեծ էր եղել այդ գործի պակասը, այդ երևում է նույն ուղղությամբ կատարված ապարդյուն փորձերի փաստով, և որոնց անդրադարձել է աշխատասիրողը իր գործի սկզբին զետեղած առաջաբանում: Այդ գրվածքից հայտնի է դառնում, որ «Ազգապատում»ի հատուկ անունների ցանկ պատրաստելու առաջին անհրաժեշտությունը և այդ ուղղությամբ կատարված առաջին փորձը պատկանել է նրա մեծանուն հեղինակին՝ Օրմանյանին: Երբ Տերվիշեան Ծ. վարդապետը 1946—1948 թթ. տեսույն է եղել Երուսաղէմի Սրբոց Հակոբեանց վանքի Կյուլպենկյան և Զեռագրաց մատեն-

նադարաններին, Ս. Թորոսի մատուան մեջ, ուր ամփոփված էին ձեռագրերը, գտել է Օրմանյան սրբազանի այն ձեռագիր տետրը, որի մեջ նա սկսել էր իր «Ազգապատում»ի հատուկ անունների պատրաստումը այբբենական կարգով և սակայն հագիմ մի քանի հարյուր էջ գրելուց հետո անավարտ էր թողել այն: «Ազգապատում»ի հատուկ անունների պատրաստման երկրորդ փորձը կապված է մնում 1927—



(Index)

“ԱԶԳԱՊԱՏՈՒՄ” Ի

ՅԱՏՈՒԿ ԱՆՈՒՆՆԵՐՈՒ

Պատրաստեց
ՏԻՐԵՐ ՄԱՐԿԱՐԵՆ ԿՐԳՆՅԱՆ
(ՏԵՐԿՐԵՆԵՆ)
Միջառն Ունտի Սրբոյ Յակոբեանց
Երուսաղեմ

Հրատարակիչ

ՀԱՅԱՍՏԱՆԻ ԲԱՐՔԱՆԵՐԱՆԵՆ ԵՎ ՀԱՅԱՍՏԱՆԻ ՄԻՈՒՆԵՆ
ՍԵՐ ՄԱՆՈՐԱՆԵՆ
ՄԱՆԱԿՐԱՆԵՐԻ ԿՈՄԻՏԵՐԸ

1928 թթ. հետ, երբ Բարգեն Եպիսկ. Կյուլենբյուրգի (այս Բարգեն Ա. աթոռակից կաթողիկոս Մեծի Տանն Կիլիկիո) անմիջական հսկողությամբ Երուսաղեմում լույս էր տեսնում «Ազգապատում»ի երրորդ հատորը: Ահա Բարգեն սրբազանի նախաձեռնությամբ էլ անվանացանկի գործը գլուխ քերելու համար գործի լծեցին ժառանգավոր ընծայարանի առաջին դասարանի սաներին, սակայն այս փորձը ևս ի վերջո անարդյունք մնաց:

Այս ուղղությամբ կատարված երրորդ

փորձը տեղի է ունեցել 1959 թ. հեյրուբում «Ազգապատում»ի երկրորդ հրատարակության առթիվ: Այդ մասին «Ազգապատում»ի երկրորդ հրատարակության գիտնական հանձնախմբի կողմից գրված առաջարկում խոստացվում էր «Երրորդ հատորի վերջավորության դեպքում հատուկ անուններու ցանկը, որուն պետքը այնքան շեշտված կերպով զգալի էր և որ գործույն կարևորագույն նորությունը պիտի ըլլա»: Սակայն երկրորդ հրատարակության տպագրությունը ավարտվեց առանց հիշյալ անվանացանկի: Բայց նկատի ունենալով այն հանգամանքը, որ հիշյալ հրատարակության համար խոստացված անհրաժեշտ ծանոթագրությունները քացի Ա. հատորի համար մեծ մասով պատրաստված հայագետ Տ. Մեսրոպ ծ. վ. Մ. Գրիգորյանի կողմից կազմվածներից մյուս ծանոթագրությունները ինչ-ինչ պատճառներով չէին կարողացել մասնակցել այդ գործին, ուստի «Ազգապատում»ի երկրորդ հրատարակության վերջին մասում նկատի ունենալով այն պարագան, որ ոչ ծանոթագրությունների մեծ մասը և ոչ էլ հատուկ անունների ցանկը հնարավոր չի եղել գլուխ քերել, ուստի հարմար էր դատվել «Բոլոր ծանոթագրությունները հավաքել հատորի մը մեջ՝ հատուկ անուններու ցանկին հետ (ընդգծումը մերն է, Ս. Բ.) և երկուսը—ծանոթագրություններ և հատուկ անուններու ցանկ—հրատարակել առանձին իրրև վերջին գիրք (հավանաբար տասներորդ)»: Սակայն ինչպես հայտնի է այս գեղեցիկ ծրագիրը ևս չիրականացավ:

Վերոհիշյալ ապարդյուն երեք փորձերից հետո, միայն չորրորդն է, որ շնորհիվ հոգեշնորհ Տերվիշյան Ծ. վ.-ի դեռևս 1937 թվականից սկսված ու երբեմն ընդմիջումներով շուրջ քառասուն տարվա համար, հարատև ու մաշեցնող աշխատանքից հետո հնարավոր եղավ ոչ միայն ավարտել, այլ և տպագրված տեսնել այնքան սպասված այդ կարևոր գործը: Ի դեպ՝ անհրաժեշտ է նշել, որ «Ազգապատում»ի անվանացանկի կազմման հարցով իր ժամանակին մտահոգված է եղել նաև մեծանուն հայագետ Նիկողայոս Ադոնցը, որը հատուկ նամակով դիմելով Երուսաղեմի հայոց պատրիարք Թորգոմ արքեպիսկ. Գուշակյանին առաջարկել է վանքի երիտասարդ վարդապետներին լծել «Ազգապատում»ի պատրաստման աշխատանքին: Սակայն ինչպես տեսանք, Տիրայր ծ. վ. Տերվիշյանը մինչ այդ արդեն սկսել էր այդ նույն գործին ամենայն վճռականությամբ, հետևաբար Թորգոմ պատրիարք Գուշակյանի հարցումին նույն երիտասարդ միաբանն

րից Տերվիշյան հայր սուրբը պատասխանել էր, որ ինք մեծակ սկսել էր այդ գործին: Սակայն Թ. պատրիարք Գուշակյանը նկատի ունենալով պահանջվող տիտանական աշխատանքը զգուշացրել է նրան ասելով. «Մեղք ես տղաս, աչքդ կը կտրեմ, ատիկա մեկ հոգիով ըլլալիք գործ չէ»: Սակայն հակառակ այս բոլորին աշխատասիրողը չընկճվեց և շարունակեց սկսված գործը: Բայց բոլորովին էլ հեշտ չեղավ այդ աշխատանքը: Հաճախ հովվական և այլ գործերով տեղափոխվելով մերթ Հուպե (Իսրայել), ապա Լիբանան, այնտեղից Եգիպտոս և ի վերջո ԱՄՆ և հաճախ երկարորեն գրկվելով իր գործի վրա աշխատելու հնարավորություններից, զոհելով անգամ իր հանգստի իրավունքը և խնայելով իր ժամերը ամենայն նվիրվածությամբ կարողացավ իր լրումին հասցնել այնքան ապասխմած այս գործը: Այս առումով խորհրդանշական նշանակություն է ունեցել աշխատասիրողի համար այն իրողությունը, որ 1932 թ. օգոստոսի 22-ին Թորգոմ պատրիարք Գուշակյանից կուսակրոն քահանա ձեռնադրվելու առիթով նրան է շնորհվել մեծանուն Օրմանյանի գրական անունը՝ Տիրայր: Ինչպես նշում է աշխատասիրողը, ինք ընդունելով այդ հոգևոր անունը իր ամբողջ կյանքի ընթացքում այն ունեցել է պարտավորող նշանակություն իր համար ի հավերժացումն Օրմանյանի հիշատակի:

Պետք է նշել նաև, որ Տ. Տերվիշյան Ծ. վ. ը նախապես նպատակ է ունեցել «Ազգապատում»ի բոլոր տեսակի անունները գետնից մեկ այքբենական կարգի տակ, սակայն Ամենայն Հայոց կաթողիկոս Տ. Տ. Վազգեն Ա-ը 1960 թ. երբ պատմական իր այցելությունն էր կատարում Խաղաղական օվկիանոսի ափին ապրող Լուս Անջելոսի իր հոտին, լսած լինելով «Ազգապատում»ի անվանացանկի մասին գոհունակությամբ տեսել էր այն և միաժամանակ թելադրել առանձնացնել անձնանունների և տեղանունների ցանկերը, որի կատարումը ինչ խոսք ավելի է հեշտացրել սույն անվանացանկից օգտվելու գործը: «Ազգապատում»ի այս «Ցրուացանկ»ի ստեղծման պատմությունը շատ թերի կլինեք, եթե այս առթիվ մոռանալիք հիշատակել բազմահմուտ Տ. Տիրայր արքեպիսկոպոս Ներսիսյանի անունը, որը կարևոր երախտիք ունի սույն երկի պատրաստումը քաջալերելու և մանավանդ նրա շուտափույթ տպագրությանը միջամտելու գործում: Ընդհակառակ կարևոր գործ է կատարել նաև Հայկական Բարեգործական Ընդհանուր Միության Ալեք Մանուկյան Մշակութային հիմնադրամը

իրականացնելով այս գործի տպագրությունը միանգամայն մաքուր կերպով և ընտիր թղթի վրա:

Այժմ տեսնենք, թե ինչ է բովանդակում սույն գործը և ինչ արժեք է ներկայացնում հայագիտության համար: Մեծադիր այս գիրքը բովանդակում է 377 էջ և բաղկացած է հետևյալ բաժիններից: Գիրքը բացվում է «Ձոն իրմե՝ իրեն» խորագրով գեղեցիկ մի ընծայականով գրված մեծանուն Օրմանյանի հիշատակին, որը եզրափակվում է նրա մահարձանի դամբանագրի մեջբերումով (էջ 3), ապա հետզհետե գալիս են գրքի արժեքավոր «Հառաջաբան»ը (5—9) և սույն անվանացանկում օգտագործված համառոտագրությունների ցանկը (11): Հատորի բուն նյութը բաժանված է երեք մասերի. առաջինը ընդգրկում է անձնանունները (13—286), որին հաջորդում է օգտագործված եվրոպական անունների լատինատառ տառադարձությունը (287—289): Անվանացանկի երկրորդ մասը նվիրված է տեղանուններին (279—358), որին հաջորդում է դարձյալ օտար տեղանունների լատինատառ տառադարձությունը (359—360): Անվանացանկի երրորդ մասը վերնագրված է «Ջանազանք» (361—368): Վերջում առանձին բաժիններ են հատկացված «Ազգապատում»ի առաջին և երկրորդ հրատարակությունների մեջ աշխատասիրողի կողմից նկատվող վրիպակներին (369—376), ինչպես նաև սույն «Ցրուացանկ»ում եղող վրիպակներին (377):

Այժմ տեսնենք, թե որոնք են եղել աշխատասիրողի կողմից իր առաջ դրված այն հիմնական առաջադրանքները, և որն է սույն գործի հիմնական արժանիքը: Առաջին հայացքից ընթերցողին թվում է, որ նա գործ ունի հայագիտական հրատարակություններին մեծ մասին հատուկ եղող սովորական մի անվանացանկի հետ: Սակայն, ինչպես տեսնելու ենք, այդ այդպես չէ: Նախ ասենք, որ անգամ եթե ցույց տրված լինեին «Ազգապատում»ի երեք հատորների մի ծայրից մյուսը սփռված բոլոր անձնանուններն ու տեղանունները բովանդակող հատվածների թվահամարները, ապա այդ ևս մեծ շնորհակալ աշխատանք կլինեք: Պարզ դարձնելու համար մեր միտքը ասենք, որ մինչև այժմ «Ազգապատում»ից օգտվող ուսումնասիրողները դրևե հարց փնտրելու դեպքում դիմում էին իրենց ցանկացած անվան կամ տեղանվանը ժամանակակից եղող կաթողիկոսին վերաբերող մասին: Սակայն իրենց փնտրած նույն անվան շուրջ չէ՝ որ կարող էին լինել այլ նյութեր ևս նաև հա-

տորների տարբեր մասերում, ուստի այդ բոլորը ստիպված էին դուրս մնալ ուսումնասիրողի տեսադաշտից: Վերցնենք օրինակ Գրիգոր Լուսավորչին վերաբերող հատվածներին, այդ մասին հանգամանակից կերպով շարադրված է Հայոց անդրանիկ կաթողիկոսի կյանքին ու գործին վերաբերող հատվածում: Այժմ շնորհիվ տույն «Ջրուացանկ»ի Գրիգոր Լուսավորչի մասին նյութեր կարելի է գտնել «Ազգապատում»ի առաջին հատորի 46-րդ հատվածից սկսած մինչև երրորդ հատորի 2128-րդ հատվածում: Սակայն անխուսափելիորեն չի բավականացել այսքանով, որքան ինչպես նշեցինք, մեծ շնորհակալ գործ կարելի էր համարել հայագիտության համար, այլ շատ ավելի հեռուն է գնացել և տույն անվանացանկը բարձրացրել է շատ ավելի բարձր աստիճանի, և «Ազգապատում»ից օգտվողներին ընձեռել է բազում հնարավորություններ: Նախ և առաջ նշենք, որ «Ազգապատում»ի հատորներում հաճախ հանդիպում ենք անձնանունների, որոնք երբեմն հիշված են իրենց անուններով և երբեմն էլ միայն իրենց ազգանուններով, պարզ է, որ այդ բոլորը ճշտելու համար մեծ աշխատանք է պահանջվել: Այն կազմված է ճշտումների, ուղղումների և երբեմն նաև գիտահետազոտական երկարատև աշխատանքի միջոցով: Ավելին, կազմողը գրված լինելով հայագիտական հարուստ մի գրադարանից և հետևաբար, ինչպես նշում է ինքը, ձեռքի տակ չունենալով Օրմանյանի կողմից իր ժամանակին օգտագործված բոլոր աղբյուրներն ու գրականությունը, ստիպվել է երկար թղթակցությունների միջոցով ստանալ անհրաժեշտ գրականությունն անհատ մարդկանց և հիմնարկությունների միջոցով և արդեն է կատարել անհրաժեշտ ուղղումներն ու ճշտումները:

Սույն անվանացանկից օգտվողների գործին մեծապես նպաստել է յուրաքանչյուր անձնանունին պատկանող բոլոր մականունների, աստիճանների և կամ պաշտոնների մի տեղում խմբավորելը: Արդեն օրինակ. Աբրահամ-Արեւոացի կամ Թեքիրտաղի կամ Թրակացի կամ Ռոտուպոցի, վարդապետ, եպիսկոպոս, և կաթողիկոս Ամենայն Հայոց իբր Աբրահամ Գ, և այլն: Ինչ վերաբերում է նույն անունը կրող անձանց, նրանք միմյանցից զատորոշվում են նրանց կյանքին բնորոշ եղող միանգամայն սեղմ, սակայն բավարար տվյալներով, ի հարկե այս բոլորը կազմողից պահանջելով երկարատև ու մանրազնին աշխատանք: Օրինակ. Անաստաս անունով հիշվում են ութ հոգի, որոնք են. 1.—Սուրբա-

սանց շարքի վրա (ինչպես այս, այնպես էլ մյուս անունների կողքին ցույց են տրվում «Ազգապատում»ի մեջ գտնվող հատվածի թվահամարը) 2.—Ա կայսր Բյուզանդիայի, 3.—Բ կայսր Բյուզանդիայի: 4.—Հույն պատրիարք Կ. Պոլսո: 5.—Պապ Հռոմա: 6.—Հայ-Հռոմ ամիրա: 7.—Ա. Ա. կոռեցի, սենեկապետ Ներսես Գ Իշխանցիի, ապա կաթողիկոս Ամենայն Հայոց: 8.—Վարդապետ, հեղինակ «Վասն վանորեից գրքին»: Այս նույն սկզբունքով, սակայն շատ ավելի մեծ ընդգրկում ունեն ավելի գործածական դարձած անձնանունները: Գրքում հիշված են 488 Հովհաննաններ, 288 Գրիգորներ, 160 Ստեփաններ, 143 Սարգիսներ, և այլն: Ինչպես նշեցինք, այս գործն էլ միայն կատարված լինել, կազմողի կողմից շնորհակալ կարող է լինել լինել, քանի որ կան անուններ, որոնք սխոյված են Օրմանյանի այս եռահատոր գործի տարբեր հատորների տարբեր հատվածներում: Նա ոչ միայն մանրակրկիտ կերպով ընթերցել և ուսումնասիրել է «Ազգապատում»ի հատորները, այլև խմբավորել է անունները և իր գործին հաճախ տվել է առարկայական և վերլուծական ցանկի բնույթ, ահա սրա մեջ է, ինչպես տեսնելու ենք, այս գործի հիմնական արժեքը և նրա արմատական տարբերությունը մյուս բնույթի մի շարք աշխատություններից: Մեր խոսքը վերաբերում է այն անձնանուններին, որոնց վերաբերյալ ցույց են տրված նրանց կյանքի բովանդակ պատկերը արտացոլող կարևորագույն դրվագները ճարտար խմբավորմամբ: Բերենք մի երկու օրինակ ցույց տալու համար կատարված աշխատանքի արժանիքները:

ԳՐԻԳՈՐ ԼՈՒՍԱՎՈՐՉԻ 2 ՊԱՐԹԵՆԻ Ա.—

Նախա-Լուսավորչական քրիստոնեություն (ինչպես այս այնպես էլ հաջորդ նյութերի հատվածների թվահամարները չենք բերում): Նախընթացը: Չարչարանքները: Ելն ի վիրապեն: Տեսիլք և Էջմիածնի տաճարը: Քարոզությունը ի Սյունիք և եպիսկոպոսական Աթոռ: Տարոնի քարոզությունը: Առաքելությունը Վրաց և Ալվանից: Հետագայի հարաբերություններ: Կատարած ձեռնարկությունները: Մեղսաններու բանդում և շինություն վկայարաններու և վանքերու: Իր ձեռնարկությունն ի Կեսարիա և ի նրանագլխություն Հայ եկեղեցվո: Մկրտություն Տրդատի և դարձ Հայոց: «Լուսավորիչ» հոգվոց: Հայաստանի լուսավորության թվականը: Կրթական և հոգևոր գործեր: Բարեկարգական կանոններ, ճառեր, և այլն: Նիկիո ժողով, հավատո հանգամանակ և դավանություն Հայ եկեղեցվո: Պաշտոնավարության շրջան: Միայնություն: Վա-

նականության համար: Կանամբություն: Որդիք և թոռունք ու հաջորդներ: Հոռո ուղևորության խնդիր, դաշանց թուղթ և այլն: Մահն ու հիշատակը: Գյուտ և բաշխում նշխարաց: Աջը: Կիրակի և տոն: Առաջավորաց և Լուսավորչի պահք: Ներքողյան իր մասին: Իր օրեն մատուցներ: Անջուր բաժակի խնդիր: Հագուստի տարագ: Իր անունով եկեղեցիներ: Տես նաև տեղանուններու շարքին՝ ԶՎԱՐԹՆՈՑ... ԼՈՒՍԱՎՈՐԶԻ... ԽՈՐ ՎԻՐԱՊ... Ս. ԳՐԻԳՈՐ... Ս. ԳՐԻԳՈՐԻՈՍ... Ս. ԼՈՒՍԱՎՈՐԻԶ... ՓԱՐՊԻ... Ծքանջան և պատկեր: «Լուսավորչական»: Աթոռ կամ Հայրապետություն Ս. Լուսավորչի: Գրիգորյան կամ Գրիգորիկ ասորիներ:

Նույն գովելի սկզբունքն ենք տեսնում կիրառված նաև ավելի նոր շրջանի նշանավոր հայրապետների նկարագրության մեջ: Այսպես է օրինակ ԳԵՈՐԳ Դ Ամենայն Հայոց կաթողիկոսի վերաբերյալ. 134. «ԲԵՐԵՍՏԵՃՅԱՆ Կ. ՊՈԼՍԵՑԻ, վրդ. եպիսկ. Պատր. Կթղ, նախկին անվամբ Գրիգոր: Կենսագրություն և նկարագիր: Առաջնորդ Պրուսայի: Պատրիարք Կ. Պոլսո: Կը հրաժարի: Երկրորդ անգամ թեկնածու: Երուսաղեմի Պատրիարքության թեկնածու: Կաթողիկոս Ամենայն Հայոց, իբրև Գեորգ Դ. Ընտրություն, հաստատում և այլն: Հարաբերություններ Սոս և Աղթամարի Աթոռներում հետ: Կ. Պոլսո հետ: Երուսաղեմի հետ: Ձեռնադրությունը, եկեղացական կարգադրությունը և արարողությունը: Ուսումնական ձեռնարկներ: (Ս) Գեորգյան ճեմարան: Ժիմարարությունը: Էջմիածնի Միաբանական կամ ներքին խնդիրներ: Եկեղեցական թողոմի խնդիր: «Հայկական խնդիր» և զանազանք: Մահը և արձանիքը: Մահեն հետո:

Նույն մանրակրկիտ սկզբունքը բարեբախտաբար կիրառված ենք տեսնում նաև կարևորագույն տեղանունների նկարագրության ժամանակ: Անհրաժեշտ ենք համարում այստեղ մեջքերել ԷԶՄԻԱԾԻՆ տեղանվան տակ տրված ընդարձակ նկարագրությունը:

ԷԶՄԻԱԾԻՆ, գյուղ, և գավառ, կեղրոն և աթոռանիստ Ամենայն Հայոց Հայրապետության: Զանազան քաղաքական իշխանությանց ենթակա: Ծննդավայր զանազան անձանց, գյուղեր, ևայլն: Տեսիլք և սրբավայր, Մայր Տաճարի հիմնադրություն և վանական շինությունը կամ նորոգությունը: Սրբություններ՝ Գեղարդ և Աջ, անթներ, թանգարան և զանձատուն: Հայրապետական Աթոռ և փոխադրություններ Աթոռի: Ամենայն Հայոց Հայրապետական ընտրությունը, Կաթողիկոսական և Վանական

գործեր, ևայլն: Հարաբերություններ Կիլիկիո կամ Սոս Աթոռին հետ: Աղթամարի կաթողիկոսության հետ: Աղվանից կաթողիկոսության հետ: Կ. Պոլսո Պատրիարքության և Թուրքիո հայության հետ: Երուսաղեմի Պատրիարքության հետ: Հոռոմի հետ հարաբերություններ, կաթողիկական ուղնձություններ ու խնդիրներ ի Լեհաստան և այլն: Բողոքական շարժումի մասին: Դավանական խնդիրներ ռուսաց հետ, ևայլն: Կաթողիկոսական բանադրանք: Եպիսկոպոսներ, միաբաններ, ևայլն: Սինոդ, կանոններ, «Պոլոժենիե» և «Մահմադարություն»: Տպարան և տպագրական, մատենադարան և վարժարան, ուսումնական, տոնացույց: Վանքի սեպհական կալվածներ, տուքեր, նվիրակություն: Այցելուներ, ևայլն: Նույն անունով եկեղեցիներ: Տես Ս. ԷԶՄԻԱԾԻՆ: Տես նաև՝ ՄԱՅՐ ԱԹՈՐ: (Տեղի տղության պատճառով այս վերջինը չենք բերում): Նույն ձևով բերված են հաճախ նաև զանազան ազգությունների և երկրների վերաբերող նյութեր:

Ահա միանգամայն օրինակելի անվանացանկ կազմելու մի եղանակ, որը «Ազգապատում»ը ուսումնասիրողների համար մեծ հնարավորություններ է ստեղծում և սակայն կազմողից պահանջվել է ներքին բազմատեսակ առարկայական ցանկեր ստեղծելու մանրագնին աշխատանք: Սակայն ինչպես ցույց է տալիս «Ցրուացանկ»ի քննությունը, ամենայն հավանականությամբ ժամանակի տղության պատճառով նույն օգտակար սկզբունքը չի կիրառվել բոլոր անձնանունների և բոլոր տեղանունների նկատմամբ (տես Մեսրոպ Մաշտոց, Ներսես Ծնորհալի, Ներսես Լամբրոնացի, Ներսես Աշտարակեցի, Ներսես Վարժապետյան, ևայլն: Ինչպես նաև Տարոն, Տարսոն, Տրապիզոն, Արաբիա, Հունաստան, ևայլն):

Ոչ պակաս կարևոր է նաև գրքի երրորդ մասը, որ խորագրված է «Զանազանք» և հիմնականում ունի առարկայական ցանկի բնույթ: Ինչպես նշել է կազմողը, այն հիմնականում ցույց էր տալու «Ազգապատում»ի այն նյութերը, որոնք վերաբերում էին հայ եկեղեցու վարդապետական, ծիսական, վարչական և այլ հարցերին: Դրժբախտաբար, սակայն այս ցանկը անավարտ է մնացել և, ինչպես ասում է աշխատասիրողը, գործի սկզբին ինք միտք չի ունեցել նման մի ցանկ կազմելու: Սակայն հակառակ այս ցանկի սակավ տվյալներին, այնուամենայնիվ այստեղ ևս կան օգտագործելի բազմաթիվ շահեկան նյութեր ազգային ընկերությունների, կուսակցությունների, գրքերի, շքանշանների, ամուսնու-

թյան, ապաշխարության, պարբերական սանույի, Տերունական տոների, կտակների, թղթերի, սրբապատկերն տոմարի, ծիսական գրքերի, և այլ հարցերի վերաբերյալ, որոնք ոչ անձնանուններ են և ոչ էլ տեղանուններ և դուրս էին մնացել այդ ցանկերից: Ցանկայի կլինեն, որ հետագայում ջանասեր աշխատասիրողը իր լրուսին հասցներ նաև այս խիստ կարևոր նշանակություն ունեցող անվանացանկը ևս:

Խիստ կարևոր նշանակություն ունեն նաև «Ազգապատում»ի առաջին և երկրորդ հրատարակություններում Տերվիշյան Ս. Վ.ի կողմից նկատված վրիպակները և առաջարկված ուղղումները: Միանգամայն ուսանելի են նաև գրքի բազմաթիվ էջերում տողատակերին քերված կամ առաջարկված բնագրային ուղղումները, ճշտումները կամ լրացումները, որոնք էլ դարձյալ կարևոր նշանակություն ունեն «Ազգապատում»ը ուսումնասիրողների համար:

Այսպիսով սույն «Ցրուացանկ»ի ուսումնասիրումը մեզ քերում է այն համոզման, որ թեև ցարդ հայագիտության համար Օրհանյանի «Ազգապատում»ը նյութերի ընդգրկման կործողայնությամբ և իրրև հայ պատմության թվականների լավագույն աղբյուր (սկզբ. Հր. Ամառյան) ամենահեղինակավոր կովաններից մեկն է հանդիսանում նաև այսօր, սակայն այնուամենայնիվ պետք է նկատել, որ հսկա զանաարանը ամբողջությամբ մատչելի չէր կարողանում լինել մասնագետներին, քանի որ ոչ մեկ գիտական աշխատող հնարավորություն չուներ մի անվան կամ մի հարցի կապակցությամբ ամեն անգամ ընթերցել այդ եռահատոր գործի մի քանի հազարների հասնող հատվածները: Իսկ այժմ շնորհիվ կատարված մեծ աշխատանքի այս գործը այնչա չի շարունակում մասամբ գաղտնի մնալ գիտության համար, այլ իր ամբողջությամբ մատչելի է դարձվում բոլորի համար և ծառայում իր ժամանակին մեծանուն հեղինակի առաջադրած բուն իսկ նպատակին: Այստեղից էլ դժվար չէ եզրակացնել այն իրողությունը, թե ինչպիսի անօժանատու է գործ է կատարել աննկուն և համեստագույն հայ հոգևորական Տ. Տիրաչյ Ս. Վ. Տերվիշյանը նման գործը գլուխ բերելով: Անկախից կարող ենք ասել, որ Մաղաքիա արքեպիսկ. Օրմանյանի մահից ուղիղ 60 տարի անց իր ստեղծած «Ազգապատում» անմահ երկը գրախոսվող սույն «Ցրուացանկ»ով իր ողջ բովանդակությամբ մատչելի դարձվելով հայ հասարակությանը, այժմ այն իր նոր վերածնունդն է ապրում:

Անշուշտ ինչպես ամեն մի գիրք, գրախոսվող սույն երկը ևս զերծ չէ թերիներից: Եվ եթե ուզում ենք այստեղ ցանկության կարգով նշել այդ մասին, այդ նրանից է, որ մենք հավատացած ենք, որ նման տեսակի ամեն մի գործ կարիք ունի լրացման և վերահրատարակման:

Անհրաժեշտ ենք գտնում նախ նշելու, որ լավ կլինեն, եթե այունակների վերին մասերում նշվեր ներքոհիշյալ առաջին անձնանունը և կամ տեղանունը, մի քան, որ ավելի կոյուրացներ գրքից օգտվելը: Լավ կլինեն, որ ամբողջացվեր երրորդ մասը, քանի որ այն հագիվ 8 էջ է բովանդակում և, ինչպես նշում է կազմողը, «Լավ պիտի ըլլա իրականացնել զայն օր մը, իմ կամ որիչի մը աշխատանքով»: Այս հարցում կարծում ենք, որ այն ամբողջացնելու լավագույն թեկնածուն նույնիսկ «Ցրուացանկ»ի հարգարժան աշխատասիրողն է, որը նման գործ կատարելու բոլոր տվյալներն ունի:

Ցանկայի կլինեն, որ վերոհիշյալ գնահատելի սկզբունքը, որը կիրառված ենք տեսնում բազմաթիվ անձնանունների և տեղանունների վերաբերյալ, տարածվեր նաև մյուս անունների վրա ևս, անշուշտ նկատի առնելով տվյալ անվան շուրջ եղող նյութի ընձևում հնարավորությունները: Մեր խոսքը վերաբերում է վերևում գրքից մեր մեջքերում Գր. Լուսավորիչ, Գեորգ Դ. կաթողիկոս Ամենայն Հայոց և Էջմիածին անուններին և անվանացանկում եղած նրան ձևի մյուս նկարագրություններին, որ տվյալ անձի կյանքի տարբեր ժամանակաշրջանները և կամ տեղանվան պատմական դրվագները խմբավորված են տարբեր հարցերի ու ենթավերնագրերի տակ և կոչված են մեծապես դյուրացնելու «Ազգապատում»ը հետազոտողների գործը:

Լավ կլինեն տվյալ երկիրն ու ժողովուրդը բերվեին տարբեր ենթավերնագրերում, սակայն մի ցանկում, որպեսզի ընթերցողը այն չփնտրի երկու ցանկերում: Նույն տեղանունը արևելահայ և արևմտահայ ողղագրություններով լինելու դեպքում, ցանկայի է խմբավորվել մի տեղում և մյուս ձևի մոտ անալալման հղման միջոցով ցույց տրվել այն: Օրինակ՝ մեծ մասամբ նյութը բերված է հետարաքիա անվան տակ (Էջ 282—283), սակայն ցույց չէ տրված, որ այդ նույն տեղանունը կա նաև դրված արևմտահայ ողղագրությամբ՝ Պետարպիա (Էջ 333) ձևով: Ոչ մեկը և ոչ էլ մյուսը չի հղված մեկը մյուսին: Կամ Իրանը առանձին է հիշվում (Էջ 302), Պարսիկներ և Պարսկաստանը առանձին (202—203) և

Արիք ու Արեաց երկիրը առանձին (34), որոնք սակայն անհրաժեշտ էր մի տեղում խմբավորել, քանի որ նույն ժողովրդի և կամ երկրի անունն են: Իրան անունը չի հղված վերոնշյալ անվանաձևերին, և ոչ էլ Պարսիկներ և կամ Պարսկաստան անվան կողքին ցույց է տրված Իրան անվանաձևը: Ռումանիա անվան կողքին ճիշտ կերպով ցույց են տրված Մոլդավիա և Վալաքիա անվանաձևերը (էջ 336), իսկ Վալաք կամ Վալախիա անվան մոտ (էջ 241) Ռումանիան ցույց տվող հղում չկա:

Ինչպես ասացինք, աշխատասիրողը իր գրքի բազմաթիվ էջերի տողատակերին կատարել է բազմաթիվ օգտակար ծանոթագրություններ, որոնք ևս կարևոր նշանակություն ունեն «Ազգապատում»ից օգտվողների համար: Բազմաթիվ ծանոթագրությունների ներքո աշխատասիրողի կողմից կատարված ճշտումները և կամ կոստումները միանգամայն համոզիչ են: Ժիշտ կոստումների շարքից է օրինակ էջ 264-ում երկու առանձին ուղղագրությամբ հիշատակված Օդով անունը իբրև ռուս իշխան և Օրով-ը իբրև ռուս զորապետ, որի մասին նա գրել է. «Անունի այս երկու ձևերը թերևս կը ներկայացնեն նույն անձը»: Հանությունը ցույց է տալիս, որ հիշյալ երկու անձնանունները իսկապես նույն անձին են վերաբերում, այսինքն այդ Ալեքսեյ Ֆեոդորովի Օդովն (1786—1861) է, որը եղել է Ռուսաստանում գինվորական և պետական հայտնի գործիչ:

Այժմ ցանկանում ենք կատարել և կամ առաջարկել մեկ քանի ճշտումներ:

1) ԿԱՏՐԱՆԻԳԷ կամ ԿԱՏՐԱՆԻԴԷ: Տողատակի ծանոթագրության մեջ գրված է. «ԿԱՏՐԱՄԻԴԷ գրված ձևը սխալ է» (էջ 107): Այնինչ ակադ. Հր. Աճառյանի «Անձնանունների բառարանում» հրոմակված ձևը դարձյալ Կադրամիտեն է (հտ. 2, էջ 582): Նման են փոքրիկ տարբերություններով Ասողիկի, Օրբելյանի, Կիրակոս Գանձակեցու, Ռոհայեցու Անանունի, Մխիթար Այրիվանեցու, Վարդանի, Առաքել Դավրիժեցու, Սամվել Անեցու մոտ: Ակադ. Կ. Մելիք-Օհանջանյանի կողմից մի քանի տասնյակ օրինակների հիման վրա կազմված պատմիչ Կիրակոս Գանձակեցու գիտա-համեմատական քննադրում ևս ԿԱՏՐԱՄԻԴԷ է (Տես Երևան 1961 թ., էջ 89):

2) ՄԱՏԹԵՆՈՍ եպս. և առաջնորդ Ծամախու և Բեսարաբիո, մասին ծանոթագրված է, («Հավանաբար պետք է նույնացնել ասիկա ՄԱՏԹԵՆՈՍ ՏԵՐ ԱՎԵՏԻՍՅԱՆ ՇԱՀԱՐՑԻ-ի հետ») (էջ 139): Նույն միտքը արտահայտված ենք գտնում նաև էջ 141-ում Մաթոնու Տեր-Ավետիսյան

Ծահարցի անվան մոտ: Մեզ հայտնի է, որ Բեսարաբիայի հայոց թեմի առաջնորդն է եղել Մաթոնու արքեպիսկ. Վեհապետյանը, որը կատարել է հիշյալ թեմը 1847—1857 թթ.: Այնինչ Մաթոնու արքեպիսկ. Վեհապետյանը հիշվում է «Ազգապատում»ում (տես նաև գրախոսվող «Ցրուացանք», էջ 141, № 47, սակայն իբրև միայն Ատրպատականի առաջնորդ):

3) ԳԵՈՐԳ ՏԵՐ-ՀԱՐՈՒԹՅՈՒՆՅԱՆ, ԹԱԹԱՐՅԱՆՑ ՌՈՒՄԱՆՅԱՆ կամ ՊՈԹՈՒՇԱՆՑԻ (էջ 51, այստեղ ռումանացի ձևը սխալ է, սակայն այդ սխալ ընթերցումը գալիս է Օրմանյանից (Տես «Ազգապատում» հատված 2705), այնինչ ճիշտ ձևը Ռումանցի է, որ եղել է այժմյան Ռումինիայի պատմական Մոլդովա նահանգի երբեմնի հայաշատ կենտրոններից մեկը: Օրմանյանի օգտագործած աղբյուրը (Աստվածատուր Եպիսկ. Տեր-Հովհաննիսյան, Ժմնկ. պատմ. Ս. Երուսաղեմի, 1890, Բ. էջ 550) դարձյալ ունի Ռումանցի ձևը:

4) ՄԻՆԻԹԱՐ ԱՆԵՑԻ: Ծանոթագրված է հետևյալ կերպ. «Այս անձին համար Ազգապատումի հիշատակությունը միայն մեկ անգամ է և հետևյալ կերպով—«Մխիթար Անեցին և Այրիվանեցին...» (էջ 1248, տող 32—33): «Կենթադրենք, որ սխալմունք մը կա անուններու այդ գրության մեջ և կը խորհինք որ պետք է գայն սրբագրել այսպես—«ՍԱՄՈՒԵԼ ԱՆԵՑԻՆ ԵՒ ՄԻՆԻԹԱՐ ԱՅՐԻՎԱՆԵՑԻՆ...»: Այս սրբագրությամբ ջնջված կըլլա «Մխիթար Անեցին»:

«Ազգապատում»ի ուշադիր ուսումնասիրումը ցույց տվեց, որ այս հարցը լուծվում է հօգուտ Օրմանյանի: Մխիթար Անեցու մոտ իսկապես, որ կա Օրմանյանի կողմից մատնանշված Հովհաննես Կաթողիկոս Դրասխանակերտցու մասին հիշատակված տվյալը, իսկ մի քիչ այն կողմ Օրմանյանի մոտ հիշատակված ենք գտնում նաև Սամվել Անեցու կարծիքը: Ուստի Մխիթար Անեցու անվան զեղջուրը չի արդարացնում իրեն:

5) Թոնդրակեցիների առաջնորդ Սմբատ Զարեհավանցու վերաբերյալ կազմող էջ 232-ում իր ծանոթագրության մեջ նշել է, որ ԶԱՐԵՀԱՎԱՆՑԻ ձևը սխալ է, քանի որ «Զարեհավանդ գյուղացի է Սմբատ»: Սակայն ակադ. Ս. Երեմյանի հրատարակած «Աշխարհացոյց»ում Զարեհավանդ անունով տեղանուն չկա և գրված է դարձյալ Զարեհավան քաղաք Ծաղկուն գավառի (Տես Ս. Ս. Երեմյան, «Հայաստանը ըստ «Աշխարհացոյց»ի», Երևան, 1963 թ., էջ 52): Կա «ԶԱՐԱՆԱՆԴ» գավառը Պարսկահայքում (Տես նշված երկը, էջ 51), սակայն այն կապ չունի Սմբատի հետ, քանի որ նա

Ծաղկուն գավառի Չարեհավանից էր:

6) Տեղանունների ցանկում գրված է Տիարպեքի կամ Տիգրանակերտ տես Ամիդ (էջ 352), իսկ Ամիդի մոտ գրված է «Ամիդ կամ Ամի» կամ Տիարպեքի կամ Տիգրանակերտ»: Այսպիսով Տիգրանակերտ քաղաքը հին ընդունված ձևով նույնացվում է Ամիդի կամ Տիարպեքի հետ, որոնք սակայն տարբեր քաղաքներ են, քանի որ Ամիդ քաղաքը այժմ կոչվում է Կիարեքի (Տես Ս. Տ. Երեմյան, «Հայաստանը բնու «Աշխարհացոյց»», Երևան, 1963 թ., էջ 35), իսկ Տիգրանակերտը Նփրկերտ կամ Մարտիրոսպոլիս քաղաքն է (նշված աշխատ.ը, էջ 86, տես նաև «Աշխարհացոյց»ի բարեբեղը:


7) Տեղանունների ցանկում միատեղ են գրված. «Ճուրճով կամ Ճուրճովա կամ Ենթիկոյ քաղաք Դրանսիվանիո կամ Ռումանիո»: Անհրաժեշտ էր առաջինը առանձին գետնելվեր իբրև Տրանսիվանիայի հայերի կենտրոններից մեկը, (Կոչվել է Ճուրճով սեն Միքլոշ, իսկ այժմ Գեորգեն), իսկ երկրորդը իբրև Ռումինիայի հարավակողմի քաղաք (ռում. Giurgiu):

Վերոհիշյալ ցանկությունները և կատարված լրացումները ոչ մի սուվեր չեն կարող գցել այս արժեքավոր գործի վրա, որի անհրաժեշտությունը դեռևս ավելի քան 60

տարի առաջ նկատել էր մեծանուն հեղինակը՝ Մաղաթիա արքեպիսկ. Օրմանյանը, և իրենից հետո բազմաթիվ անվանի հայագետներ: Ընդունիլ հոգեշնորհ տ. Տիրայր Մ. Վ. Տերմիշյանի քրտնաջան աշխատանքի ավելացավ հույժ կարևոր մի երկ ես, որը կարևոր նշանակություն է ունենալու հայ եկեղեցու և առհասարակ հայ ժողովրդի պատմության հարցերով զբաղվող մասնագետների և հայագիտության հարցերի նկատմամբ սեր տաճող ընթերցող լայն հասարակության համար: Ի սրտե շնորհավորում ենք անխնայ հոգևորականին իր ժողովրդին պարգևած այս մեծարժեք գործի համար, որը կոչված է մատչելի դարձնել իր ամբողջության մեջ Մաղաթիա արքեպիսկ. Օրմանյանի գլուխ գործոցը հանդիսացող «Ազգապատում»ը: Միաժամանակ «Տրուացանկ»ի աշխատասիրողին ցանկանում ենք նորանոր հաջողություններ մի գեղեցիկ օր իր լրումին հասցնելու համար նաև հատուկ անունների երրորդ առարկայական ցանկը ես և անհրաժեշտ վերանայումից և լրացումից հետո արժանացնելու այն իր երկրորդ հրատարակության:

ՍՈՒՐԵՆ ԲՈՒԱՆԶՅԱՆ





ԲՈՎԱՆ ԴԱԿՈՒԹՅՈՒՆ

Ռուս պրավոսլավ եկեղեցու պատրիարքության վերահաստատման 60-ամյակի հանդիսությունները Մոսկվայում	8
Հունաստանի հույն օրթոդոքս եկեղեցու պատվիրակությունը Մայր Աթոռում	9
ՆՈՐԱՅՐ ԱՐՔԵՊԻՍԿՈՊՈՍ ՊՈՂԱՐՅԱՆ—Մենք էջմիածին մը ունինք	13
ՄԱՅՐ ԱԹՈՒՌՈՒՄ—Եկեղեցական քեմ. լուրեր	16
Հոգևոր հունձ	18
Տարածեալ (նոտա. խոսք՝ Ս. Ներսես Ծնորհալու, դաշնադրումը՝ Պապ արքեպիս- կոպոսի)	22
ՎԱՉԱԳԱՆ ՍՐԿ. ԱՎԵՏԻՔՅԱՆ—Ամսվերջի հանդիսություն հոգևոր ճամբարում	24
Ա. ՀԱՏԻՏՅԱՆ—Սուրբ Կյուրեղ հայրապետ Երուսաղեմացի	28
Ազաթանգեղոսի Պատմություն հալոց. Վարդապետություն սուրբ Գրիգորի	33
ՄԱՆՅԱ ՂԱԶԱՐՅԱՆ—Ստեփանոս Լեհացի	47
ՍՈՒՐԵՆ ԲՈՂԱՆՋՅԱՆ—(Գրախոսություն) «Ցրուացանկ (index) «Ազգապատում»ի չատուկ անուններու»	57



ԽՄԲԱԳՐՈՒԹՅԱՆ ՀԱՍՑԵՆ

ՀԱՅԿԱԿԱՆ ՍՍՀ, ԷՋՄԻԱՄԻՆ

«ԷՋՄԻԱՄԻՆ» ԱՄՍԱԳՐԻ ԽՄԲԱԳՐՈՒԹՅՈՒՆ

Армянская ССР, Эчмиадзин, Редакция журнала «Эчмиадзин».

Rédaction de la revue «Etchmiadzine», Etchmiadzine. Arménie, URSS

Հանձնված է արտադրության 16.6.1978 թ.: Ստորագրված է տպագրության 28.7.1978 թ.:

Տպագրական 4 մամուլ, թուղթ 60X84¹/₈, պատվեր 567

Մայր Աթոռ Ս. Էջմիածնի տպարան, 1978 թ.